

4. 8. 320

4. 8. 320

XXIX

~~5~~

11.

BREYER

11

01/13/2011 10:00 AM

7

Viro Incomparabili
ANTONIO MAGLIABECCIO

Litterarum ac Litteratorum

Tutori indefesso

De omnibus eruditionem &
humaniora amantibus,
imprimis vero de se,
optime merito

Levidisse hoc munusculum
in aeternam obsequii
ac devotionis memoriam
gratus lubensq;

D. D.

Auctor.

HENRICI BRENKMAN,
JURISCONSULTI,
DE
EUREMATICIS,
DIATRIBA:

SIVE, IN
HERENNII MODESTINI

LIBRUM SINGULAREM

ΠΕΡΙ ΕΥΡΗΜΑΤΙΚΩΝ,


COMMENTARIUS.



LUGDUNO-BATAVORUM.

Apud FREDERICUM HAARINGH.

MDCCVI





Clarissimo ac Doctissimo

V I R O

GERARDO NOODT,

JURISCONSULTO,

E T

*In illustri Academia Lugduno-Batava
Antecessori, hoc tempore
Rectori Magnifico.*

M Emineram, *Vir Cla-
rissime*, quod apud
Ciceronem Crassus
monet, *educendam*
quandoque dictionem esse ex illa
domestica exercitatione & um-
bratili medium in agmen, in pul-
verem,

DEDICATIO.

verem, in clamorem, in castra atque aciem forenses. Itaque recte me atque ordine facturum existimavi, si arma Legum atque Judiciorum capeffens animum ad *togata militiæ* STRATAGEMATA advorterem, modumque enodarem, quo quis hostiles impetus tuto frangat, & incruentam de adversario victoriam reportet. Quid enim tam necessarium est, quam tenere semper arma, quibus tutus esse possis? Præterquam quod nullus ad spatiandum per latifundia Juris Civilis campus detur patentior, ut adeo ab omni parte se mihi hæc *de EUREMATICIS* materia probet; præsertim cum in iis præ-

D E D I C A T I O.

prælucentem habeam Veterum
Jurisconsultorum coryphæum &
antesignanum, HERENNIUM
MODESTINUM, qui quasi
fax & tuba belli sit. Accedit,
Vir Doctissime, ut, quo nihil
optatius accidere potuit, te sua-
forem hortatoremque habuerim,
quo Duce & Auspice theoretici
studii cursum peregi. Tu enim
verecundantem, & quasi diffi-
dentem incitasti; tu audendi
spem & animum addidisti. Qua-
propter cum tuo potissimum ju-
dicio & hortatu in aciem pro-
deam, tu quoque hominem en-
se levem nudo albâque parmâ in-
glorium ne destituas, sed eum
hanc suam expeditionem tuis

DEDICATIO.

auspiciis fuscipere, tuis vexillis insignire patiaris. Quis enim non reverebitur aquilas & signa tanti Ducis, qui tam munitas, quas adhuc opinio tenebat, inveterati erroris arces conscendit; qui tot abdita inaccessaque prisca ævi, tutissimum barbariei & ignorantiae latibulum, denudavit; qui denique innumeras Juris regiones, quarum confinia luxuriantium Interpretum excursionibus turbata erant, pristino splendori restituit. Quoties enim de erroribus non triumphasti? Quæ non opinionum monstra post tot incomparabilium Heroum expeditiones domuisti? Quanta tandem credulitatis

D E D I C A T I O.

litatis propugnacula vallaque dis-
 jecisti? Verum fatius est, ut
 tua de te monumenta tropæa-
 que testentur ipsa, quam ut tuas
 victorias exiliter decantem. Ego
 vero, si, quod prolixæ erga me
 voluntatis tuæ argumenta polli-
 centur, propugnationem mihi
 tuam defensionemque non de-
 negaveris, hac ægide tutus,
 hocque glorioso nominis tui mu-
 nimine confusus, dissentientium
 telis me exponere non dubitabo.
 Verum receptui cano, teque,
Vir Doctissime, pro communi
 Palladis salute supremas excubias
 agentem non remorabor ulterius.
 Deus te diu Academiæ Lugdu-
 nensis reique litterariæ ac pu-
 blicæ

DEDICATIO.

blicæ bono fervet, fospitet.
Dabam *Roterodami* x. Kal. Fe-
bruar. c13 1566vi.

AD

A D

HENRICUM BRENKMAN,

U T

Differtationes suas juridicas divulgat.

Quum *fila, Henrice, inciperet tua ducere Cloths,*
Hac de te fertur dicta dedisse Themis.

Nascere, nascere, parve puer; cui candida nentur
Stamina, quem Superum tot bona certa manent:
Parcarum venia tua nos tua fata canemus.

Nascere, parve puer; nascere, parve puer.
Nascere, namque parens tibi mox ridebit uterque,
Quos risu nosces blanditiisque suis.

Afflabis tibi caesariem lumenque juvena
Purpureum gemina juncta sorore Charis.
Calcabis non vile solum natale, sed illud,
Quod Mosa, quod liquidis Rotera cingit aquis.
Hic tibi sub custode puertia mollis agetur.

Quumque brevi dabitur tempore pura toga,
Inde petes Haga lucos & amena vireta;
Centum ubi ture calent aurea templa mihi.
Deinde Batavorum claras celebrabis Athenas,
Insignesque coles urbis ab arte viros;
Quos inter tum splendet mea maxima cura
Neodtius. hoc qua sim tu duce certus eris.

Pervigiles multo curas pensabis honore,
Mutabis titulis dulce laboris onus.
Denique Sed salve salve, o pulcherrimererum,
Salve: nunc aura vesceris atheria,

Hac, Brenkmanne, meos inter censende sodales,
Prasidium trepidis grande future reis;
Hac cecinit prasaga Themis, quam nocte diequo
Expertem studii non finis esse tui.

Eventus ea dicta probant: neque verior olim
Cephis umbroso margine Drva fuit.

*Cur igitur fraudas communi luce libellum,
Aera suis Sotis qui meriturus erat?
Gannitum invidia facias, precor, unius assu,
Viribus & parcas indubitare tuis.
Quid tenerum dubitas fama committere sætum,
Quem cupide expectat? Sit procul iste pudor.*

FRANCISCUS HESSELIUS.

E I D E M.

*Cum eruditam suam de EUREMATICIS
dissertationem in lucem mitteret.*

CUicumque cura gloriæ perennantis,
Amorque laudis pectus incitat veræ,
Aevi tenebras improbi supervectum,
Hunc nec popelli blandiens favor vilis,
Non flava vis metalli, & aera corrumpunt,
Quæ vulgo inertes aera fascinant mentes
Seculi veneno pestilentis adflatas.
Sed veri honoris candidatus ac famæ
Sibi & camoenis vivit. His vacat solis
Mens innocens, mens alta, mens sui plena,
Vanæque sortis improbae minas spernit
Innixa tantum conscientia recti:
Tum si quid est quod ingeni impetum frangat,
Cupidinis seu vis proterva vesani,
Sexusque blanda mollior nocens fraude,
Seu Massici vis, Eviusque bimater,
Furoris autor impotentis, exhorret;
Non Murtiae, non serviens suo ventri
De laude posterisque cogitat solis.
Haec nec die; nec nocte deserit cura,
Beata cura, tot sodalis Heroum,

Qui

Qui mente vivunt, seculisque jam seris
Per ora volitant, posterosque lassabunt.

Horum invidendum subsecutus exemplum,
BRENKMANNE, tandem propria nitens laude
Fructus laboris concipis moraturos.

Jam te reorum cernit Haga patronum,
Beata sedes Haga suavis Aстреae,

Nec Haga tantum sentiet tuas voces:
Sed te remotas hic tuus labor ducet

Per orbis oras, qua Latina majestas,
Regina mundi, gentium triumphatrix,

Terris subactis jura scripsit & leges.

Gaude, beate, & perge porro quo virtus,

Astraße, quo te ducit, & vocat sponte

Te lacta alumno, perge flos amicorum

Gaudere diligentiae tuae laude,

Quam nec maligno dente tempus arrodet,

Nec livor inpotente deprimet nisu.

GULIELMUS RABUS. J. U. D.

AD EUNDEM

ELEGIA.

*C*Are mihi, rarosque inter dilecte sodales,
Cujus amicitia pignora certa tuli!

Ergone abis? Musisque sacram sic deseris urbem,

In quarum castris tam bene miles eras?

Atque adem Themidos, vix factus ritè sacerdos

Iustitia, gressu precipitante fugis?

Moveruntque nihil te nec suspiria nostra,

Nec qua vix potuit dicere lingua Vale?

Discessum dolière tuum Phæbique sorores,

Atque urbis praeses filia docta Jovis.

Ipsè pater Rhennus te suspirasse profectum

Dicitur, & lacrymis irriguisse genas:

Nym-

Nympha! Mosam Rottamque inter cui florida tellus
Dat sedem, gemino nobilis amne tuo!
Tunc tenes natum? (sic fertur voce locutus)
Inque tuo gremio blandula fortè foves?
Anne tua sylva viridantia tecta pererrat;
Deliciasque tuas Haga jocosâ videt?
Scilicet; hunc natale solum dulcedine tantâ
Ducit, & immemorem nunc facit esse mei;
Aut adeò juveni sunt bella forensia cura,
Fidaque pro trepidis arma ferenda reis.
At (memini) quondam residenti in margine ripa
Illi ego gratus eram, gratus & ille mihi;
Seu jam mane novo sacris Musasque Themisque
Placaret, gnava sedulitatis amans;
Sive antiquarum legum monumenta revolvens
Ederet ingenii plurimâ signa sui.
Talis apes, hyemâs memores per amœna vireta
Cum pascuntur, agit sole nitente labor:
Narcissis illi insidunt: hi candida circum
Lilia funduntur; nectaraque ore legunt:
Fervet opus: fugiunt pulsi praesepia fuci:
Fragrantem redolent dulcia mella thymum.
Sedulitate ejus præventam saepe ego vidi
Auroram roseis erubuisse genis:
Tesbyos inque sinu cum jam dormiret Apollo,
Hunc vidi studiis invigilare suis.
Naiadum Dryadumque decus! quarum altera grata
Mercurio arrides, altera amata Jovi es!
Reddite, quem sovi, Nympha! mihi reddite natum,
Quem mihi non ortus, sed mea cura dedit:
Reddite, quo nunquam mihi carior alter, ab illo
Quo primum me adiit tempore Musa, fuit.
Vocibus his, Henrice! pater revocabat ademptum
Te Rhenus, voce hac te sociique vocant.
Tu tamen, ô nimium nimiumque oblite tuorum!
Nostris beu! precibus non benè motus abis?
Me quoque, quem studium commune, & sœdera longa
Junxere, & nullo tempore rupta fides,

Desce.

*Deseris, atque tuo, cum vix te urbemque raviſo,
 Non licet adſpectu colloquioque frui?*
*O res humana inſtabiles! nimiumque caduca
 Sors, tantum conſtans in levitate tua!*
*Hos ego cum queſtus lugubres, ſigna doloris
 Proferrem veri non ſimulata mei;*
*Ecce! mihi, fallax ſi me non luſit imago,
 Adſtitit alma Themis: (nec puſto, vana fuiſt)*
*Stipabant utrumque latus, qui lumina juris
 Sunt habiti, Auſonii gloria magna fori.*
*Obſtupui viſu, cum me ſolata dolentem
 Diva eſt, & tales edidit ore ſonos.*
*Intempeſtivo gemitu tunc aëra ſolus
 Impleſ, nec latâ gaudia mente capis?*
*Gaudia, turba quibus prudens perſunditur omni,
 Quæ numen comitat, proſequiturque meum.*
*Cernis, ut hos inter, mihi grata Modestia nomen
 Cui dedit, exultet gaudiaque ore ſerat?*
*(Atque MODESTINUM monſtravit Diva diſertum
 Unâ, nam docti pars erat ille chori.)*
*Adverte ô! animum, ut tibi pandam ab origine primâ
 Latitia cauſas, triſtitiâque levem.*
*Quanta molis erat præclaras condere gentes,
 Tanta virtutis condere jura fuiſt.*
*Namque ubi jam toto ceſſit gens aurea mundo,
 Quæ coluitque libens & ſine lege fidem;*
*Protinus inſidia turpes, fraudiſque reperta
 Mille viæ atque artes, innumerique doli:*
*Quæque metus pœnaque expers, & libera legum,
 Atque ſine aſtuto judice tuta foret;*
*Se contra ſollers hominum natura, ſuiſque
 Sæpe fuiſt damnis ingeniôſa nimis.*
*Ipſa, data innocuas ut agat ſacundia cauſas,
 Luderet ut leges artibus uſa fuiſt.*
*Tot contra inſidias igitur juſtiſſima legum
 Artiſci dextrâ sæpe tuenda fuiſt.*
*Ecce! mei Myſta luſerunt arte ſalubri,
 Artiſque inventis conſiliſque dolos:*

Hos

Hos tamen ante omnes defensi fraudibus aequi
 Caute *MODESTINE!* est gloria danda tibi.
 Invida sed rerum magnarum sæpe vetustas,
 Quaque situ informi splendida facta tegit,
 Hac quoque iustitia convellere fulcra parabat,
 Et densis tenebris utile condere opus:
 Non finit ille tuus socius, mihi carus alumnus,
 Sed mea sacra piâ vindicat ecce! manu.
 Scilicet, hos fructûs tot noctes pervigilata
 In studiis referunt assiduusque labor.
 Ut benè culta suo reddunt grata arva colono
 Speratam messem, donaque opima ferunt;
 Sic sæcunda ejus non vano exulta labore
 Et curâ fecit pectora juris amor.
 Perge age! magna tibi, juvenis! (mihicrede) parata
 Gloria, qua nullo est interitura die.
 Macste animo! magnique Viri vestigia serva,
 Qui decus est summum præsidiumque meum:
 Ille tuos rexit prudens juvitque labores,
 Ille fuit fidus dux tibi, sitque, via.
 Tu quoque cui lacrymas movit discessus amici,
 Siste has, & mæstâ desine voce queri:
 Quin cui dat laudes operi mea docta caterva,
 Hoc celebra, & socio carmine plaude tuo.

A. F. LE PLA, JCrus.

INSCRIPTIONES CAPITUM.

C A P. I.

In materiam de EUREMATICIS
introductio. Pag. 1

C A P. II.

Ad *L. Si Procuratorem* 65. D. de Pro-
curatoribus. 34

C A P. III.

Ad *L. Si domina* 25. D. ad SCtum
Vellejanum. 45

C A P. IV.

Ad *L. Stipulatio de dote* 63. D. de Ju-
re Dotium. 55

C A P. V.

Ad *L. Servus dotalis* 58. D. Solutio
Matrimonio. 72

C A P. VI.

Ad *L. Si tutor* 9. D. de Suspectis Tu-
toribus. 88

C A P.

C A P. V I I.

Ad *L. Jam hoc jure* 4. D. de Vulg.
& Pupill. Substit. 100

C A P. V I I I.

Ad *L. Si per epistolam* 50. D. de Ac-
quir. vel Omitt. Hered. 172

C A P. I X.

Ad *L. Si alii fundum* 19. D. de Ufu
& Ufufr. legato. 184

C A P. X.

Ad *L. Si quis servum* 53. D. de Con-
dit. & Demonstr. 203

C A P. X I.

Ad *L. Qui totam* 45. D. ad SCtum
Trebellianum. 215

C A P. X I I.

De variis Aliorum Jctorum E U-
R E M A T I C I S. 240



HENRICI BRENKMAN, Jcti,

DE

EUREMATICIS;

SIVE, IN

HERENNII MODESTINI

LIBRUM SINGULAREM



ΠΕΡΙ ΕΥΡΗΜΑΤΙΚΩΝ

D I A T R I B E .

CAPUT PRIMUM.

In materiam de EUREMATICIS
introducōtio.

SUMMARIA.

- I.  Uid vulgo in omni tractatu primum ac velut præcipuum sit :
- I.  In primis, si versetur circa materiam insolentioſiorem & paucis animadverſam ;
- A
2. qua-

2 *Henrici Brenkman, J.Cti,*

2. *qualis hac Modestini de Eurematicis.*

II. Ratio inscriptionis.

1. *Cur Eurematica scripsisse videantur, non Heurematica.*
2. *De analogia & formatione vocis Εὐρηματί-
τις.*
3. *Differentia inter Εὐρημα & Εὐρεσις.*

III. Definitio Eurematicorum.

1. 3. *Fraudis appellatio in bonam partem;
ut & aliarum vocum, quae vulgo male
ominata sunt.*
2. *Singularis Augustini de astutia locus.*
4. *Veram ac genuinam fraudem quam lon-
gissime hinc ablegari, remissive*

**IV. Varia Eurematicorum nomina
& appellationes; earundemque
probabilis occasio.**

**V. Etymologica & propria vocis Εὐ-
ρηματί & significatio.**

1. *Usus ejus in artibus & artificiis:*
2. *Sed nec a ratione Juris abhorrens.*
3. *Peculiaris emphasis τὴ εὐπλοειν duo-
bus exemplis, altero Archimedis, altero
Egyptiorum in cultu Apidis, demon-
strata;*
4. *& ad rem praesentem applicita.*

**VI. De vocabulo cavere & cau-
tio.**

1. *Vis*

de EUREMATIC. Diatr. C. I. 3

1. *Vis ejus propria; eademque ad Jurisprudentiam translata, & quo respectu.*
2. *Cavere inter munia Jurisconsultorum.*
3. *Facetus hac in re Ciceronis & Ovidii lusus.*
4. 6. *Cautiones easdem esse Eurematicis, & cur tam raro ea notione occurrant in jure.*
5. *Quid in jure vulgo designent Cautiones.*

VII. Remedii nomen.

1. *Passim illud pro Eurematico venire; idque satis latine.*
2. *Et tamen idem πολύσημον esse, & omnibus omnino remediis applicari.*

VIII. Cautelæ appellatio.

1. *Recentiores hanc pratulisse videri; & quâ de causâ.*
2. *Auctoritas hujus vocis in dubium vocata. remissive*

IX. Cur Modestinus Græcum tractatus sui indicem fecisse videatur.

1. *Exempla aliorum hac in parte; tum Jurisconsultorum,*
2. *tum Ciceronis quoque.*
3. *Usus & præstantia Linguae Græcæ, etiam in Jure.*
4. *Modestinum præ aliis eâ delectatum fuisse.*

A 2

5. Non

4 *Henrici Brenkman, Jcti,*

5. *Non tamen hunc de Eurematicis libellum
Græcè conscriptum videri.*

X. Formularum conceptio Eurematicis peculiaris.

1. *Peracres in eas Ciceronis joci.*
2. *Ab eodem & carmina vocari; quod tamen exemplo non caret.*
3. *Græcorum Formularii, qui Πράγματικοί dicebantur, quo loco habiti.*
4. *Operam eorum & dignitatem longe infra Jurisconsulti munus constituisse probatur.*

XI. De Interpretatione, quatenus illa Eurematicis inserviat.

1. *Specimen ex l. 65. D. d. Procurat. ubi & de epistolarum usu.*
2. *Duo alia sic satis apposita & evidentiâ.*

**XII. Genera Eurematicorum tria; ad instar Juris Gentium Cautio-
num.**

1. *Horum quædam ad necessitatem pertinere:*
2. *Quædam, quæ & maximam partem constituunt, ad securitatem;*
3. *Idque rursum, vel præstitutâ certâ formulâ,*
4. *vel nudo consilio:*
5. *Quædam denique ex humanitatis honestatisque consideratione proficisci;*

6. *Et*

de EUREMATIC. Diatr. C. 1. 5

6. & quid illa a præceptis Juris differant.

XIII. De necessitate, }
XIV. Utilitate, } Eurematico-
XV. Et præstantia } rum.

1. *Stricta Romanorum disciplina in Judi-
ciis*
2. *Ne Prætores quidem directo jus mutare
potuisse, aut jus novum facere;*
3. *(unde Novum jus pro iniquo)*
4. *Immo nec ipsos Principes solere, nisi
prægnans utilitas emergat.*
5. *Illatio ex jam dictis ad Jurisconsultos.*
6. *Eurematica haud difficulter recepta esse
in Jure, ejusque rei causa.*
7. *Præstare lubrico Juris Civilis remedium
aliquod præferre.*
8. *Elegans locus Joh. Bone.*
9. *Item prudens Juris Canonici ex Euan-
gelio cautela.*
10. *Nihilominus difficillimum esse, semper
& in omnibus sibi cavere.*
11. *Quodnam inde consuetarium deducen-
dum.*
12. *Porro & has Jcti partes esse, ut ho-
nestatem societatemque procuret :*
13. *Idque vel ex natura artis sue.*
14. *Discrimen Legis XII. Tabb. hac in par-
te, & illius juris, quod postea insequu-
tum fuit.*

6 *Henrici Brenkman, J.Cti,*

15. *Exempla ex Modestino & Paula.*

**XVI. Quibus in casibus Eurenematica
usu veniant.**

1. *Pauli monobiblon de Conceptione Formularum & Manilii Paſſiones.*
2. *De Cautionibus judiciariis.*
3. *Usus Cautionum in testamentis.*
4. *Testamentorum curam ad Jurisconsultos spectare.*

**XVII. Laudabile Jurisconsultorum in
cavendo munus & populo com-
mendatum.**

1. *Prudentiæ titulus Jurisconsultis proprius,
ac velut peculiaris.*

**XVIII. Particularia quædam de Mo-
destino.**

1. *Præceptor illius & ætas.*
2. *Indoles Modestini, modeste modiceque
de se ipso sentientis:*
3. *Sed &, qua displicebant, ingenuè &
constanter refutantis.*
4. *Charissimi hac in re testimonium:*
5. *Idemque duobus Modestini locis, quo-
rum prior est in l. 7. ff. ad L. Jul. Maj.,
alter in l. 10. D. d. Jure Fisci, egregie com-
probatum.*
6. *In disputando porro magis id, quod
actum, sequutum eum fuisse, quam quod
dictum.*

7. *Scri-*

de EUREMATIC. Diatr. C. I. 7

7. Scripta ejus in genere.

8. Commendatio illius singularis & encomia varia.

XIX. Auctoris epilogus.

1. 3. Quadam de ipsius explicandi ratione.

2. Verboſitatis in quibusdam neceſſitas.

4. Concluſio.

Pulchrè, ut cætera, divinus ille Plato, I.
 Ἀρχὴ παιδείσεως ἢ τῶν ὀνομάτων ἐπίσκεψις,
Principium institutionis est nominum considera-
tio; ut nempe, quemadmodum Tullius ait,
inter quos differitur, conveniat, quid sit id, de
quo differitur. Verum, ut alios fileam, idem
 quoque nostri passim, & monitis, & exemplis
 suis inculcant. Sicut igitur omnis, quæ viâ
 quâdam & ratione suscipitur, investigatio
 hancce accuratorem postulat, sic illa in pri-
 mis, quæ circa materiam insolentiorē inu-
 sitatiorēque versatur. Et sane, quoniam 2.
 hæc Modestini de EUREMATICIS frag-
 menta ejusmodi esse videntur, ut paucis ani-
 madversa, a nemine verò hætenus, quod sciam,
 ex professo tractata sint, necesse erit totam
 rem paulo altius repetere, ipsamque tum ori-
 ginationem, tum notionem, accuratiori inda-
 gini committere.

Inscriptio tractatus, ut apparet, merè Græ- II.
 ca est, dubiumque, an præter terminatio-

nem ductusque literarum quicquam Latio debeat. Nam in quibusdam quidem editionibus Leges ex hocce Modestini Libro singulari, περὶ εὐρηματικῶν, inscribuntur (quod Accursius *de inventoriis* vertit) sed tamen in

1. plerisque est, *de Eurematicis*. Immo tam religiose, ni imperitè potius, τὸ ΠΕΡΙ ΕΥΡΗΜΑΤΙΚΩΝ transcriptum est, ut, quoniam majusculæ apud Græcos vulgo omni accentu spirituque carent, DE EUREMATICIS exaratum videatur, non, ut oportuerat, DE
2. HEUREMATICIS. Sumitur autem vox Εὐρηματικά, quæ analogicè ab εὕρημα, & hæc rursus ab εὕρισκω derivatur, substantivè pro ipsis τοῖς εὕρημασι; quemadmodum & apud Latinos nihil vulgatius est, quam ut adjectiva neutra vim substantivorum & significationem repræsentent. Ut ergo εὕρισκειν Latinis *invenire* est, & εὕρημα *inventio* sive *inventum*, ita Εὐρηματικόν nihil aliud, quam
3. *Inventum* sive *Inventionem* notat. Quamvis tamen, propriè & accuratè loquendo, Εὕρημα sive Εὐρηματικόν non nisi per τὸ *Inventum* interpretandum sit, dum usus & proprietas sermonis vocabulum *Inventio*, cui Græcum Εὑρεσις respondet, Rhetoricæ ut plurimum addixit. nam apud Oratores ea pars Orationis, quæ in *excogitatione rerum verarum ac verisimilium*, quæ causam probabilem reddant,

occupatur, Εὐρεσις seu *Inventio* nuncupari solet : eoque pertinent Ciceronis, cujus ea definitio est, duo Libri *de Inventione*. Verum ne diutius grammaticalia ista nos torqueant, spretâ nominis superficie, rem ipsam introspiciamus.

Quum vero aliquanto generalius de hac materia agere constituerim, & post explicita Modestini *de Eurematicis* capita, quæ decem numero sunt, de aliorum quoque *Inventis* dispicere, videamus in genere, quid propriè sibi velint *Eurematica*. Videntur autem non inconcinne hoc modo delineari ac describi posse, si dicamus *Remedia* esse, quibus *Jurisconsulti* nimium juris rigorem, *Inventis* verborum fraudibus, ad equitatem naturalem inflectunt redacuntque. Quâ in definitione nolo quenquam offendant *fraudis* appellatio, etsi primo obtutu paulo durior videri possit. Ut enim *dolus*, *subtilitas*, *astutia* & similes mali ominis voces haud semper in odiosam partem trahuntur, ita etiam accidit, ut interdum licitè ac utiliter legi *fraus* fiat. De *dolo* & *subtilitate* in bonam partem acceptâ, agunt l. i. §. i. D. d. *Dol. mal.* l. ult. §. 5. ad fin. C. d. *Curat. furios.* &c. De *astutia* vero, unâ cum *dolo*, singularis Augustini locus est, quique ad hanc propriè materiam referendus videtur, ut mox liquebit. Ait

autem *epist. 29. Quamquam & apud illos Romana lingua disertissimus dixerit, neque illi tamen ad cavendum dolus aut astutia deërant:*

- Astutiam ponens in bono. additque insuper, sed apud illos rarissimum, apud nos frequentissimum est.* Atque adeo pari ratione *Eurematica* hæc nostra, unà cum omnibus *Prætorii Juris* fictionibus, tanquam *pias* quasdam *fraudes* considerare licebit. *Veram* autem ac genuinam *frandem*, quæ in circumveniendo, fallendo, decipiendoque proximo consistit, ut ab omnibus humanis actibus, sic certè a *Jurisprudentia* quam remotissimam esse volumus: volent & nobiscum omnes, qui se homines, hoc est, ratione a Deo Opt. Max. præditos meminerint, non quâ capiti, fortunis, tranquillitati aliorum insidentur, sed quâ ipsos diligant, adjuvent, protegant; &, quantum in se est, conservent. Sed, quæ hujus argumenti sunt, quominus pluribus exsequar, faciunt *Fichardi & Brederodii* ante suas *Cautelas præfationes*, quas non pigebit inspexisse.

- IV. Diximus porro *Remedia* esse hæc *Eurematica*; quoniam, ut morbo vexati medicinam circumspiciunt, ita etiam, quibus in casibus nimia *Juris subtilitas* dominatur, in his *Jurisconsulti* viam & *media* quæsierunt, quibus eam cluderent. Ut autem quærendo tandem in-

de EUREMATIC. Diatr. C. I. II

venimus, sic ab eventu Εὐρηματικά, hoc est, *Inventa* puto denominata esse. Denique quia hæc Jctorum cura unice ad *cautionem* spectat, ut in omnibus Juris partibus securè ac tutò agere liceat, ab hoc fine Eurematica etiam *Cautiones* veteribus, recentioribus vero *Cautelas* appellatas reor : nam & his nominibus designantur. Sed de singulis seorsim, quia res est majore digna animadversione.

Primum itaque, quod inscriptionis & tractandi ratio exigit, in Εὐρηματικῶν sive Εὐρημάτων, id est, *Inventorum* denominationem inquirendum est. Est autem longè præcipuus hujus vocis usus in artibus & artificiis, quæ humanæ societati inserviunt ; ut apud Ælian. *Var. Histor. Lib. IV. c. 12.* Οὐ δὲ καὶ Ἰαπέλλης Εὐρημα ἦν αὐτῷ Διονυσίῳ. *Catapulta autem Inventum fuit ipsius Dionysii.* & apud Xenophontem in *Κυνῆγ. init.* Τὸ μὲν Εὐρημα Θεῶν Ἀπόλλωνος καὶ Ἀρτέμιδος ἄγραι καὶ κύνες. *Venationes & canes Inventum sunt Deorum Apollinis ac Diana.* item apud Liv. *Lib. VII. c. 3. Numerus Minervæ Inventum.* & sic passim. Sed nec a ratione Juris Εὐρήματος vocabulum abhorret. Nam in definitione Legis, quam in l. 2. ff. d. LL. ex Demosthene Marcianus exhibet, inter alia dicitur, ὅτι πᾶς ἐστὶν νόμος Εὐρημα μὲν καὶ δῶρον Θεῷ, quod omnis lex *Inventum & munus Dei est.*

Atque

Atque ita Solonem laudat Anacharsis, tanquam ἔθων τῶν ἀρίστων Εὐρετὴν, ἢ ἐπιτηδεύματων ὠφελίμων εἰσηγητὴν *morum optimorum Inuentorem, & utilium institutorum auctorem.*

3. Lucian. in *Anach.* ἢ Περὶ γυμνασίων. Denique, quod & hic meretur observari, verbum εὕρισκειν de tali *invento* plerumque adhibetur, quod post attentam & laboriosam investigationem ad extremum magnâ quâdam cum lætitiâ & exultatione reperitur. Egregiè huc facit historia Archimedis apud Vitruv. *Lib. IX. c. 3.* Hujus enim cum multa & varia *miranda Inventa* fuisse præfatus esset, indagationem fraudis circa coronam votivam, quam Hiero ipsi injunxerat, his verbis subjicit. *Tum is (Archimedes nimirum) cum haberet ejus rei curam, casu venit in balneum, ibique cum in solium descenderet animadvertit, quantum corporis sui in eo insideret, tantum aqua extra solium effluere. Itaque cum ejus rei rationem explicationis offendisset, non est moratus, sed exilivit gaudio motus de solio, & nudus vadens domum versus, significabat clarâ voce, invenisse, quod quæreret. nam currens identidem græcè clamabat, εὕρηκα, εὕρηκα.* Similis pæne observatio est in cultu Apidis seu Osiridis apud Ægyptios. etenim merso Api, quem certos vitæ annos excedere non licet, cum planctu & lamentis alium bovem quærunt, *inven-*

gentoque populus & sacerdotes præ gaudio, clamant, εὐφρανέμεν, συχαίσομεν. Herot. in *Euterpe & Thalia*. Quæ exempla continent, ut vel hac contemplatione Εὐρησικά id nomen sortita existimemus, quippe ætatem valde subtiliter & magnâ cum lubricatione a Jurisconsultis excogitari, ac dein tandem etiam cum lætitia quadam inveniri solent. Quumque isthæc ad naturam & intellectum hujus vocis sufficere autumem, insecramus ad nomen *Cautionis*, quo hæc redia jam pridem designata fuisse monui.

Notat autem proprie *cavere*, (unde vocabulum CAUTIO) consulere & prospicere; in veteri illa Juris regula: *Nec paciscendo legem dicendo, nec stipulando quisquam alii Cavere potest. c. 73. §. ult. D. d. Reg. Jur.* que adeo hæc vox ad Jurisconsultos translatum quatenus videlicet clientes suos consilio & austeria muniunt adversus nimiam Juris subtilitatem machinationesque callidorum hominum, qui eâ abuti conantur. Hinc Cic. *Lib. d. Offic. c. 19. init. Cavere & consilio junctum conjungit.* Idemque *Lib. I. d. Orat. c.* ostendit inter alia etiam *Cautiones* ad Jurius pertinere, dum eum sic definit, *Jurisconsultus est, qui Legum, & consuetudinis, qua privati in civitate utuntur, & ad defendendum, & ad agendum, & ad Ca-*
ven-

14. *Henrici Brenkman, 7Cti,*

*vendum peritus sit. Præterea Plaut. in Epid.
Act. II. Sc. 2. vers. 107.*

*Hic poterit Cavere rectè Jura qui & Leges
tenet.*

3. Scitè idem rursus Cic. *Famil. Lib. VII. ep. 6.*
Tu (scribit autem ad Trebatium) qui ceteris
Cavere didicisti, in Britannia ne ab essedariis
decipiaris Caveto. Amplius in jocosa illa Juris-
periti cum Imperatore comparatione, pro
Muræna c. 12. Tu Caves, inquit, ne tui con-
sultores; ille ne urbes & castra capiantur: cum
jam cap. 9. advocationem appellasset urbanam
militiam respondendi, scribendi, Cavendi.
Sed & Ovid. sicut amorem militiæ comparat,
Amor. Lib. I. Eleg. 9.

*Militat omnis amans, & habet sua castra
Cupido:
Attice, crede mihi, militat omnis amans.*

sic vicissim amoris technas artesque cum Ju-
risconsultorum cautionibus miscet, de *Arte
Am. Lib. I. vers. 83.*

*Illo sæpe loco capitur Consultus amore,
Quique aliis Cavit, non Cavet ipse sibi.*

Quod

4. mod vero hæ Jurisconsultorum *Cautiones* ex-
 sint *Eurematicis* nostris, ex jam dictis sa-
 est perspicuum. Sed vel maximè ex eo,
 od, sicut *Eurematica* adversus ipsum *Jus Ci-*
le cavillationesque & incommoda ejus exco-
 tata sunt, similiter quoque *Cautiones* & *Jus*
 ertè, & quasi cum oppositione quadam,
 er se distinguantur. Cic. in Orat. pro Q.
 sc. c. 12. ad fin. Est hoc & ex conditione *Ju-*
 , & ex consuetudine *Cautio*is firmissimum
 umentum. & Lib. XV. ad Attic. ep. 17.
 liter enim nec *Jure*, nec *Cautè* fieri potest.
 mo vero vocabuli *cautionis*, hoc sensu,
 tigiū exstat in jure. Quid enim aliud est
 utio *Muciana*, quam merum Q. Mucii Eu-
 naticum in fraudem *Juris Civ.* circa *Legata?*
 rum hac de re pluribus cap. ult. Dixi autem
 sensu, nimirum pro *Eurematico*; nam pro
 5. uritatis præstatione per satisfactionem, h. e.,
 o Senatus aut Prætoris remedio, nihil fre-
 entius. Hinc *Cautiones usufructuaria* &
 iasi usufructuaria, *Damni infecti*, *De dolo*,
 ihibitionis, *Judicii sistendi causa*, *Morato-*
 , & plures aliæ. Atque hoc quoque mihi
 6. letur in causa fuisse, cur *Cautio*is appella-
 , quum usus eam & consuetudo loquendi
 natus Prætorisque jurisdictioni mancipasset,
 Jctorum *inventis* non reperiatur. Nam
 o eo, ut dixi, *Remedii* nomen obtinuit.

- VII. REMEDII autem appellationem pro *inventis* illis, hoc est, Eurematicis Jctorum in jure occurrere in propatulo est; ut in *l. Rem hereditariam 65. D. d. Eviēt. l. Si ususfr. 66. D. d. Jur. Dot. l. 7. π. d. Cond. & Demonstr. l. 3. §. Idem Servius ff. d. Stat. lib. l. 13. §. Tutor. π. d. Acceptil. & innumeris in locis. Atque hoc quidem satis Latinè. nam simili prorsus significato hanc vocem Cic. adhibet, *pro Cluent. c. 44. Censorii styli mucronem multis Remediis majores nostri retulerunt.* Non tamen ut *Cautionis* appellatio Senatui ac Prætori, ita etiam *Remedii* Jctis, propria ac peculiaris mansit. Adhibetur enim de omnibus omnino *remediis*, quam Prætoriiis, tam Senatus & Principum. Ita *sub tit. d. Usufr. ear. rer. Remedium & Cautio* (scil. quasi usufructuaria) reciprocantur *l. 2. & l. 5. eod.* Rursus, *Remedium Edicto Prætoris demonstratum* dicitur, in *l. 2. C. d. Bon. auct. Jud. & , Edictum Remediumque in l. 1. §. 1. D. d. Nov. oper. nunc.* Porro de Imperatorum *inventis* in *l. 7. §. 5. π. d. Donat. int. V. & Ux. Remedium monstravit Imperator noster.* adde *l. 1. §. Officio D. d. Tut. & ration. distr.* Denique & *Remedium Cautionis* dicitur in *l. 29. §. Quamvis ff. d. Condit. & Demonstr.**
- VIII. Credo autem recentiores Juris Interpretes, propter diversum hunc & multiplicem vocis *Remedii*

Remedii usum, nomen CAUTELÆ in praxi amplexos esse, quod à veteri *cautionis* nomine derivatum videtur, & jam uno aut altero in loco in Π reperitur; sed tantum fere pro satisfactione. Et in hisce *Cautelis* practi-
cis ante alios nobilis est Barth. Cæpolla. An autem mediæ Jurisprudentiæ vox sit *Cantela*, an potius à Triboniano fabricata & in textum intrusa, disputent alii; nos, quoniam in eo causa non continetur, hanc litem nostram non facimus.

Hactenus igitur de nominum proprietate & usu. Unum restat; cur nempe Modestinus libellum suum potius *Græcè*, quam Latinè inscripsisse videatur. Cujus quidem instituti etsi certa quædam ratio dari nequeat, sit tamen conjecturæ venia. Hanc autem si sequimur, videtur Modestinus *Græcum* tractatus sui *indicem* fecisse ad exemplum aliorum præstantissimorum, tum Juris, tum alterius scribendi generis Auctorum. Sic enim, ut de exterjs nihil dicam, nonne Q. Mucius Ὁρων, hoc est, *Definitionum* Librum singularem conscripsit? Nonne item Labeonis fragmenta habemus ex *Pisphanôn* seu *Probabilium* Libris? Denique nonne Pomponius quoque *Enchiridii* Tractatum singularem, Paulus τῶν ὑποθηκαρίων, vulgavit? Quin ipse disertissimus Romuli nepotum Tullius,

IX.

I.

2.

B

qui

qui *Lib. I. Tuscul. c. 8.* proficitur, se Græcè loqui in Latino sermone non plus solere, quam in Græco Latine; ipse, inquam, nihilominus libellum, in quo *Locos* Aristotelis tractat, *Topica* inscripsit; & ubi absurdas Stoicorum

3. *opinionēs* traducit, Παράδοξα vocat. Sive enim Græcorum copiosior sit lingua, quam Latina, fatente eodem Cic. *Lib. II. Tuscul. Quæst. c. 15.* sive etiam magis efficax sit, & ad exprimendos animi sensus accommodatior significantiorque, certum est, egregiam ejus in omni scientiâ utilitatem esse, in primis Juridicâ vide Quintil. *Instit. Orat. Lib. VIII. c. 3. circa med.* Ut igitur ad Modestinum nostrum revertar, videtur mihi eo magis Græcâ inscriptione usus, quod hâc lingua majorem in modum delectaretur. Græcè enim *VL. Excusationum Libros* conscripsit; forsân
5. & alia. Sed tamen hunc de Eudemæicis libellum, quominus Latine scripserit, nulla indicia suppetunt.

- X. Dicebam in definitione *verborum*, hoc est, formularum interpretationumque *fraudibus* Eudemæica sive Cautiones constare solere. De *Formulis* patet ex plerisque Modestini capitibus, & ex Cicerone quoque. Sic enim *Lib. VII. Fam. ep. 18.* ubi de palimpsesto, in quo Trebatius epistolam scripserat, ita jocatur: *Sed miror, quid in illa chartula fuerit,*
quod

quod delere malueris, quam hanc scribere; nisi forte tuas Formulas. Cum paulo ante dixisset, Itaque, quando vestrae Cautiones infirmæ sunt, Graculam tibi misi cautionem chirographi mei. Idem ad Servium Sulpitium Lib. XI. ep. 27. Et ut vos soletis in Formulis, sic ego in epistolis, de eadem re alio modo. Quumque illæ Cautionum formula sæpenumero longiores essent, circuitus hos & ambages acutè perstringit, pro Mur. c. 14. Pellitur, inquit, e medio non solum ista vestra verbosa simulatio prudentiæ, sed etiam ipsa illa domina rerum sapientia. Insuper, cum præconceptis & solennibus verbis componerentur, in eadem isthac contra Jurisconsultos declaratione, oratione, inquam, pro Mur., Carmina eas vocat. Quamvis tamen hoc nihil adeo inusitati aut insoliti contineat. nam & jurisjurandi, sententiæ, devotionis aliæ quævis concepta & sollemnis forma carminis appellatione designatur Livio Cic. Gellio. Cæterum erant & apud Græcos, qui hujusmodi formulas componerent: at hi non Jurisconsulti, sed Pragmatici nominabantur, homines (ut ait apud Cic. Crassus) infimi & mercenarii, qui se Oratoribus ministros in judiciis præbebant. Lib. I. de Orat. c. 45. Scilicet πράγμα negotium significat, & hoc apud Latinos quoque interdum litem notat. hinc

Πραγματικοὶ dicti, quasi *Negotiosi & Formularii*. Ut adeo in ipsos jure merito quadret, quod Antonius ex ejusdem Crassi dictis circa Jurisconsultos elicit, *Lib. I. de Orat. c. 55*. Neque enim *per se* quicquam erant Pragmatici nisi *Leguleji quidam cauti, & acuti pracones actionum, cantores Formularum, aucupes syllabarum*. Quod autem de illorum in judiciis ministerio dixi, quodque hac in parte Jurisconsultis plurimum cederent, Antonius rursus paulo post indicat, his verbis: *Itaque Græci disertissimi homines, ministros habent in causis Jurisperitos, cum ipsi sint imperitissimi, & qui, ut abs te paulo ante dictum est, Pragmatici vocantur. In quo nostri omnino melius multo, quod clarissimorum hominum auctoritate leges & jura tecta esse voluerunt. Adde Fabium Inst. Orat. Lib. III. c. 3. & Lib. XII. c. 3.*

- XI. Satis de *Formulis*: videamus etiam de *Interpretatione*. nam & hanc inter artificiosas & callidas Jurisconsultorum in fallenda Juris Civilis subtilitate artes locavimus. Habet autem ea locum, quoties adhibita fictione res aliter accipitur, ac revera se habet. Sic v. gr. in *l. Si procur. 65. ff. d. Procur.* dominus, procuratorem absentem satisfactione relevare volens, litteras suas ad adversarium dirigit, quibus illum procuratorem suum profitetur; atque

atque ita is quasi præsentis procurator intervenit, cum interim absentia domini per epistolam diserte confirmetur, nullo, nisi inter absentes, epistolarum usu existente. quippe 2.
hujus rei causa inventa res ipsa est, ait Cic. *Famil. Lib. II. ep. 4.*, ut certiores faceremus absentes, si quid esset, quod eos scire aut nostra, aut ipsorum interesset. Eodem pertinet, quod pupillus, quando ipsi lis cum tutore suo intercedit, curatorem dicatur petere, hoc est, volens accipere, etiam tum, cum a prætore cogitur, ut petat, *l. Qui habet §. 2. D. d. Tutel.* Et sic filia quoque nuptiis consentire dicitur, licet pater ei sponsum obtrudat, contra *c. Velle 4. ff. d. R. J.* Censetur enim à patre omnino dissentire non posse, nisi probrosus ipsi, aut turpis maritus offeratur. confer *l. 11. & 12. D. d. Sponsal.* & quæ hujus farinae plura sunt.

Hisce præmissis, videndum nunc quotu- XII.
 licia in Jure sint *Eurematica* nostra, vel, ut alio nomine vocantur, *Cautiones* sive *Remedia*; & cui potissimum usui inserviant. Quum item singulos, qui in Pandectis reperiuntur, centones ex Modestini illo *περὶ Εὐρηματικῶν* tractatu attentè ac diligenter considero, ænesque ac universos inter se conféro, videntur fere triplicis generis esse: haud secus *Juris Gentium Cautiones*, quæ itidem ad

tria capita revocari solent. Sicut enim istic quædam juris sunt, quædam prudentiæ, cæteræ charitatis; ita & inter Eurematica quædam sunt necessitatis, quædam securitatis, nonnulla etiam honestatis humanitatisque.

1. Ad necessitatem illa pertinent, sine quibus quis omnino jus suum consequi non potest, repugnante Juris Civ. solemnitate subtilitateve. Multa enim directo obtinere non possunt, quæ tamen propter utilitatem remedio aliquo sustinentur. Tale Modestini Eurematicum est in *l. Stipulatio 63. D. d. Jure Dot. & l. Si alii 19. π. d. Usu & Usufr. leg.*
2. Ad securitatem cautionemque spectantia Eurematica voco, quæ ad præcavendas ex subtili jure disputationes inventa sunt, *omnisque adeo evitanda questionis gratia*, ut noster ait, in *l. Jam hoc jure 4. ff. d. Vulg. & Pupill. Substit.* Hæc vero Eurematica, quæ maximam partem constituunt, rursus in duo genera distribuuntur. Aut enim præstitutâ certâ Formulâ, aliove quovis remedio monstrato, tutiorem viam indicant, in *l. Si procuratorem 65. D. d. Procur. l. Servus dotalis 58. ff. Solut. Matrim. d. l. Jam hoc jure d. Vulg. & Pupill. Subst. l. Si quis servum 53. ff. d. Condit. & Demonstr. & l. Qui totam 45. D. ad Senat. conf. Trebell.* aut etiam in solis consilii terminis consistunt, ut in *l. Si domina 25. D.*

ad

ad *Senatuscons. Vellei.* Quod quidem genus minus proprie ad hanc materiam pertinet, sed tamen, quia eundem scopum habet, sub ea quoque contineri videtur. Ita *cavere & Consilio juvare* apud Cic. *Lib. II. de Offic. c. 19.* item *remedium & Consilium* in *l. 1. pr. vers. Novam rem D. d. Inspec. venire: & vel ipse noster in d. l. 38. Solut. Matr. & d. l. 45. ad Senatuscons. Trebell.* per modum *consilii* loquitur. Postremo, ut diximus, 5. reperiuntur etiam *Eurematica*, quæ ex mera honestatis humanitatisque consideratione proficiuntur, ut in *l. Si tutor. 9. D. d. Suspect. Tut.* eademque proxime ad præcepta 6. Juris accedunt. nisi enim præter suasionem dissuasionemve *remedium* aliquod indicarent, difficulter ab iis separari possent.

Distinctis ita ordine generibus *Eurematicorum*, 13. apparet jam ultro, utilitatem usumque eorum fere triplicem esse debere, pro triplici videlicet *Eurematicorum* classe. Immo prior harum præter utilitatem, qua omnes gaudent, etiam necessitatem habet urgentem. Nam si Romanorum rem Judiciariam, 1. strictamque Legum servandarum rationem perpendimus, quæ non patitur quenquam (ne Prætorem quidem *l. 1. § Nec enim D. d. Fer. & Dilation.* nedum Jurisconsultum) de Jure Civili directo aliquid mutare, aut 2.

24 *Henrici Brenkman, J Cti,*

- Ius novum facere, non potest, quin summus idemque pernecessarius Eurenaticorum in jure usus existat. Nam & ideo Prætores Edicta sua, quæ adjuvandi, supplendi, corrigendi veteris Juris gratia comparata sunt, l. 7. ff. d. Justit. & Jur. fictionibus itidem
3. & coloribus incrustant. Quin adeo odiosum est in Jure nostro (ne quid de temeritate dicam) novum jus facere, ut passim *novum jus* pro iniquo accipiatur, ut in l. 1. §. 1. D. Quod quisque jur. in alt. & apud Tacit. Annal. II. c. 30. Callidus & Novi juris re-
pertor Tiberius, denique apud Cic. quoque in Verr. I. c. 52. Veniunt, inquit, ad Chelidonem: domus erat plena, Nova jura, Nova decreta, Nova judicia petebantur &c.
4. Sed, quod magis mirære, ipsi Principes, quamvis legibus soluti, haud aliter tamen ab eo jure recedunt, quod diu æquum visum est, quam si evidens utilitas flagitet, l. In rebus 2. D. d. Constit. Princip. Et hinc ipsos quoque interdum remedia monstrare videbis, velut in l. Cum tale 72. §. 1. D. d. Condit. & Demonstr. l. Apud Jul. 11. §. ult. ff. ad Trebell. SCi. & l. Qui aliena 8. C. Si quis alt.
5. vel sibi &c. Quum igitur nec Prætor directo jus mutare possit, nec Princeps facile soleat, quid mirum, quod & Jurisconsultus, cui sola parendi gloria relicta est, non nisi

nisi remediis adhibitis rigorem Juris inflectere tentet? Unde tralatitium illud, *Jurisconsultos multa Remediis agere*: Eademque tanto 6. facilius recepta sunt in jure, quoniam & Prætores, ut dictum, pari verborum ambage Legibus fraudem facere soliti. In hoc nempe solummodo discrepant Jurisconsultorum Prætorumque Eurematica ac fictiones, quod Prætorum audaciores sunt, Jurisconsultorum magis verecundæ testæque; prout hi privati homines, illi personæ publicæ existunt.

Nec minor utilitas dignitasve est eorum XIV. Eurematicorum, quorum omnis vis in securitatis cautionisque præsidio collocata est. Præstat enim lubrico Juris Civ. *remedium* aliquod 7. præferre, & ea potius præscribere, quæ tutiora sunt in foro, quam quæ forte veriora; ut, quantum fieri potest, supervacuæ lites præscindantur. Sed neque satis cautus providusve quis esse potest adversus varias ac dolosas veteratorum artes. Scilicet *passim* 8. *accusant humanam perfidiam tot ad contractus adhibiti testes, tot stipulationum firmamenta, tot interposita INDUSTRIÆ, quæ nihilominus vix sufficiunt, ut firma maneat pacta & conventa.* verba sunt Bonæ in *Manud. ad Cel. c. 25.* Prudenter ideo Jus Canonicum C. *Si cupis* 9. *caus. 16. quæst. 1. ex Evangelio præcipit, Habeto simplicitatem columba, ne cuiquam ma-*

10. *chineris dolos ; & astutiam serpentis, ne aliorum supplanteris-insidiis. . Et vel ita tamen vix est, ut semper tutus esse possis, dum, si Plauto credas, in Capt. Act. II. Sc. 2. init.*

Qui Cavet, ne decipiat, vix cavet, etiam cum Cavet :

Etiā cum Cavisse ratus est, sepe is Cautior captus est.

11. Atque adeo si in alterutram extremorum peccandum sit, potius peccetur in eam partem, quæ est cautior.
- XV. Denique ad boni & sancti viri, qualem Themidos sacerdotem esse oportet, munus omnino pertinet, ut omnia in Jure ad honestatem societatemque tendant. Nec immerito : cum ipsum *jus* nihil aliud sit, quam
12. *ars boni & equi.* Unde nec ullum apud nostros fortius argumentum, quam quod ab absurdo intertur. Unde etiam tot præcepta in voluminibus Juris sparsim radiantia : præsertim si Jus Prætorium consideremus, & quæ ex ruina innumerabilium monumentorum Juris supersunt rudera. Nam XII. Tabulas quod attinet, majestas earum concinnitasque non patiebatur, ut à severo observandorum dictamine ad suasiones & præcepta deflecterent : præterquam quod hæc etiam à natura Legis
14. aliena

aliena sunt. Quæ autem de scriptis illis Jurisconsultorum dixi, non est, quod multos in consilium vocem. Res enim manifesta est; & vel ipse Modestinus noster, præter d. c. 15. Si tutor. 9. D. d. Suspect. Tut. in c. Semper 197. ff. d. R. 7. pulcherrime id confirmat. Monet enim in conjunctionibus non solum quid liceat considerandum, sed & quid honestum sit. Præterea Paulus quoque, ad æmulationem quodammodo cognominis sui, Gentium Apostoli, in genere definit, Non omne, quod licet, honestum esse; quasi præ norma quadam & communi vitæ regula, in l. 144. ꝑ. d. R. 7. idemque etiam, pariter ac Modestinus noster, ad matrimonia applicat; dum in l. Adoptivus, §. 3. ad fin. D. d. Rit. Nupt. ait, Sed in re dubia certius & modestius est, hujusmodi nuptiis abstinere.

Verum, ne longiore præfatione distrahamur, addamus tandem breviter, quibusnam Juris partibus Eurematica applicari soleant. Adhibentur autem, tum in judiciis, tum etiam in contractibus & ultimis voluntatibus; atque adeo tantum non ubivis. Ad judicia referendæ dd. l. 65. D. d. Procur. & l. 9. ff. d. Susp. Tut. ad contractus vero & quasi contractus d. l. 25. D. ad SCt. Vellej. l. 63. ff. d. Fur. Dot. l. 58. ꝑ. Solut. Matrim. l. 50. ꝑ. d. Acquir. hered. & l. 45. ff. ad SCt. Tre-

XVI.

- Trebell.* Denique ad *suprema elogia* tres reliquæ, quæ ex *Modestini* decade restant,
1. leges. Scripsit quoque *Paulus* *monobiblon* de *Conceptione Formularum*, qui præcipue ad *judicia* pertinuisse videtur, propter l. *Exceptiones* 20. D. d. *Except.*, quæ ex eo desumpta est. Quemadmodum & *Leges* seu *pactiones Manilii* fuere, quæ *Formulas* de quibuscunque *contractibus* continebant. Cæterum ad *Formulas* sive *Cautiones judicarias* dubito num *Seneca* respexerit, *Lib. III. de Benef. c. 7.* verba *Senecæ.* De quibus etiam *imperitus Judex* *dimittere tabellam potest, ubi fecisse aut non fecisse pronunciandum est, ubi prolatis Cautiõibus controversia tollitur.* Huc certe *Cicero* referendus *Lib. I. de LL. c. 4.* *Quamobrem, ait, quo me vocas, ut stipulationum & Judiciorum Formulas componam?* cum paulo post dicat; *Non enim id querimus hoc sermone, Pomponi, quemadmodum Caveamus in jure, aut quid de quaque consultatione respondeamus.* De *testamentis* haud minus certa res est, ex eodem *Cic. Lib. II. de Orat. c. 6.* Nam si, inquam, *Scævola*, nullum erit *Testamentum recte factum, nisi quod tu scripseris, omnes ad te cives cum tabulis veniunt: omnium Testamenta tu scribes solus.*
 4. confer *Lib. I. c. 39. ad fin.* *Testamentorum* quippe curam vulgò ad *Jurisconsultos* spectat.

spectare, ipsosque in scribendis iis & concipiendis adhiberi solitos, præter *l. Lucius Titius 87. §. ult. D. d. Leg. II.* Suetonius quoque testatur, in *Ner. c. 32.*

Quum igitur tam insignis ac multiplex **XVII.**
 Cautionum sive Eurematicorum in Jure usus
 appareat, merito jam olim valde gratum ac-
 ceptumque populo hoc Jurisconsultorum mu-
 nus accidit. Nam, eodem rursus Cic. te-
 ste *Lib. II. de Offic. c. 19. In jure cavere &*
consilio juvare, atque hoc scientiæ genere pro-
desse, quamplurimis vehementer & ad opes au-
gendas pertinet, & ad gratiam. Quumque **I.**
 in hilce prudentia primum ac præcipuum sibi
 locum occupet, factum est, ut Jurisconsulti
 prudentia titulum sibi quodammodo proprium
 fecerint. Hinc enim *Prudentes & Jurispru-*
dentes vocantur: hinc ars ipsa *Jurispruden-*
tia; hinc dènique Tullius in *Topic. c. 17.*
Privata enim judicia maximarum quidem re-
rum in Jurisconsultorum mihi videntur esse Pru-
dentia. Nam & adsunt multum, & adhi-
 bentur in consilio: & patronis diligentibus,
 ad eorum Prudentiam confugientibus, hastas
 ministrant.

Sed ut à communi Jurisperitorum laude **XVIII.**
 ad singularem Modestini commendationem
 me transferam, è re esse videtur, quædam
 minus vulgaria, & quæ huc proprie spec-
 tant,

- tant, de ipso præfari, antequam singula ejus
1. capita exponere aggrediar. Fuit autem Herennius Modestinus Ulpiani, quem in *Libris Excusationum* vulgo τῶν ἀπολογικῶν, optimi, præstantissimi elogio insignivit, studiosus, tantique præceptoris dignissimus successor. Vixit sub Alexandro Severo, atque ultimus fuit eorum, qui Jurisprudentiæ famâ apud posteros floruere. Unde eleganter Gothofr. cum ipso *oracula Jurisconsultorum obmutuisse* ait.
 2. Quod ad indolem Modestini, valde æqualis ac moderatus fuit, modestè modicèque de se sentiens. Cui rei vel ipsa hæc Eürematica argumento esse possunt. Maluit enim in iis, quæ controversiam patiebantur, cautionem aliquam præscribere, quam ut sibi suisque ratiociniis nimium confisus videretur. Et tamen interim, quæ displicebant, ingenue notare sustinuit, ac disputando animi sui sententiam libere & constanter promere. Præterquam enim, quod id infra ad l. *Jam hoc jure 4. D. d. Vulg. & Pupill. Substit.* ostenditur, hanc ipsi laudem Charisius disertis verbis tribuit, cum in l. *Munerum 18. §. Mixta 26. ff. d. Muner. & Honor.* inquit, *ut Herennius Modestinus & notando & disputando bene & optima ratione decrevit.* Immo vero exstat illius in media dominatione libera & imperterrita vox in l. *Famosi 7. §. penult.*
 3. men interim, quæ displicebant, ingenue notare sustinuit, ac disputando animi sui sententiam libere & constanter promere. Præterquam enim, quod id infra ad l. *Jam hoc jure 4. D. d. Vulg. & Pupill. Substit.* ostenditur, hanc ipsi laudem Charisius disertis verbis tribuit, cum in l. *Munerum 18. §. Mixta 26. ff. d. Muner. & Honor.* inquit, *ut Herennius Modestinus & notando & disputando bene & optima ratione decrevit.* Immo vero exstat illius in media dominatione libera & imperterrita vox in l. *Famosi 7. §. penult.*
 4. detur, hanc ipsi laudem Charisius disertis verbis tribuit, cum in l. *Munerum 18. §. Mixta 26. ff. d. Muner. & Honor.* inquit, *ut Herennius Modestinus & notando & disputando bene & optima ratione decrevit.* Immo vero exstat illius in media dominatione libera & imperterrita vox in l. *Famosi 7. §. penult.*
 5. mo vero exstat illius in media dominatione libera & imperterrita vox in l. *Famosi 7. §. penult.*

penult. D. ad L. Jul. Majest. quâ Judices
monet, non esse id crimen (Majestatis videl.)
in occasione adulationis, avaritiæ, sævitiæve
principalis habendum (hoc enim verba ob ve-
nerationem principalis majestatis indignant)
sed. in veritate. nam & personam spectandam
esse an potuerit facere, & an ante quid fece-
rit, & an cogitaverit, &c. Similiter egre-
gium illius & verè aureum effatum est in l.
10. ff. d. Fure Fisci; quodque eodem quo-
dammodo collineare videtur. Non puto, in-
quit, delinquere eum, qui in dubiis quæstioni-
bus contra Fiscum facile responderit. Scilicet
non tam Julix & Voconix Leges, quam
Majestatis, singulare & unicum crimen eo-
rum, qui crimine vacabant, Fiscum locuple-
tarunt, teste Plinio in Paneg. & Fisci mala
causa nunquam, nisi sub bono principe, ut
ibidem ait. Sed πρὸς ἔργον. In disputando 6.
porro noster magis id, quod actum, quam
quod dictum esset, sequebatur, æquitatemque
juri stricto passim præferebat; ut ex toto hoc-
ce tractatu, tum in primis ex l. Nulla 25.
D. d. LL. elucet. Reliqua ejus scripta quod 7.
attinet, crebra eorum in Pandectis fragmen-
ta occurrunt, eademque itidem & civilis sa-
pientiæ & solidioris ratiocinii plena. Specimen
unum atque alterum vide in l. 21. D.
Quib. mod. ususfr. l. 12. ff. ad L. Corn. de Si-
car.

car. l. 9. ff. ad L. Pomp. de Parric. l. 16. §. 1. π. d. Quæst. & l. 4. D. d. Capt. & postlim. revers. Ut proinde suo merito Modestinus ab Imp. Gordiano *non contemnenda auctoritatis Jurisconsultus* appelletur, in *l. Ad exhibendum 5. C. ad Exhib. & inter primos, quibus à Theodosio lectionis auctoritas tributa est, recenseatur, in l. un. C. Theod. d. Respons. Prudent.* Sed & Viglius Zwiche-
mus, Civilis Juris illustrator eximius, eundem non dedignatur *suum* vocare, quasi quem inter cæteros Jurisconsultos summopere dilexerit, ad *tit. Inst. d. Vulg. & Pupill. Substit.*

- XIX. Intelligitur nunc, puto, quid fere de Modestino habendum sit, nomenque ipsius summæ apud omnes commendationis fuisse. Atque adeo etiam mihi dignus visus est Auctor, in quo enodando ingenii studiique mei quantulicumque vires periclitarer. Stui-
1. dui autem, ut quam clarissimè & meam & Jurisconsulti mentem indicarem, quæ cum plerumque in testamentorum & contractuum formulis, hoc est, in medio Jure Civili versatur, aliquando pluribus explicanda fuit, ne
2. ipsa interpretatio interprete egeret. In primis vero in *d. l. Jam hoc jure. 4. D. d. Vulg. & Pupill. Substit.* paulo verbosior esse debui, tum, quoniam per se admodum difficilis & intricata lex est, tum etiam, quia, sepositâ
com-

communi receptâque ejus sententiâ, novam
plane induxit. Et tamen, ne nimis longa
subtilioris disputationis continuatio lectori
tædium pareret, in sectiones aliquot id caput
distribui; ut ita, interposito ad singula in-
tervalla otio, animus majori cum attentio-
ne lectionem redauspicetur. De cætero, 3.
notiora Juris principia pro cognitis habui,
ne toties repetita crambe mors esset; quæ-
que minus ad rem faciebant, perfunctorie
tantum; & fere connexionis ergo tractavi.
Sed rem ipsam videbitis, benevoli Lectores; 4.
autoremque interea prologum hunc suum
cum Terentiano illo concludere patiamini :

*Favete, adeste aquo animo, & rem co-
gnoscite,*

*Ut pernoscat, ecquid spei sit relliquum;
Posthac, quas faciet de integro Comædias;
Spectanda, an exigenda sint vobis prim.*

CAPUT SECUNDUM.

Ad *L. Si Procuratorem* 65. de
Procurator.

*MODESTINUS Libro Singulari
de EUREMATICIS.*

Si Procuratorem absentem dominus satisfactione relevare velit, literas suas ad adversarium dirigere debet, quibus significet, quem adversus eum Procuratorem, & in qua causa fecerit; ratumque se habiturum, quod cum eo actum sit: hoc enim casu, literis ejus approbatis, velut presentis Procuratorem intervenire intelligendum est. Itaque etsi postea, mutata voluntate, Procuratorem esse noluerit, tamen judicium, quo quasi Procurator expertus est, ratum esse debet.

SUM-

S U M M A R I A.

I. Prolegomenon de Procuratorum usu & inductione.

1. Interventum eorum perquam necessarium esse:
2. Ac propterea etiam adversus L. XII. Tabb. à Pratoribus introductum.
3. Origo rei & progressus.
4. Difficultas, receptis Procuratoribus, circa effectum sententiæ ;
5. Eademque duplici remedio superata, pro duobus Procuratorum generibus.

II. De Procuratore actoris, & in eo mandati necessitas.

1. Debere autem perspicuum esse mandatum ac palam interpositum ; & exceptio in utraque specie.
2. Quid si quis Procuratorem suum satisfaciendi periculo relevare velit ?
3. Atque eâ in re Modestinum hoc cap. occupari.

III. Mandatum fere bifariam interponi :

1. Sed omne dubium esse in mandato absentis.
2. Modestini hoc in casu adversus satisfaciendi molestiam Eurematicum.

36 *Henrici Brenkman, J.Cti,*

3. *Diferimen inter cautionem de rato & judicatum solvi. remissive.*
4. *Color & pretextus hujus Eurenatici nostri;*
5. *Idemque à contradictione, qua primâ facie laborare videtur, absolutus.*
6. *Adversarii adprobationem unum esse, quod hic desideretur.*

IV. *Effectus mandati in Procuratore, re non amplius integra.*

1. *Subobscurum Modestini hac in parte monitum.*
2. *Comparatio judicialis mandati cum extrajudiciali.*
3. *Natura litis contestatæ ejusdemque illustres quidam ac notabiles effectus.*
4. *Conclusio ex proxime antecedentibus, cum exceptione.*

V. *Simile prorsus Eurenaticum in Constitutione Impp. Diocletiani & Maximiani.*

1. *Nec tantum idem in eo schema, colorem eundem reperiri;*
2. *Sed & eandem plane consequentiam, & vel ipsissimis Modestini verbis:*
3. *Denique nec ipsos Principes hujus Inventi auctores esse.*
4. *Conjectura inde ad nostram legem.*

VI. *Aliud in ff. εὐρημα, nostro itidem pervicinum.*

1. Pro-

1. *Procuratorem actoris ejusdem in recon-
ventionem defensorem fieri ; eumque ita
cautionem judicatum solvi subierfugere
non posse.*
2. *Summa illius & inevitabilis necessitas.*

INter memoratas Modestini Leges ordine I.
primas tenet hæc de Procuratoribus; sed
nec Inventi quoque elegantia aliis inferior:
accedente ipsius materiæ, circa quam versa-
tur, utilitate. Nam *Procuratorum usus*, Ulp. 1.
teste, *perquam necessarius est, ut qui rebus*
suis ipsi superesse vel nolunt, vel non possunt,
per alios possint vel agere, vel conveniri, l. i.
§. Usus autem D. d. Procurat. Qui quidem 2.
usus à Prætoribus adversus Legem XII.
Tabb. rigidosque præsci ævi mores inductus
est. Nam olim alterius nomine agere nemo
poterat, nisi pro populo, pro libertate,
pro tutela, *pr. Instit. d. Iis per quos ag.*
poss. estque ejus rei argumentum capere ex
A. Gell. *Lib. XX. c. i.*, ubi verba Decem-
vitalia, quæ huc tendunt, referuntur. Ni- 3.
mirum volebat rigor primævæ Jurisprudentiæ,
ut quisque quod sua interesset, non quod
aliena, persequeretur: atque ideo Jurisconsultis
quoque omnes actiones solemnes ac legiti-
mas facere placuerat: Pomponius *de Orig. Jur.*
§. Deinde 6. adde l. Nemo 123. D. d. R. J.

Sed dum alium ætas, alium valetudo, alium vero necessaria peregrinatio, aut alia quævis iusta absentia negotiis suis superesse vetabat, iustissimè deinceps obtinuit, ut, quemadmodum Cicero loquitur, *quibus in rebus ipsi interesse non possumus, in iis opera nostra vicaria fides amicorum supponeretur: pro S. Rosc. c. 38.* Eo amplius, utilitate adhibendorum Procuratorum semel perspecta, tandem res eo increvit, ut vel pro lubitu, nullaue intercedente causa, adhiberi inciperent *d. 5.*

4. *Ufus autem, l. 1. h. t.* Sicut autem commodis litigantium hac ratione prospectum fuit, ne ipsi in iudicio adesse cogantur, ita vicissim cavendum omnino erat, ne iudicium Procuratoris interventu finitum, ab eo, qui forte sententiâ se læsum putaret, resuscitari retractarique temere posset. *Neque enim alteri per alterum iniqua conditio inferri l. Non debet 74. ff. d. R. J.* aut alter ab altero *litibus sumptibusque inanibus vexari debet l. Minor. 6.*
5. *D. d. Minor.* Ut igitur Procuratoris datio injuriâ careat, receptum est, ut à parte quidem ejus, qui pro actore intervenit, mandatum domini proferatur, ab illius vero, qui pro reo (nam rei partes semper favorabiles sunt in jure) ut saltem fatisset, *judicatum solvi.* Sed de rei Procuratore, hoc est, *Defensore* hic nihil attinet dicere: videamus

deamus tantum de Procuratore actoris.

Est itaque *mandatum* velut anima ac fundamentum hujus officii, sine quo nullus admittitur Procurator *l. Licet 24. C. h. t.* quantumvis satisfacere paratus sit. Quid si igitur quidem aliquod mandatum proferat, sed dubium, sed incertum ac minus idoneum? Sane ex rigore juris incumberet Procuratori certam atque indubitatam domini mandantis voluntatem probare: sed tamen, ne sic in infinitum trahatur lis Procuratoria, placuit eum hoc in casu sub cautione *de rato* admittendum esse. *l. 1. C. h. t.* Præterea hoc sanguini ipsique conjunctioni datum est, ut cognatæ conjunctæque personæ, etiam sine mandato, sub eadem hac satisfactione admittantur, *l. Exigendi 21. C. h. t.* quia videlicet necessitas conjunctionis quodammodo præsumptionem mandati inducit. Quotiens ergo aut incertum dubiumve est mandatum, aut etiam conjuncta persona absque mandato intervenit, totiens satisfactio, à Procuratore præstanda est. Sed ponamus, dominum Procuratorem suum hoc satisfaciendi periculo relevare velle. Finge enim comparisonem fidejussorum propter rei familiaris angustiam ipsi difficilem esse; finge constituentem amico suo præter onus procurationis satisfaciendi quoque molestiam imponere non audere.

II.

I.

2.

3. Atque in hac contemplatione Modestinus heic loci defixus esse videtur. Quoniam vero una tantum ad liberationem via est, posita in certitudine ac perspicuitate mandati, exploremus cum nostro, quemadmodum hoc, & tuto, & commode fieri queat.

III. Omne autem mandatum vel à præsente interponitur, vel ab absente *cap. 1. & 2. D. h. t.* Quod si dominus litis præsens in judicio procuratoris sui personam confirmaverit, nulli hac in specie de mandato dubitationi locus relinquitur, §. *Sin autem. 3. Inst. d. Satisfdat.* Nec refert palam id fecerit, an tacite; per *l. Si remun. 6. §. Si passus D. Mand. item l. Qui patitur 18. cod.* quoniam utique mandatum solo & nudo consensu constat. Omnis ergo hæsitatio vertitur circa mandatum absentis: unde etiam noster discrete *absentis Procuratoris* meminit, hoc est, ejus, qui a domino abest. Potest nimirum, ubi absens mandavit, sæpe quæstio incidere de sensu mandati, cui, quid & quatenus mandatum sit, aut quod cunque adversario cavillari libuerit, ut negotium facescat procuratori, litemque protrahat. Nam etiamsi *verus Procurator* sit, dummodo non aperte constet de mandato, adhuc cogi potest, ut caveat, *c. De pupillo. 5. §. antepen. D. d. Novi op. nunc*: debet enim *evidens absen-*

sentis voluntas esse. l. Qui ita 66. §. 1. ad *Senatus-
consult. Trebell.* Ut adeo perquam difficulter
absens sine reprehensione constituatur Procu-
rator : præsertim tergiversante adversario &
judicium detrectante. Hisce igitur difficul- 2.
tatibus obviæ eundem ratur Jurisconsultus
elegans remedium præscribit. Vult autem, ut
dominus rei seu litis *litteras suas ad adver-
sarium dirigat*, utque illæ contineant, QUEM
ADVERSUS EUM PROCURATOREM
ET IN QUÆ CAUSA FECERIT, RA-
TUMQUE SE HABITURUM, QHOD
CUM EO ACTUM SIT. Ut adeo hac
formula quasi pro suo procuratore satisfaciat
ipse. Illud vix monendum censeo (quod & 3.
Accursius in glossis observat) quum in hac
materia *satisfactionis* mentionem facimus, so-
lam cautionem *de rato* intelligi debere. nam sa-
tisfactio *judicatum solvi* à solo Procuratore rei,
sive Defensore, interponi solet. Porro effec- 4.
tus illarum litterarum in proxime sequentibus
subjicitur; *hoc enim casu, literis ejus approba-
tis, velut præsentis Procuratorem intervenire in-
telligendum est.* En color & schema sub quo
datus procurator liberatur a vexatione satisfac-
tionis. Videlicet consideratur, ut Procurator
a domino in ipso negotio præsentē da-
tus, adeoque nulli cavillationi obnoxius.
Interim literæ istæ revera nihil faciunt ad hoc, 5.

42. *Henrici Brenkman, JCi,*

- ut absens dominus pro præsente habeatur; immo vero absentiam diserte confirmant, nullo, ut jam præcedente cap. monui, nisi inter absentes, literarum usu existente. Et tamen, licet persona domini absens sit, nihilo minus voluntas ejus, quæ hic maxime in computum venit, præsens sistitur. Hoc unum tantum desideratur, ut literæ ad adversarium missæ *approbatae*, id est, agnitæ sint; sive, ut hoc loco Basilica habent, *πιστευμένων τῶν γραμμάτων*, quod eodém redit. Hasce autem mihi videtur non posse non approbare, sive non agnoscere, nisi justam recusandi causam alleget, *l. 19. §. 2. ff. d. Probat.* Potest vero accidere, ut vel ipse præsens dominus repulsam patiat: puta, quod ejusmodi persona Procurator constituta sit, quæ, pro alio postulans, à limine judicii repellitur, &c.

- IV. Cæterum post memoratam approbationem respectu domini mandantis illud quoque sequitur, quod *etsi postea mutata voluntate Procuratorem esse noluerit, tamen judicium, quo quasi Procurator expertus est, ratum esse debeat.* hujusmodi enim consecrarium ad finem legis deducit Modestinus. Quo ipso subobscurè innuit, ne quis temerè aliquem procuratorem constituat; cujus cum mox pœnitere possit. Quod si enim pœniteat, hanc quidem mandati naturam esse, ut revocatione statim evanescat; verum

verum, sicut in extrajudicialibus quicquid 2.
mandatarius agit, nomine & impensis mandantis agit, quamdiu de mutata voluntate nihil rescivit, ita in hoc quoque negotio Procuratorem quidem esse desinere, simulac domini voluntas in contrarium vertitur, sed tamen eundem adhuc *quasi Procuratorem*, quamdiu ea de re certior non est factus, recte experiri. expertus autem, id est, litem contestatus ubi est, jam *ratum debet esse iudicium*, quantumvis de mutata domini voluntate appareat. Est 3.
enim hæc natura litis contestatæ (qua, ceu remedio, Prætores Legi XII. fraudem fecere) ut per eam, novatione factâ, tota lis in Procuratorem transferatur, l. 11. & l. *Aliam causam* 29. d. *Novat. & Deleg.* (unde & in l. 3. §. *Idem scribit* 11. D. d. *Pecul.* eleganter dicitur *iudicio contrahi tanquam stipulatione*) Atque ita Procurator, dominus litis factus, vel invito mandatore, aut etiam mortuo, iudicium suo nomine persequi potest l. *Nulla* 23. C. h. t. ac proinde & sententia in ejus personam ferenda est l. 1. C. d. *Sentent. & Interloc.* denique & directa ei & in eum rei judicatæ actio datur, l. *Si Procurator* 28. D. h. t. Concludimus itaque, lite contestata revocationi locum non esse; nisi tamen ex magna & probabili causa, l. *Procuratoribus* 22. C. eod. quæ quales sint, porro liquet ex l. *Post litem*. 17. & seqq. ff. h. t. 4.
Illud

- V. Illud non possum quin addam, simile prorsus *εὐρημα* reperiri in allegata *l. unic. C. d. Satisf.* quæ Impp. Diocletiani & Maximiani constitutio est. Nam *Procurator apud acta constitutus* dicitur ab ipsis similiter *non compelli RATAM REM DOMINUM HABITURUM* *satisficare, quoniam quasi presentis Procurator intervenire intelligitur.* Ubi idem
1. color apparet. Sed et eadem consequentia subjicitur: amplius, quod mirum, ipsissimis Modestini verbis, *Itaque etsi postea mutatâ voluntate Procuratorem esse noluerit, tamen iudicium quo quasi Procurator expertus est, Judex ratum habere debet.* Atque adeo totam hanc periodum Imperatores ex *l. nostra mutuati*
 2. videntur. Insuper non ipsos ejus Inventi auctores esse observo, cum jam eo tempore *certi juris* fuisse dicant, quale sæpe in rescriptis deprehendimus. Ut proin dubium relinquatur, cuius nam illud *Eurematicum* fuerit, et num forte adinstar hujusce excogitatum sit. Verum in hoc ambiguo nihil definire consultius est.
 3. 4.
- VI. Circa hanc materiam inspiciatur etiam *l. Ne satisfactio 21. D. Rat. rem. hab.* quæ idem operari dicet *professionem, quæ Principi fit, oblato libello.* Unde simul docemur, quod si ab eodem *Procuratore* in reconventionem *cautio Judicatum solvi* postuletur, *iuri manifesto parere* ne-

neceſſe habeat. adde Modestinum in l. 10. ff. Judic. solvi. nam qui alicujus Procurator esse cæpit, ejusdem in ea causa defensionem subterfugere non potest l. Servum quoque 34. §. 3. & 4. ff. h. t. Jam autem secundum veterem regulam, Nemo alienaræi sine satisfactione Defensor idoneus intelligitur, §. Si vero 5. Inst. d. Satisf. In tantum, ut vel is, qui in rem suam Procurator est factus, teneatur cavere JUDICATUM SOLVI, pro omnibus judicatum solvi cautionis clausulis. d. l. Servum quoque §. ult. h. t. Meminitque jam hujus cautionis, sive satisfactionis, Cicero pro P. Quint. c. 8. Formulam autem ejus vide in l. Procurator 23. D. Rat. rem hab.

CAPUT TERTIUM.

Ad L. Si domina 25. D. ad SCt. Vellejan.

MODESTINUS Libro Singulari
de EUREMATICIS.

Si domina servo suo credi jusserit, actione honoraria tenebitur.

§. 1.

§. 1. *Quod si pro eo fidejusserit, exceptione Senatusconsulti Vellejani, judicio conventa, adversus creditorem tueri se poterit: nisi pro suo negotio hoc fecerit.*

S U M M A R I A.

I. *Modestini in hac lege scopus & intentio.*

1. *Ratio dubitandi.*
2. 4. *Incertum obligationis in mulieram contractibus.*
3. *Quot modis mulier pro alio intercedere intelligatur.*

II. *Thema Legis.*

1. *Aliam jussus, aliam fidejussionis rationem esse.*
2. *Requisita Senatusconsulti Vellejani.*
3. *Jussum intercessionibus annumerandum non esse, ac proinde nec ad SCtum pertinere.*
4. *Aliud esse in fidejussione; & quare.*
5. *Discrimen jussus & fidejussionis diligenter à Marcello notatum.*
6. *Extrinfeca tñ jubere & fidejubere affinitas.*

III. Prius Legis nostræ membrum
expositum.

1. *Quid juris, si mulier, alteri creditura, ser-
vo pecuniam dare jusserit?*
2. *Sed vel ipsius mulieris interesse, ne hoc
in casu adjuvetur.*
3. *Exceptio.*

IV. Altera pars legis explicita.

1. *Rationes hesitandi, per modum objectio-
nis.*
2. *Quibus in casibus eveniat, ut alteri servus
acquirat quam domina.*
3. *Nonnunquam vero dominam etiam ex
fidejussione pro servo teneri.*
4. *Neque hoc tamen extraordinarium esse,
aut soli servo peculiare.*
5. *Quid sibi velit periodus, judicio conven-
ta &c.*
6. *Stricto quidem jure mulierem conveniri
posse, sed tamen interim exceptione eam
muniri.*
7. *Debilis ad abrogandam legem Senatus
auctoritas.*

V De Eurematico in hac lege.

1. *Nullum quidem hic palam proponi, ve-
rum per consequentiam satis eviden-
tem.*
2. *Contentum Eurematici & substantia.*

Totus

- I. **T**Otus mihi hîc in eo est Modestinus noster, ut differentiam ostendat, quæ est inter *jussum* & *fidejussionem*; ad hoc nimirum, ut constet, quid juris, si quis servo credit, jubente aut fidejubente domina ejus, an is creditor in *Senatusconsultum*, quod de intercessionibus fidejussionibusque mulierum factum est, incurrat? Profecto in persona servi proprii, (de quo hîc sermo est, & in quem solum jussus cadit *l. Si tutoris* 2. §. ult. *D. Quod juss.*) illa facile pro iisdem haberi possent, atque adeo utrobique idem jus obtinere videri. etenim quam jubendo, tam fidejubendo quicquid servus acquirit, dominæ peræque acquiri: quod autem dominæ acquiritur non posse impingere in *Senatusconsultum*, quod de intercessione pro aliis factum est. Sed non est ita: longe aliter se rem habere noster docet. Et sic sæpe evenit in contrahendo, ut prima fronte suam suscepisse mulier obligationem videatur, cum revera alienam susceperit; & vice versa. Certe multis modis *Senatusconsulti Vellejani* beneficio tuta est. Sive enim alterius obligationi se sociam adjunxerit, sive illam in totum in se transtulerit, sive etiam de novo se obligarit pro eo, qui cæteroquin suo nomine contracturus fuisset, hoc est, & participando,

do, & transferendo, & novam obligationem constituendo mulier intercessisse videtur. *l. Senatusconsultum* 4. *C. h. t.* Rursum accidit, 4. ut iisdem hisce casibus, aliud suadente personarum, rerum, circumstantiarum varietate, efficaciter sese obligasse censeatur, ut in *l. Si apud minorem* 12. juncta *l. II. §. ult. ff. d. Minor. l. penul. & ult. C. eod.*, *l. Si mulier* 16. *l. Si mulieri* 15. 22. *ff. eod.* & *l. Si mulieri perfecta* 22. *C. eod.* Quamobrem cum hoc omne in facto consistat, nec adeo unâ juris regulâ comprehendi possit, videamus, quid de proposita specie habendum sit.

Ait autem Modestinus. *Si domina servo suo credi jusserit, actione honoraria tenebitur.* II. *§. 1. Quod si pro eo fidejusserit, exceptione Senatusconsulti Vellejani judicio conventa adversus creditorem tueri se poterit.* 1. Ex quibus statim apparet, aliam hic jussus ac fidejussionis, etiam in proprio servo, considerationem esse, quamvis, ut initio dixi, prima inspectione pro iisdem accipi possent. Scilicet duo sunt 2. requisita, ut mulier beneficio Senatus adjuvetur; alterum, ut se obliget, alterum, ut pro alio id agat; & ad hæc, quasi ad obrusam, omnis Senatusconsulti exigenda est ratio. Quod ad prius requisitum, vix est ut uterque contractus huc pertinere negetur,

- tantum abest, ut neuter, quemadmodum initio fingebarus. Sed tamen in altero comparatio claudicat. Nam, quod ad *jussu*, nemo sive dominus sive domina jubere potest, ut cum servo contrahatur, nisi in rem propriam; in primis quoniam, ut Ulpianus in *l. 1. π. Quod jussu* nos docet, cum eo quodammodo contrahitur, qui jubet, servo tantum nudum in accipiendi ministerium præbente. Sed & plene Ulpiano Imperator adstipulatur cum *§. 1. Inst. quod cum eo, qui in alien. pot. ait quod is, qui ita contrahit, fidem domini sequi videtur*. Ut hoc in casu non tam servus mandato domini, quam quidem ipse dominus per servum nummos censeatur accipere. At *fidejussionis* longe alia ratio est. Nam qui fidejubet, tanquam extraneus intervenit, nec suum, ut in *jussu*, sed alterius negotium gerere præsumitur. Diligenter hoc discrimen Marcellus apud Ulpianum notat, in *l. 1. §. 5. ff. quod Jussu* verba Ulpiani. *Quid ergo, si fidejusserit pro servo? Ait Marcellus, non teneri quod jussu: quasi extraneus enim intervenit: Neque hoc dicit ideo, quod tenetur ex causa fidejussionis; sed quia aliud est iubere. Denique idem scribit, etsi inutiliter fidejusserit, tamen eum non obligari, quasi jusserit: Quæ sententia verior est. Cautè mehercule. Vult nempe Marcellus, ne cui dubius vocabuli sonus*

nus offendiculo sit, dum *fidejubere* nihil aliud 6.
est, quam *fide sua esse iubere*, l. 51. ff. d. *fidejuss.*
ac proin qui male *fidejussit*, ne saltem videatur
jussisse. Sed in viam.

Quoniam igitur apparet *iussum* minus III.
recte intercessionibus annumerari, sed ad ip-
sos potius principales contractus referendum
esse, tuto noster definit, *Si domina servo*
suo credi iusserit, actione honoraria eam teneri,
id est *prætoria quod iussu*. Sed an semper &
indistincte? Quid si enim hac ratione color I.
Senatusconsulto quæsitus fuerit, dum alteri
creditura servo pecuniam dare iussit? Verum
dicendum est, necdum creditori Senatus-
consultum obstaturum, non inquirenti, suosne
an alienos in usus versura sit, dum ipsius
tantum personam respicit. Etenim *incondi- 2.*
tum est, subvenire sexui mulieris, qua suo no-
mine periclitetur, ait Papinian. in l. *Stichum*
95. §. *Aditio D. d. Solut. & Liber.* & si
semper & ubique Senatus mulieribus succur-
reret, perinde esset, acsi bonorum admini-
stratione ipsis interdictum foret, nemine in
posterum cum fæminis contrahere volente,
l. *Si mulier* 11. ff. h. t. denique *deceptis non*
decipientibus iura opitulari Divus Pius & Se-
verus rescripsere, l. 2. §. *Sed ita. π eod.* 3.
Quod si tamen scit creditor, quid mulier
moliatur, adhuc in Senatusconsultum com-

mittit, quia tum non decipitur. *l. Immo D. 12. cod.* Tantum de jussu.

- IV. In *fidejussione* autem, de qua §. 1. agit, secus obtinet. Nam in intercedendo, ut dictum, non adeo contrahentis, quam ejus, pro quo intercessio fit, persona respicitur. Nec ad rem facit, servi in jure nullam personam esse, nisi quæ una eademque cum domini dominæve habeatur; atque adeo quodcunque servus acquirit, domino ipsum aut dominæ acquirere. Etenim variis casibus evenire potest, ut alteri servus acquirat,
1. quam dominæ: puta, si usufructuarius est, aut alteri bona fide servit, ut in casu *l. seq. 26.* Potest etiam à muliere tabernæ alterius præpositus esse vel negotiationi, & pro pecunia, quam in hanc rem mutuam accepit, potest domina ejus fidejussisse. nam & alienum servum quandoque institorem præpositum, docet *l. 1. D. d. Instit. act.* Et tamen si mulier diserte pro suo negotio intercessit, aut pecunia servo data in rem ejus versa est, recte adhuc ex sua intercessione convenitur; quod adjecta in fine clausula, *Nisi pro suo negotio hoc fecerit* evidenter ostendit: & præterea hæc exceptio in quavis mulierum pro extraneo intercessione locum habet, *l. Aliquando 13. pr. l. Bona fide 27. §. ult. D. h. t.*
 - 2.
 - 3.
 - 4.
- Illud

Illud silentio haud prætereundum, quod 5.
 autor huic suæ definitioni inserit, *judicio*
conventa (sive, ut Amplissimi Viri Corne-
 lii van Bijnkershoek codex M. S. exhibet,
 quem mihi pro singulari suo erga Musarum
 affeclas amore, præsertim vero erga Juris
 alumnos, comiter ac benevole conspicien-
 dum præbuit *in judicio conventa*) *adversus*
creditorem tueri se poterit. neque enim ver-
 ba isthæc otiosi censenda sunt. 6.
 Indicat au-
 tem illis Modestinus, stricto quidem jure
 mulierem ex sua intercessione conveniri recte,
 sed tamen vicissim, impetratâ a prætore ex-
 ceptione, eandem quoque *judicio*, seu po-
 tius *in judicio*, hoc est, apud judicem pe-
 daneum, *conventam, adversus creditorem*
tueri se posse. 7.
 Hoc ideo, quod Senatus non
 habet jus improbandi actiones civiles. Nam
 magna quidem ejus autoritas est, verumta-
 men non usque adeo sui valitura momento,
 ut aut legem vincat, aut mores. Quare
 Prætor Senatus infirmitati succurrit, accom-
 modando mulieri exceptionem, EXTRA
 QUAM SI ADVERSUS SENATUS AU-
 TORITATEM INTERCESSUM ESSE
 DICETUR. aut quid simile.

Haftenus de sensu legis: videndum porro V.
 quodnam in ea Eurematicum contineatur, ut &
 inscriptioni & proposito nostro fiat satis. Quan-

- quam vero disertis verbis in ea non reperitur, tamen, meo quidem iudicio, satis clara & evidenti consequentia inde elicitur. Quid enim aliud sibi vult Modestinus, cum tam accurate ostendit discrimen inter *jussum* dominæ & *fidejussionem*; item, quod ex illo semper & indistincte actio creditori datur, ex hac
2. non nisi pro negotio suo intervenerit; quid, inquam, aliud vult, quam ut incautos moneat, ne facile vicinitate utriusque, & vocabuli, & actus patiantur sese decipi, præsertim in persona servi proprii, propter arctam, quæ inter ipsum & ipsius dominam intercedit, relationem? propterea, ne tam remissè agant in *fidejussione* dominæ pro servo suo, ac in *jussu*, diligenter attendentes, an usufructuarius sit, an pleno jure suus, alterine inserviat, an unice dominæ ministerio dictus sit, & quæ plura talia? Atque hunc ego Jurisconsulti nostri scopum puto.

CAPUT QUARTUM.

Ad L. Stipulatio de dote 63. D.
de Jure Dotium.

MODESTINUS Libro Singulari
de EUREMATICIS.

Stipulatio de dote reddenda ab extraneo interposita, facto divortio statim committitur: nec redintegrato matrimonio actio stipulatori quæsitâ intercidit. Denuo igitur consentiente stipulatori dos constituenda est, ne sequenti matrimonio mulier indotata sit: si modo ea dos non ab ipsa profecta sit, quam alius permissu ejus stipulatus est; tunc enim consensus ejus non est necessarius.

S U M M A R I A.

I. Hoc & seq. Eurematicum circa dotem occupari.

1. Quot modis dos constituatur.

D 4

2. Quo-

2. *Quotuplex dos sit.*

II. *Verba Legis* Stipulatio de dote reddenda ab extraneo interposita.

1. *Quinam in materia dotis extranei habeantur.*
2. *Stipulationis de dote restituenda in extraneo necessitas ;*
3. *Et quidem ejusmodi, ut statim ab initio interponenda sit.*
4. *Immo vero ne patrem quidem post contractas nuptias, quantumvis filia consenserit, dotis restitutionem stipulari posse ; & quare.*
5. *Cautio circa stipulationem de restituendo.*
6. *Formula ejus duæ.*

III. *Effectus memoratæ stipulationis.*

1. *Dotem absque nuptiis intelligi nullam :*
2. *Quin stipulationem committi, licet matrimonium redintegretur ante restitutam dotem ;*
3. *Et qua de causa.*
4. *An idem dicendum, etiam cum protinus in concordiam redeunt conjuges ?*
5. *Rem totam pendere ab eo, an divortium revera intercessit, nec ne.*
6. *Signum διαρκιστικὸν verî divortii ex Paulo.*
7. *Crebra*

de EUREMATIC. *Diatr. C. IV.* 57

7. *Crebra apud Romanos divortia, crebriora vero jurgia, sive fribuscula fuisse.*
8. *Locus unus aut alter Seneca de Mæcenate.*
9. *In l. 64. ff. d. Donat. int. V. & Ux. pro Decenatem Mæcenatem restituendum videri.*
10. *Quid juris circa dotem, solo jurgio intercedente?*
11. *Quid, si mulier abiit animo non revertendi?*
12. *Plurimum differre, mulieri dos restituenda sit, an extraneo.*
13. *Modestini, Ulpiani, Marcelli hac in parte suffragia:*
14. *Sed nullum Favoleni evidentius.*
15. *Quid si dos ad extraneum spectet, ut in nostro casu.*
16. *ἐμφοτικῶς à Modestino dici, statim committi stipulationem.*
17. *Idem, quod in divortio, in repudio quoque obtinere.*

IV. *Pignoris obligatio cum stipulatione de dote commissa.*

1. *Casus legis 13. §. II. D. Locati.*
2. *Comparatio ista exemplo Africani defensa:*
3. *Aliud esse in invito creditore, aliud in consentiente: idque tam in dote, quam in pignore.*

D 5

4. At

4. *At in eo utramque speciem differre, quod pignoris obligatio solo & nudo consensu continuatur, dotis non item.*
5. *Ratio differentia.*

V. Eutematici in proposito casu necessitas.

1. *Contentum ejus;*
2. *Et effectus.*
3. *Omisso eo, quid juris?*
4. *Juris Civilis hic frustra opem implorari:*
5. *Prætoris autem tale esse, ut periculo non careat.*
6. *Et quid si mulier ei acquiescere parata sit?*
7. *Baldi interpretatio adducta.*

VI. Transitus ad exceptionem legi nostræ subjectam cum recapitulatione proxime antecedentium.

1. *Si dos ab ipsa muliere profecta fuerit, stipulantis consensum non desiderari.*
2. *Duplex verbi stipulatus est hoc loco sensus.*
3. *Multifariam accidere, ut alius pro muliere de bonis ejus dotem constituat.*
4. *Species illius rei varia.*
5. *Dotis olim per tutorem dicenda solemnitas, ex Cicerone & Ulpiano.*
6. *Casus perappositus ei, quem Modestinus hic proponere videtur.*

DUO, quæ sequuntur, Eurematica circa I.
dotem occupantur, materiam admodum
 difficilem ac diffusam, quæque multum ha-
 bet ex subtili jure; ut vel duobus hisce ca-
 pitibus manifestum fiet. Sciendum autem, I.
 tribus modis dotem constitui. *Aut enim da-*
tur, aut dicitur, aut promittitur, ait Ulpia-
 nus tit. V. *Dotem dicere*, pergit, *potest mu-*
lier, quæ nuptura est; & debitor mulieris, si
jussu ejus dicat institutus: parens mulieris viri-
lis sexus per virilem sexum cognatione junctus,
velut pater, avus paternus. Dare, promittere
dotem omnes possunt. Dari autem dicitur dos,
 quæ revera marito traditur. Promittitur ea-
 dem, vel stipulatione, vel etiam, ex Con-
 stitutione Imperatorum Theodosii & Valenti-
 niani, nuda pactione. Rursum alia dos 2.
profectitia dicitur, alia *adventitia*. Profectitia
 vocatur, quæ profecta est de bonis aut facto
 patris: Adventitia, quæ aliunde advenit,
 puta ab extraneo. nam dotem dare quilibet,
 etiam alienissimus, potest.

Quibus obiter præmissis, jam ultro claret, II.
 quorsum casus legis nostræ referendus sit.
 Constat ergo de *adventitia* dote sermonem
 esse, hoc est, de ea quam *extraneus* consti-
 tuit; eandem *datam* hoc est traditam pro-
 poni sub *stipulatione de reddendo*. Ait enim
 Modesti-

Modestinus : *Stipulatio de dote reddenda, ab*

1. *extraneo interposita, &c. Extraneum vero cum dicimus, intelligimus eum, qui mulierem, quam dotat, in potestate non habet, cap. unic. §. Accedit fin. C. d. Rei Ux. act. Quo nomine veniunt & mater & avus maternus; nec non pater filiæ emancipatæ, & cæteri quoque cognati atque amici, alique omnes, qui nullo sanguinis jure mulierem contingunt. Hujusmodi igitur extraneus aliquis in hac lege nostra dotem dedisse proponitur. Sed an simpliciter & nudè? Minime vero; ast demum sub stipulatione de dote reddenda. Nam si illa non intervenisset, statim, dos mulieris fuisset facta, haud secus ac si ipsa eam dedisset, d. l. unic. §. Accedit, in init. Quod adeo verum est, ut vel in profectitia dote ægre aliter receptum sit. Jure enim singulari & extra ordinem succursus est patri, ut, filiâ amissâ, solatii loco cederet, si redderetur ei dos ab ipso profecta l. jure 6. ff. h. t.*
2. *Amplius stipulatio isthæc statim ab initio, id est, tempore oblationis seu promissionis, interponenda est. l. Ex morte 9. §. C. d. Pact. Convent. Nam si extraneus ex intervallo stipuletur dotem sibi reddi, invitâ muliere nihil agit; ne si dotem quidem dederit ante nuptias, & ante nuptias stipuletur, l. Quod Servius 8. D. d. Condict. caus. dat. caus. non seq.*

seq.

seq. immo nec ipse pater prius potest l. Quo-
 tiens 29. ff. Solut. Matr. & l. Cum dos 7. ff.
 d. Pact. Dotal. Plus dicam. Post dotem datam
 & nuptias contractas stipulatus est pater, &
 quidem filia voluntate, DIVORTIO FACTO
 DOTE M DARI. Et tamen non dubitat Pa-
 pin. affirmare, Si conditio stipulationis implea-
 tur, pater autem ex stipulatu agere velit, viva
 adhuc filia, exceptione eum removendum esse,
 l. 40. ff. Solut. Matrim. Atqui consensit
 filia! Sed favor dotis efficit ne mulier hîc in
 suum præjudicium consentire possit, l. De
 die 14. ñ. de Pact. Dotal. & præterea talis
 pactio jus publicum quodammodo infringe-
 ret, cum publicè intersit, dotes mulieribus sal-
 vas esse, l. 2. ñ. h. t. Ut igitur & con-
 ventio rata sit extraneo, & ex conventionem
 actio, debet initio dotis dandæ restitutionem
 stipulari. Quin & hîc cautionem adhibeat
 necesse est, ni periclitari velit. adeo omnia
 in hoc juris articulo scrupulositatibus plena.
 Nempe si, cum dotem daret pro muliere, in
 unum casum pepigit, vel in divortium, vel in
 mortem, ait Ulpianus in eum casum, in quem
 non pepigit, esse mulieri actionem, l. Si cum
 22. D. Solut. Matrim. Quapropter si omni-
 mode securus esse desiderat, ita cavebit, SI
 QUO CASU TITIA TIBI NUPTA ES-
 SE DESIERIT, DOTE M DABIS? id-
 que

4.

5.

6.

62 *Henrici Brenkman, J.Cti,*

que ex præscripto Pauli, in *l. Si quis* 56. ff. *cod.* Aut aliter, quod æquivalet, paciscatur in genere, **SOLUTO MATRIMONIO DOTE M REDDI**, ut idem Paulus monet in *l. Cum quærebatur* 240. *D. d. V. S.*

III. Hæc itaque si quis rite observaverit, ut in hoc Modestini capite observata esse statuendum est, sequitur, *Stipulationem de dote reddenda facto divortio statim committi.* Nam

1. quemadmodum nulla dos est non secutis nuptiis, *cap. Stipulationem* 21. *D. h. t.*, ita nec dirempto matrimonio dos intelligi potest, *c. 1. §. penul. D. d. Usucap. pro Dote.* & sic pecunia aut res in dotem data, quasi deficiente conditione ad dantem revertitur, *l. Dotis* 3. *π. h. t.* Sed quid? antequam dos ex stipulatione restituta est, convenit, ut prius matrimonium redintegretur: licebitne eandem pecuniam dotis nomine in secundo, hoc
2. est, redintegrato matrimonio retinere? Sed
3. hoc non est dicendum. nam actio quæ stipulanti semel quæsitæ est, ei invito extorqueri non debet, per *l. ult. ff. d. Pact.* non magis ac dos, quæ incuriâ dantis ad mulierem pertinere cæpit, invitæ huic adimi potest, *d. l. Cum dos* 7. *D. d. Pact. Dotal.* Præterea certissimum in jure axioma est, *Rem inter alios actam tertio non præjudicare.* Recte adeo Modestinus: *Nec integrato matrimonio actio*
stipu-

Stipulatori quæstia intercidit. Sed hoc quidem 4.
 satis æquum est, cum aliquamdiu durat divor-
 tium, conjugesque diutius dissident: verum,
 finge illud interventu amicorum protinus obli-
 terari, finge statim instaurari matrimonium.
 Totius disputationis punctum in eo vertitur, 5.
 an divortium revera intercesserit, nec ne. Ali-
 quando enim non tam solutæ nuptiæ, quam
 suspensæ videntur, & subitaneâ ac præcoci irâ
 quasi deliquium passæ; sæpe etiam, ut Comi-
 cus ait,

Amantium ira, amoris integratio' est.

Quare Paulus in *l. 48. D. d. R. 7.* merito de- 6.
 finit, *Quicquid in calore iracundiæ vel fit, vel*
dicitur, non prius ratum est, quam perseveran-
tia apparuit iudicium animi fuisse. ideoque brevi
reversa uxor nec divertisse videtur, & plenius in
l. 3. D. d. Divort. & Repud. Ut autem crebra 7.
 apud Romanos erant divortia, sic crebriora
 dissidia, quæ proprio nomine *jurgia* sive *fribus-* 8.
cula appellantur. Egregie hac in re Mæcena-
 tem Seneca taxat, *epist. CXIV.* Non statim
 hac cum legeris, hoc tibi occurrit, --- Hunc
 esse, qui uxorem millies duxit, cum unam habe-
 ret? & de Provid. cap. 3. Feliciorum ergo tu
 Mæcenatem putas, cui, amoribus anxio & moro-
 se uxoris quotidiana repudia deflentis, somnus per
 symphoniarum cantum, ex longinquo lenè reso-
 nan-

9. *nantiams, quæritur* ? Quin adeo decantata hæc Mæcenatis calamitas est, ut in *l. 64. D. d. Donat. int. V. & Ux.* ad eam provocet Javolenus. nam istic cum Russardo pro *inter Terentiam & Decenatem* legendum proculdubio *inter Terentiam & Masenatem*. Nempe huic Mæcenatis Xantippæ *Terentia* nomen erat. Sed pergendum.
10. Ubi itaque non verum divortium, sed fictum, sed simulatum intercedit, hoc est, leniore vocabulo, iurgium aut fribusculum, stipulatio de dote neutiquam committitur. Diserte enim Papinianus in *l. 31. ff. h. t. Quod si non divortium, sed iurgium fuit: dos ejusdem matrimonii manebit.* confer *l. 32. §. 12. & d. l. 64. ff. d. Donat: int. V. & Ux.* quæ idem in liberalitatibus conjugum observari indicant.
11. Quid ergo? Abiit mulier animo nunquam revertendi, nec quidem ultro reversa est, sed tamen intra biduum aut triduum intercessionibus suasionibusque amicorum reducta.
12. Plurimum hic interest an dos soluto matrimonio mulieri restituenda sit, an extraneo. Si mulieri, viget hic plenissime Pauli monitum, *In ambiguis pro dotibus respondere melius est*, in *l. 85. ff. d. R. 7.* unde vel ipse Modestinus noster in *l. 13. ff. h. t. Si mulier post divortium, antequam ex stipulatu de dote agat, ad eundem virum fuerit reversa, constantius dicitur, per doli exceptionem inefficacem fieri ex stipulatu*
- 13.

latu actionem. Ulterius pergit Ulpianus in l. 19. ff. Solut. Matrim. Si mulier diverterit, & judicio de dote contestato, reversa fuerit in matrimonium: redintegrato matrimonio exspirat judicium; & omnia in statu pristino manent. Ut hoc in casu arduum sit definire, quando mulier divertisse censeatur, quando non. Plerique, inquit Marcellus in l. 33. D. d. Ritu Nupt. opinantur, cum eadem mulier ad eundem virum revertatur, id matrimonium idem esse: Quibus adsentior, si non multo tempore interpositio reconciliati fuerint, nec inter moras aut illa alii nupserit, aut hic aliam duxerit: maxime si nec dotem vir reddiderit. Quin ei quoque mulieri tacite dotem redintegrari Javolenus autumat, quæcum alii nupisset, postea ad priorem virum rediit: modo nihil maritus de retinenda eo in casu dote caverit, c. Post divortium 64. ff. h. t. Atque ita est in dote, quæ ad mulierem reversura est. At in ea, quæ ad extraneum spectat, ut in nostro casu, longe secus obtinet. Cum enim de animo dissidentium constat, quocunque tempore aut modo in concordiam redeant, verius tamen est, adhuc commissam haberi stipulationem, quæ soluto matrimonio restitutionem dotis pacta est. Exstitit enim revera lex sive conditio stipulationis, dum non fribusculum, sed verum divortium

14.

15.

E

propo-

proponitur intervenisse, hoc est, certum & pertinax propositum perpetuæ separationis : & quantumvis favorabilis existat dotis causa, non tamen jus alteri quæsitum evertere aut labefactare potest. Hoc autem ἐμφατικῶς noster effert, dum *stipulationem* STATIM *committi* ait. Cæterum quæ hætenus de divortio disputata sunt, eadem & in repudio obtinere docet me *l. 4. §. 2. ff. d. Pact.* collata cum *l. 21. ff. h. t.* nam, nuncio remisso, dotis promissionem similiter evanescere necessum est; nec redintegratis quidem sponsalibus reviviscere.

- IV. Verum ne cui forsan magna ex parte cavillatoria videatur hæc decisio, & ex subtili jure petita; præsertim quoniam stipulatio tota Juris Civilis est, aliud exemplum adferam, ex quo res dilucide constet. Pignoris obligationem nemo negaverit Prætorii sive Gentium Juris esse, adeoque totam æquitate regi; & tamen idem in ea dubium eadem ratione tollitur. Nam in *l. Item queritur 13. §. 11. D. Locati* proponitur aliquis impleto tempore conductionis remansisse in conductione, pro qua alter res suas pignori obligaverat : quæstio est, an illa conductionis prorogatione continuetur obligatio pignoris. Sed hoc manifeste negat Ulpianus, cum tamen hic, quam in præcedenti casu, eo major hæsitandi

di ratio sit, quo tacita conductionis continuatio magis eundem actum sine interruptione continuare videtur, quam divortium palam interpositum. Dixerit forte aliquis, hanc pignoratitiæ actionis cum stipulatione de dote comparationem novam ac commentitiam videri, sed, ne quid temere factum putet, videat præeuntem hac in parte Africanum in *l. Quæ fundum* 50. §. 1. ff. h. t. Certe ita est in invito creditore. Quid si igitur consentiat stipulator, ut & sequente matrimonio eadem pecunia aut res pro dote sit? Nihil est, quod hunc consensum improbet. nam volenti nulla fit injuria. Quemadmodum & Ulpianus in *d. l. 13. §. 11.* in continenti adjicit, aliud esse, si novus oppignorantis consensus accedat: hunc enim necessarium esse, ut pignora in priorē conductione obligata in posteriore perdurent. Et sic rursum uterque casus quadrare videtur. Verum latet hic anguis in herba, à parte videlicet stipulatoris. Nam cum fere omnia hactenus belle se habuerint, & undique sic satis naturali æquitate fuerint suffulta, hic demum subtilitas emergit, quæ absque Eurematico superari commode non potest. Nimirum non ut pignus, ita & stipulatio solo & nudo consensu continuatur, cum semel interrupta est. Nam præter consensum, qui

ad pignoris constitutionem sufficit, in stipulatione hoc amplius verborum solemnitas accedere debet, *l. Stipulationum §. §. 1. ff. d. V. Obl.* atque adeo circa dotis stipulationem non tam expedita res est.

- V. Quum tamen *reipublicæ intersit mulieres dotes salvas habere, propter quas nubere possunt, l. 2. ff. h. t. idemque ad sobolem procreandam replendamque liberis civitatem, maxime sit necessarium, l. 1. ff. Solut. Matrim.* in hac, inquam, quasi communi omnium utilitate nostro neve ars, neve prudentia defuit ad cavendum, *ne mulier sequente matrimonio*
- I. *indotata reperiatur.* Quippe imaginariam excogitavit dotis constitutionem, quâ, per fictionem brevis manus, res in dotem data restituta fingeretur, & ex nova promissione seu stipulatione, quæ tantum dicis causa intervenit, denuo tradita. Et hoc est, quod innuit, cum ait; *Denuo igitur, consentiente stipulatore dos constituenda est, ne sequente matrimonio mulier indotata sit.* Atque ita in *sequenti*, hoc est, redintegrato matrimonio, perinde dos remanebit, ac si nullum unquam divortium intercessisset. Quod si vero mulier, consentiente stipulatore, fictitias istas stipulationum promissionumque ambages procurare neglexerit, sive per imprudentiam, sive etiam quod constituenti fidem haberet, semper
 - 2.
 - 3.

per ei metuendum est, ne res dotalis à constituyente repetatur, tanquam conditione per divortium commissa. At, dices, poteritne, alienatâ semel voluntate, ab eo, quod consensit, impune resilire? Et sane, si strictam Juris rationem consideramus, poterit omnino, cum, ut dixi, nudus consensus dotem non renovet. Nec est, quod hic ullum à Jure Civili auxilium speretur. Licet enim grave sit, fidem fallere, rigor Juris non exaudit has querelas, quantumvis justas. Et quidem, ne ejusmodi absurdum admittatur, Prætoris intercedit auctoritas, volentis *pacta conventa, que neque dolo, neque adversus leges sunt, servare, c. Juris Gentium §. ait Prætor ff. d. Pactis.* verum ea res plurima incommoda habet; nec etiam periculo vacat, dum semper tutius est ipso jure securum esse, quam ope exceptionis. Si qua tamen mulier aliquanto remissior, ut in futuris vulgo solent, exceptioni *pacti conventi* acquiescere parata sit, Prætoris non interest, palam an tacite rei dotalis dominus consensum suum accommodaverit, dummodo de eo constet. Et sic elegans casus est in *l. Cum maritus 29. §. 1. D. d. Pact. Dot.* de herede constituentis, cujus ex voluntate matrimonium redintegratum erat. Nam, ut ait Baldus, qui consentit reconciliationi mariti & uxoris,

4.
5.
6.
7.

E 3

videtur

videtur etiam consentire redintegrationi dotis. Eodem quoque Paulus referendus, in *l. Dotem 30. D. h. t.*

- VI. Haecenus ergo de consensu constituentis dotem, deque ejus necessitate in redintegratione post divortium matrimonio, sive is consensus simpliciter interponatur, sive etiam iteratâ dotis constitutione. Quod tamen ita intelligendum est, si constituens de suo dotem dederit, & suo nomine. Nam si aut nomine mulieris aut de propria ipsius substantia dotem constituerit, consensus ejus neutiquam desideratur, quippe cujus nec præjudicium vertitur. Atque hoc quoque cautè noster verbis finalibus admonet. *Si modo inquit, ea dos non ab ipsa profecta sit, quam alius permissu ejus stipulatus est; tunc enim consensus ejus non est necessarius.* Quod autem dicit *stipulatus est*, pro *promisit accipe*, quemadmodum id verbum palam sumitur in *l. Si non 26. §. 13. ff. d. Condict. Indeb.* nisi potius, (quod mihi certè magis arridet) *stipulatus est* habendum sit, pro *restituendam stipulatus est*, ut magis conveniat propositæ speciei. Cæterum haud mirum videri debet, alium pro muliere de bonis ejus dotem constituere, nam id multifariam accidere potest, variaque ejus rei exempla in jure prostant.
4. Sic cum mulier maritum à debitore suo, ad hoc

hoc delegato, dotem accipere jubet, *l. Debitor* 36. *D. h. t.* Aut quando pater, non ut pater, hoc est, de bonis aut facto ejus, sed ut debitor dotem constituit; quod rursum diversimode contingere, *l. Profectitia* 5. §. 6. 9. & 11. *ff. h. t.* ostendit. Aut etiam, si quis tutoris, curatoris, negotiorumve gestoris nomine pecuniam dotalem erogat, *l. Cum post* 43. *D. d. Admin. & peric. Tut.* quod olim adeo solenne fuit, ut Cicero *pro Flacco*, c. 35. testetur, *Quaecunque sine tutore auctore dicta est dos, nulla est*: præsertim, quoniam, ut idem *pro Mur.* c. 12. indicat, *Mulieres omnes propter infirmitatem consilii majores in interum potestate esse voluerunt.* adde omnino Ulpianum *tit. XI. §. 20.* Denique is, quem hoc loco concipimus, casus in terminis, ut ajunt, habetur in *l. Seja* 11. *ff. d. Dot. præleg.* nam istic mulier extranei, tanquam procuratoris, ministerio usa proponitur, dotis restitutionem ei stipulari mandans. Verum transeo ad vicinam legem, huic æmulam.

CAPUT QUINTUM.

Ad *L. Servus dotalis* 58. D.
Solutio Matrim.

*MODESTINUS Libro Singulari
de EUREMATICIS.*

Servus dotalis heres ab aliquo institutus, mariti jussu vel adire vel repudiare debet hereditatem. Sed ne maritus aut facile repudiando, vel temere suscipiendo incognitam successionem, dotis judicio uxori suæ obligetur, consulendum est, mulierem coram testibus interrogari, utrum velit omittere, an adquirere hereditatem: & si repudiare se dixerit, facile mariti jussu repudiabit: quod si hereditatem agnoscere maluerit, reddendus est à marito servus uxori ea conditione, ut, cum jussu ejus adierit, rursum marito retradatur. Ita & mariti sollicitudini consulatur, & uxoris desiderio parebitur.

SUM.

S U M M A R I A.

I. Eurematici *hujus intellectus unde pendeat.*

1. *Differentia ejus cum precedenti.*

II. Maritum dotis dominum esse, & quatenus.

1. Imaginarium quodammodo esse hoc dotis dominium : & tamen nobiles & eximios effectus producere ; quales apparent
2. In rei vindicatione & actione Pauliana :
3. In restitutione dotis , soluto matrimonio :
4. In servi dotalis manumissione :
5. Denique olim etiam in alienando fundo dotali Italico.
6. Verum nec absolutum nec perpetuum esse mariti dominium.

III. Uxor quo intuitu dotis domina dicatur.

1. *Quanam mariti dominium , constante matrimonio , absolvant :*
2. *Nam vel eo tempore quandoque mulierem dominam haberi ;*
3. *Ut in thesauro , in fundo dotali invento :*
4. *Item , in periculo dotis.*

74 *Henrici Brenkman, J.Cti,*

5. *Imp. Justinianum ulterius perrexisse, dando mulieri ipsam rei vindicationem, qua dotem repetat.*

6. *Idque tam in aestimata, quam in aestimata: quod absurdum.*

7. *Quin hic Imperatorem à se ipso dissentire.*

IV. *Applicatio ante dictorum ad propositam speciem.*

1. *Servum dotalem hoc loco in aestimatum accipiendum esse.*

2. *Eo herede instituto, quid juris?*

3. *Hereditatis emolumentum ad mulierem pertinere; & quare.*

4. *Disertum Juliani eâ de re testimonium.*

5. *Aliquando tamen id fallere, ex Ulpiano probatum.*

6. *Idemque & in servo usufructuario observari.*

7. *L. 65. ff. d. Jure Dot. quæ jam dictis obstare videbatur, suspicione liberata.*

8. *De figura Liptotes remissive.*

9. *Conclusio.*

V. *Additionem hereditatis servo dotali delatæ in arbitrio mariti esse.*

1. *Duplex adversus eam sententiam difficultas.*

2. *Responsio ad priorem.*

3. *Jus Civ., constante matrimonio, neminem præter*

de EUREMATIC. Diatr. C.V. 75

præter maritum dotis dominum agnoscere :

4. *Hereditatis autem acquisitionem actum merè civilem esse.*
5. *Transitus ad posteriorem difficultatem.*
6. *Durum videri, hanc rem ad muliorem non pertinere.*
7. *Sed tamen interim omnem revera duritiem à parte mariti existere.*
8. *Testimoniorum seges :*
9. *Ad stipulantibus insuper Juris principiis.*
10. *Afferitas Juris Civilis hoc in casu ; eademque ad leoninam quandam societatem rem redigens ;*
11. *Et in ipsam aequitatem incurrens.*

VI. Eurematici hoc in casu summa necessitas.

1. *Verba Modestini, quibus id describitur.*
2. *Contentum ejus.*

VII. Franc. Duareni in hoc Modestini Eurematicum censura acrior.

1. *Jurisconsultus noster Duareni accusatione absolutus ;*
2. *Ipsâ calculum addente communi utilitate,*
3. *Quam nec ille dissimulare potest :*
4. *Quin & priorem consilii istius partem in aliis quoque negotiis ab ipso commendari.*

VIII. Occurritur novæ difficultati
ad-

adversus posteriorem *Eurematici*
partem *movendæ*.

1. *Speciosa illius adornatio.*
2. *Jurisconsulti scopus in Cavendo.*
3. *Incommoda, si objectioni isti largiamur :*
4. *Eaque omnia per propositum Modestini remedium superata.*
5. *Hodie minus metuendum esse marito, ex lege Justiniani.*

- I. **P**ulcherrimi hujus Inventi intellectus totus
dependet a cognitione *dominii maritalis*
in dotem, & quid circa illud *Juris Civilis*
I. apices statuerint. Ut adeo, quemadmodum
præcedenti capite in *dote constituenda* versa-
bamur, ita hîc præcipuus *constituta dotis*
effectus lustrandus veniat.
- II. Qua in parte observare debemus, maritum
vulgò dotis dominum & dici & haberi, *pr.*
Inst. Quib. alien. lic. l. Si prædium 23. C. d.
Jure Dot. dotemque ipsam modis transferen-
di dominii annumerari, §. *Per traditionem*
40. Inst. d. Rer. div. & acq. ear. dom. & c.
I. *Quotiens 47. §. ult. D. d. Pecul.* & tamen
interim totum illud dotis dominium imagi-
narium quodammodo esse, & in universum
fictione *Juris Civilis* sustineri : neque vero
eo minus nobiles admodum & eximios effectus
pro-

- producere. In his est, quod maritus statim post traditionem, rei dotalis vindicandæ facultatem accipit adversus quosvis, *l. Doce ancillam 9. C. d. Rei vind.* aut cum res aliena in dotem data est, ejusque possessionem, usucapione nondum impleta, amisit, Publiciana experiri potest, per *l. Sunt & alia 3. §. 1. D. d. Public. in rem act.* Præterea, si dos ante nuptias constituta sit hac lege, *ut statim viri fiat & nuptiæ non sequantur*, quod tamen eo in casu mulier non nisi conditionem habet, *l. Dotis 7. §. 3. D. d. Jure Dot.* Uti similiter, quod soluto matrimonio ad repetitionem dotis non vindicatione utitur, sed tantum personali aliqua actione, puta rei uxoriæ, aut ex stipulatu, *§. Fuerat antea 29. Inst. d. Act.* idque vel adversus heredes mariti, ad quos unâ cum universitate dominium dotis transit, *l. 1. §. 1. π d. Fund. Dotal.* Denique quod maritus servum dotalem manumittere potest irrequisito uxoris consensu, *l. Et si dotis 3. C. d. Jure Dot.* Potuit quoque olim vi hujusce domini fundum dotalem Italicum alienare; in tantum, ut Lex Julia necessaria fuerit, quæ ipsi fibulam imponeret. Non enim dominium illud, quod maritus accipit, absolutum aut perpetuum est, sed relationem habet ad matrimonium, ejusque onera.
- Unde, si ad tempus constitutæ dotis attendimus

dimus, ipsiusque matrimonii, maritus dotis dominus est; sin vero exitum respicimus, quod scilicet dos quandoque restituenda est, uxor domina habetur, *l. In rebus 30. C. d. Jure Dot.* Interim tamen, quamdiu constat matrimonium, reverâ dominus est, & si dominium hocce ab eo recessurum sit, per e.

1. *Non ideo minus 66. D. d. Rei vind.* Verum an ad omnem dominii finem aut effectum? Ne putes: sed tantum ad eum, qui fructuum acquisitione terminatur, ut inde sustineantur matrimonii onera; qui dotis finis est *l. Dotis 7. D. d. Jur. dot.* Itaque habet eo intuitu administrationem & vindicationem & cætera media, quæ ad fructuum perceptionem tendunt. Si quis alius dominii effectus est, mulier dotis domina erit, etiam constante matrimonio. *l. Servum dotalem 21. in fine D. d. Manumiss.* Sic si maritus thesaurum invenit in fundo dotali, in alieno, id est, mulieris eum invenisse intelligitur. neque enim thesaurus in parte fundi est, multo minus in fructibus, *l. Si fundum 12. ff. b. t. Solut Matrim.* Quo intuitu proinde recte constitutum in *l. Quamvis 79. D. d. Jure Dot. Quamvis in bonis mariti dos sit, mulieris tamen esse: idque eo verius,*
4. si ad exitum respicimus, ut dictum. Quare etiam dos est periculo uxoris, cum maritus tan-

tantum præstet dolum, culpam latam & levem, *l. In rebus dotalibus 17. ff. d. Jure Dot.* Quin immo Imperator Justinianus, qui passim fæminis favet in jure, veteris, ut ait, juris argutias & cavillationes respuens, ipsam vindicationem uxori tribuit ad res dotales, soluto matrimonio, recuperandas. Qua de re ita ratiocinatur, *Non enim, quod legum subtilitate transitus dotis in patrimonium mariti videatur fieri, ideo rei veritas deleta aut confusa est, d. l. In rebus 30. C. eod.* Quod quamvis in dote inæstimata, de qua hic agimus, ferri aliquatenus posset, illud tamen valde absonum est & juris principiis repugnans, quod Imperator dicto loco vindicationem mulieri concedit tam æstimatarum rerum quam inæstimatarum, cum utique æstimatæ res ubivis quantitatum loco habeantur, & in omnibus quantitatum contractibus dominium plenissime transeat. Sic inter alia de dote hoc diserte affirmant *ll. 14. 15. 16. 17. §. 1. &c. D. d. Jure Dot.* Immo, quod valde notabile est, ipse Imperator quoque in *l. unic. §. Et cum Lex. Julia. 15. C. d. Rei ux. act.* quæ vel post *d. l. 30. C. d. Jure Dot.* lata est. ut adeo hic sibi ipsi dispar videatur. Sed præfationum jam satis est: eamus in rem præsentem.

Postquam itaque vidimus, quid juris Veteres

5.

6.

7.

IV.

teres maritis in rem dotalem tribuerint, in tantum, ut vel dotis dominos eos facerent, & quam egregie hoc Juris Civilis figmentum subinde temperatum sit, maritali licentiæ frænis injectis, ea, quæ hæcenus dicta sunt ad propositam speciem applicemus. Ait autem Modestinus. *Servus dotalis heres ab aliquo institutus, mariti jussu vel adire vel repudiare debet*

1. *hereditatem.* *Servum* autem dotalem hîc accipe inæstimatum. nam in æstimatum hujusmodi inspectio non cadit, ut monui, & plenius videre est in *l. Si mancipia 18. D. d. Fur. Dot. junct. l. Si mulier 21. D. d. Pact. Dotal.* Is ergo servus dotalis inæstimatus heres ab aliquo institutus *mariti jussu vel adire vel repudiare hereditatem* debere dicitur. Sed cui? Uxori scilicet, quoniam aditio hereditatis in fructu non est; quæ autem in fructu non sunt, in his non maritus, sed uxor dotis domina habetur, seu, quod idem valet, ea non marito, sed uxori acquiruntur. Nec est, quod jactis
- 2.
- 3.
4. supra fundamentis credas, utrumque in *l. 45. pr. & §. 1. ff. d. Acquir vel omitt. her.* tam diserte dicitur, ut non possit disertius. Ait enim Julianus, *Aditio hereditatis non est in opera servili.* Idcirco, si servus dotalis adierit, actione de dote eam hereditatem mulier recuperabit; quamvis ea, quæ ex operis dotalium acquiruntur, ad virum pertineant. Videre,

den', quod dixi, verum esse? Et tamen semper verum esse, cave credas. Potest enim evenire, ut in gratiam mariti heres sit institutus, atque eo casu non uxori, sed marito acquiritur hereditas. Audi ipsum Ulpianum in *l. Hinc queritur* §. 1. *D. de Pecul. Potest*, inquit, *esse apud me duplicis juris peculium: ut puta servus est dotalis: Potest habere peculium, quod ad me respiciat: potest & quod ad mulierem. Nam quod ex re mariti quasiit, vel ex operis suis, id ad maritum pertinet: & ideo si respectu mariti heres sit institutus, vel ei legatum datum, id eum non debere restituere, Pomponius scribit.* Idemque circa servum usufructuarium elici potest ex *l. Si quis* 24. *junct. l. seq. D. d. Usufruct.* Debet ergo servus dotalis aut dominæ intuitu, aut certè simpliciter institutus esse, ut hereditas mulieri acquiratur. Quod autem in *l. Si Legato* 65. *D. d. Jure Dot.* dicitur eam demum hereditatem, soluto matrimonio, reddendam mulieri, quam testator noluit ad maritum pertinere, per liptoten intelligendum est, pro quam non diserte voluit ad maritum pertinere. Similis locutio est in *l. In fraudem* 15. §. 1. *D. d. Testam. Milit.* in primis vero in *l. Furiosa matris* 4. *π. D. Curat. furios.* & *al. ext. min. dand.* hancque figuram Rhetorices, qua plus dicitur, quam significatur, etiam apud

Virgilium aliosque probatos auctores reperiri, Cl. Antecessor G. Noodt in tractatu suo longe elegantissimo, qui *Julius Paulus* inscribitur, cap. 7. observat. Manet ergo verum, etiamsi simpliciter institutus sit servus, mulieris tamen emolumentum esse.

- V. Et tamen, quanquam mulieris hîc dominium vertitur, servum illa dotalem jubere non potest, ut vel adeat, vel repudiat, sed hoc unice mariti arbitrio relinquendum est.
1. Cur ita? cum utique dominium maritale cedat hic juri mulieris, & præterea de ipsius tantum aut commodo aut periculo tractari videatur. Quod ad prius dubium, respondemus, mulieris dominium naturale quidem esse (unde nec satisfactione fundi dotalis oneratur, quasi æque possideat ac maritus, *l. Sciendum est* 15. §. *si fundus D. Qui satisf. cog.*) attamen Jure Civ. præter maritum neminem alium dotis dominum agnoscî: præsertim vero, si Modestini ætatem consideramus, qua nondum vindictio post solutum matrimonium mulieri concessa fuit. Nam quodcumque in Pandectis de mulieris patrimonio dominiove dicitur, ad effectum finemque solummodo respicit, ut ostendimus.
 4. Accedit, quod hereditatis acquisitio merè civilis est, cum sit unus è modis acquirendi domini Jure Civili. Quoniam autem duo simul

simul ejusdem rei domini esse non possunt,
 & memoratum jus maritum dotis dominum
 agnoscit, sequitur necessariâ consequentiâ,
 actum hunc civilem ab alio, quam a marito,
 celebrari non posse. Hoc itaque dubio re- 5.
 moto, alterum aggredior, quod positum est
 in adeundi repudiandive arbitrio. Et sane 6.
 durum & incongruum videri potest, rem
 hanc ad mulierem non pertinere (sicut revera
 non pertinet) quum tamen ad eam omnia
 hereditatis, servo dotali delatæ, bona unice
 respiciant. Verum ne existimes mulieri hoc 7.
 Juris Civilis tenore injuriam fieri; magis est,
 ut mariti sortem commiscere, utpote ad
 quem sub honorifica illa domini specie omne
 onus & periculum ex aditione repudiatione-
 ve redundat, nullo inde commodo apud eum
 remanente. Nam non tantum, ut Julia- 8.
 nus ait, in citata l. 45. §. 1. D. d. *Acquir.*
vel omittend. hered. si servus dotalis adierit,
actione de dote eam hereditatem mulier recupe-
rabit: item Pomponius in d. l. 65. D. d. *jure*
Dot. Si legato aut hereditate aliquid servo do-
tali obvenit, id soluto matrimonio reddendum
est mulieri: verum eo amplius, quemadmo-
 dum noster definit, aut facile repudiando,
 aut temere suscipiendo incognitam successionem,
 dotis judicio uxori sue obligatur. Et hoc qui- 9.
 dem jubentibus ipsis juris principiis. Etenim

cum maritus in re dotali præstet dolum, culpam latam & levem, ut monuimus, idem quoque ipsum in accessorio dotis, quod se per modum partis habet, præstare debere certum est. vide omnino *l. Si marito* 31. §.

10. *ult. ff. h. t.* Adeoque, re benè perpenſa, totum negotium huc redit, ut uxor omne commodum percipiat absque ullo damni metu, in maritum contrà omne periculum derive-
tur sine ulla spe lucri. Quod quam prope ad leoninam quandam societatem accedat, quis non animadvertit? ni eâ tanto pejor sit, quanto inter divini humanique Juris con-
11. sortes præ sociis arctior conjunctio est. Profecto *ὀφθαλμοφανὴς* incurrit in decantatum illud æquitatis axioma, *Secundum naturam est, ut commoda cujusque rei cum sequantur, quem sequuntur incommoda*, *l. 10. D. d. R. J.* Silco quàm periculosa plenum alex sit adire aut repudiare hereditatem.

- VI. Itaque Juris Civilis asperitas, dicam an absurditas hac in parte, eò rem redegit, ut diligentissimè noster remedium circumspexerit, quo intolerabilem istam stricti juris duritiem commode eluderet. Invenit quoque tandem longe argutissimum *εὐρημα*, quod
1. verbis sequentibus continetur. *Sed ne maritus, inquit, aut facile repudiando vel temere suscipiendo incognitam successionem, dotis*
judicio

judicio uxori suæ obligetur, consulendum est (marito videlicet) mulierem coram testibus interrogari, utrum velit omittere an acquirere hereditatem : & si repudiare se dixerit, facile mariti jussu repudiabit : quod si hereditatem agnoscere maluerit, reddendus est à marito servus uxori, ea conditione, ut, cum jussu ejus adierit, rursus marito retradatur. Ita & mariti sollicitudini consuletur & uxoris desiderio parebitur. Ergo Eurematici hujus summa in eo consistit, ut, si mulier hereditatem aditam vult, maritus dominium suum civile in servum uxori pro momento resignet, cum in finem, ut ipsa sic pleno jure domina facta facultatem habeat hereditatem suo nomine adeundi. nam, si repudiare parata est, ambage ista non est opus; facile mariti jussu repudiabit.

2.

Non me latet, Francisco Duareno, viro doctissimo Inventum illud nimis audax videri, immo nec juri nec rationi satis consentaneum; tum quia dos constante matrimonio non recte solvitur, l. unic. C. Si dos const. matrim. tum etiam quia talis momentanea datio dominium non transfert, l. Qui sic solvit, 55. D. d. Solvitur. Sed bonâ cum veniâ celeberrimi Duareni dixerim, non tantas mihi difficultates apparere, dum oppositæ leges de vera & seria solutione traditioneque agant, hoc autem lo-

VII.

I.

- co sit fictio quædam, qua subtilitati Juris
2. Civilis utiliter fraus sit. Et sic multa contra rationem disputandi pro utilitate communi introducta sunt, l. 51. §. 2. ff. ad. L. Aquil.
 3. Sed & ipse vir doctissimus, non obstantibus illis, quas ait, absurditatibus, utilitatem hujusce Cautelæ agnoscere compellitur. Subjicit enim in continenti, *Sed hoc adinventum est utilitate suadente, contra subtilitatem juris, quod hac ratione sine incommodo cujusquam consulatur marito.*
 4. Amplius primam consilii a Modestino dati partem etiam in aliis rebus commendat, his verbis, *Hoc consilium cautioque Modestini utilis est, non tantum marito, sed aliis etiam, qui negotia aliena gerunt, ut in talibus negotiis, qua periculosa captiosaque sunt, domini voluntas consensusque requiratur.* vide *Comment.* illius ad h.l. idemque & glossæ hoc loco monent.

- VIII. Restat adhuc unus scrupulus, qui forte contra posteriorem Eurenatici hujus partem moveri posset, quem itidem pro virili removebo. Videlicet cur non, ut in repudiando, ita etiam in adeundo Modestinus peræque mariti jussu, uxoris testificatione corroboratum, sufficere censuerit: sic enim resignatione illa dominii & momentanea juris sui renunciatione, quæ præstantissimum Duarenum offenderunt, opus non fuisse. Sed
scien-

sciendum est, Jurisconsultum nostrum maritum non solum de damno securum reddere, verum etiam omni ejus sollicitudini mederi voluisse; ut vel in fine legis totidem verbis profitetur. Quod si enim servus jussu mariti hereditatem adierit, ipse maritus per eum heres efficietur; tenebiturque adeo creditoribus hereditariis, à quibus, etiam restitutâ dote, inquietari semper poterit. Nam certissimi juris est, eum, qui semel heres est factus, licet omnia bona hereditaria alteri tradat, Jure Civili nihilominus pro herede haberi. At vero cum mulier, ut vult Modestinus, suo jussu per servum adit, ipsa heres efficitur, & sic maritus nihil prorsus incommodi ex tali aditione percipit. Jure tamen novo non ita metuendum est marito, dum lex Justiniani heredi consulit, ut cum *beneficio inventarii* hereditatem adire possit, etiam incognitam. *l. ult. §. 2. C. d. Jure Deliberandi.*

CAPUT SEXTUM.

Ad L. Si tutor 9. D. de Suspect.
Tutoribus.*MODESTINUS Libro Singulari
de EUREMATICIS.*

*Si tutor aliquo vinculo necessitudinis,
vel adfinitatis pupillo conjunctus sit,
vel si patronus pupilli liberti tutelam
gerit, & quis eorum à tutela remo-
vendus videatur, optimum factum
est, curatorem ei potius adjungi,
[quam eundem] cum notata fide &
existimatione removeri.*

SUMMARI A.

I. *Novum Eurematici genus.*

- I. *Honestatis curam Jurisconsulto cordi esse
debere.*

II. *Casus Legis, ejusque qualis qualis
enarratio.*

- I. *Scopus Modestini;*

2. *Qui*

de EUREMATIC. Diatr. C. VI. 89

2. *Qui & aliis in locis reverentiam erga consanguineos & patronos commendat.*
3. *Occasio hujus inventi.*
4. *Nequitias tutoria & pietas pupilli inter se collata, hancque illâ majorem desiderari.*
5. *Quin & affinium fama parcendum monet auctor.*
6. *Ratio hujus rei à præcepto Servatoris haud aliena.*

III. Ulpiani ἐναυλιοφάωνες expositum.

1. *Mens ejus interpretatione adjuta.*
2. *Crisi hic nihil opus esse.*
3. *Argumentum ex ipsa lege nostra.*

IV. Substantia hujusce Eurematici & dotes.

1. *Verba Modestini.*
2. *Varix lectiones duobus in locis; sed qua sensum non morantur.*
3. *Cur hic curatoris mentio fiat, non autem novi tutoris.*
4. *Curatorem habenti alium superaddi posse ex ipso Modestino probatum.*
5. *Fallere id in eo, qui tutorem habet; ejusque differentia ratio.*
6. *Solam hic Juris Civ. offensionem evitari, at re ipsa nihil interesse:*
7. *Nec pupilli tantum, sed & tutoris respectu.*

V. *Obiectio bimembris.*

1. *Responsio ad priorem partem.*
2. *Eademque Cujacii judicio suffulta.*
3. *Evidens ex inscriptione solutio ob copiam probationis neglecta.*
4. *Vis secundæ objectionis ex §. 2. Instit. de Susp. Tutor.*
5. *Contradictoria in illo §.*
6. *Ut suspectum remove quid proprie sibi velit.*
7. *Assensus Theodori, Græci Interpretis.*
8. *Honorem in delictis à Judice præservari non posse.*
9. *Quid multis? incongruum in d. §. 2. ἐμῆλημα, seu potius ἐπίβλημα reperiri.*
10. *Immo tam manifestum, ut vix Triboniano affingi possit; & tamen perantiquum.*
11. *Probabilis hujus glossæ occasio.*
12. *Esse autem ἐπίβλημα etiam ex archetypo demonstratur.*
13. *An verò tale sit, ut servari queat, lectoris arbitrio relinquitur.*
14. *Ferri adhuc posse, si verba ut suspectus abessent.*
15. *Tunc enim fore ut qualem qualem ex Papiniano sensum acciperet.*
16. *Et tamen Modestini εὐρημα præ dicto Papiniani remedio præferendum videri.*

VI. Conclusio ex antecedentibus.

1. *Non obstante hoc Modestini fragmento legitimos tutores rectè adhuc suspectos postulari.*
2. *Ulpiani temperamentum in patrone alterius, quam à quo accusatur, tutelam gerente.*

Hic se novum Eurematici genus offert, I.
 quod æque elegans, æque pulchrum observatu est. Est autem ab eo, quod honestum est, desumptum; sicut multa in jure ad honestatem humanitatemque tendunt. Nam & hujus rei curam Jurisperitus ante omnia sibi demandatam scire debet, idemque in primis ex subjecta specie quàm clarissime innotescet. I.

Proponit autem Modestinus hoc cap. tutorem vinculo aliquo necessitudinis vel adfinitatis pupillo junctum, aut etiam patronum, qui liberti sui impuberis tutelam gerit; hunc porro tutorem, sive adgnatum sive patronum, non ex fide bona tutelam administrare, atque ideo ab illa removendum videri; monetque eo in casu, optimum factum esse, curatorem ei potius adjungi, quam eundem cum notata fide & existimatione removeri. Et hæc proprie sunt, quæ impræsentiarum nobis enucleanda incumbunt. Videlicet consulit hic I.
 noster

- noster famæ & exultationi eorum, quibus propter sanguinis reverentiam aut acceptæ libertatis beneficium varia in jure privilegia indulta sunt. quæ de re præter ea loca, quæ ad
2. hanc legem vulgo citantur, etiam *l. Generaliter* 13. & *l. ult. ff. d. In jus voc.* unà cum *l. Alimenta* 6. §. 1. *ff. d. agnosc.* & *al. lib.* inspicere possunt, quæ & ipsæ Modestinum autorem habent: ut adeo ea res nostro singulariter cordi fuisse videatur.
 3. Quum igitur circa suspecti accusationem in his personis regulæ juris deficient, per *l. 1. §. ostendimus D. h. t.* atque ibi tamen quam maxime nomen & honos accusati periclitetur, merito etiam hoc in casu moderationem adhibendam censuit.
 4. Etenim verum quidem est, nihil turpius committi aut magis foedum, quam tenellam ætatem, quæ fidei tuæ commissa est, & cujus tuitionem adversus aliorum injurias susceperis, ipse proderet; præsertim verò, si is fueris, quem hoc minime omnium decebat: nam sic scelus geminata crescit necessitate: Sed & hoc verum est, cum pupillus alia ratione à patrono aut consanguineo securus esse possit, quicquid ultra molietur vindictam sapere; hancque eo minus dignam, si quis palam prostituit personam ejus quem aut natura aut beneficium illi parentis loco esse voluit, per *l. Liberto* 9. §. *d. Obseq. parent.*

rent. & patron. præst. Quid si ergo affinis fuerit, aut talis consanguineus, qui ulteriore gradu distat, quam ut reverentiæ ratio hic impedimento esse possit? Sed & illi parcendum monet Modestinus, qui modo aliquo vinculo necessitudinis vel adfinitatis pupillo conjunctus est. Et in eo videtur mihi malum pro malo retribui noluisse; quod satis pium sanctumque est & proxime accedens ad præceptum Servatoris nostri, Matthæi c. 5. vers. 43. & 44.

Verum, hisce positis, mirum quid Ulpianus in d. l. 1. §. 5. ff. h. t. cum tantum patrono parcendum scribat, aliorum non meminiscatur. Nempe id ita interpretandum est, ac si scripsisset, etiam patrono parcendum esse, præter scilicet cognatos & affines, de quibus nulla erat dubitatio. Et sic plurima in Jure capita occurrunt, in quibus itidem vox etiam per interpretationem supplenda est: nam crisi hic nihil opus. Inter ea vero nullum manifestius, quam l. Si aliena 10. D. d. Usucap. & Usurp. collata cum l. Sed etsi 7. §. ult. D. d. Public. in rem act. Cæterum de cognatis & affinibus nullam Veteribus dubitationem fuisse etiam textus noster arguit, dum Modestinus illos priori loco memorat, tanquam quos principaliter hoc tangat.

Sed jam ipsum illud remedium, quod pupillis

- pillis loco accusationis suppeditat, aliquanto proprius intueamur. Vult autem legitimo tutori aut patrono *curatorem potius adjungi, quam eundem notata fide & existimatione removeri.* Variant hic codices. alii enim habent, *cum notata fide & existimatione*: alii rursus, *cum nota fidei & existimationis*. Sed utcunque legatur, sensus est rotundus ac plenus. Similiter pro *Optimum factum est*, quod proxime antecedit, quidam legunt *Optimum factu est*. Verum & receptam lectionem probatissimæ latinitatis esse plenè Cujacius adstruit *Observat. Lib. XII. c. 32.* Adeoque hæc & similia, quoniam ad rhombum non faciunt, exiguo aut ferè nullo dispendio ignorantur.
3. Quod ad rem ipsam, mirari neminem oportet, *curatoris* hic mentionem fieri, non vero novi tutoris. nam vetus & pervulgata regula est, quod *Tutorem habenti tutor dari nequit*, §. *Interdum* §. *Inst. d. Curator.* item *l. Si sororis* §. *C. Qui dare tut.* secus ac in curatore obtinet. Nam *Curatorem habenti quominus alius curator detur*, *regula Juris non est impedimento*, ait Modestinus in *l. Venti* 20. §. 1. *D. d. Tut. & Cur. dat. ab his, qui &c.*
 5. Cujus rei hæc videtur ratio fuisse, quod potestas, adeoque & tutela, quæ vim ac potestatem continet, apud duos simul esse non potest, non magis quam dominium aut possessio:

sessio: At curæ principaliter nulla in personam potestas subest. Et hac de causa sæpius evenit, ut curator pupillo additus legatur. Nimirum hoc ideo tantum, ne subtilitas Juris Civilis offenderetur, cum re ipsa idem valeat, quod novus tutor veteri cæteroquin substituendus. Præterea tam arctè adstrictus est ad rationes reddendas, quam verus tutor. Ut appareat hoc remedio satis prospectum esse pupillis, nec magis potuisse, etiamsi tutor remoto substitutus foret. Sed & tutori quoque sic consulitur, qui adjuncto curatore famosus non fit, quia, licet fraudulenter versatus, tamen non est abire tutela jussus, l. Tutor. 3. §. ult. D. h. t.

Possem hîc commodè pedem figere, ni mihi cum illis negotium foret, qui hanc Modestini legem omnino obligatoriam esse contendunt, adeoque non solum non debere, sed nec posse quidem legitimum tutorem patronumve suspectum postulari, aut certe, si ut suspectus removeatur, famæ ipsius parcendum esse. Sic illi. Quod attinet ad primum objectionis membrum, vel solâ legis inspectione id corrui, dum sermo illius & phrasæ tam perspicue Eurematicum, hoc est, consilium, suasionem inducant, quam usquam alibi, non meo tantum, sed & ipsius Cujacii judicio, dicto Observat. Lib. XII. c. 32.

Quam-

3. Quamobrem ne necesse quidem est, ut hîc inscriptionem fragmenti in patrocinium advocem. præsertim vero, cum in *d. l. 1. §. 5. h. t.* perspicue dicatur, *legitimum* quoque
4. *tutorem accusari posse.* Magis me turbat altera pars objectionis, propter §. *Ostendimus 2. Inst. h. t.* cujus finalia aperte dicunt, *fama patroni parcendum esse, licet ut suspectus*
5. *remotus fuerit.* Neque tamen huic ego definitioni acquiesco. nam penitius rem considerante contradictoria mihi videntur, aliquem ut suspectum removeri posse, & simul famam ipsius fartam tectam servari. Quum enim suspectus dicatur is, *qui non ex fide tutelam gerit*, §. *Suspectus autem Inst. h. t.* quid aliud est ut suspectum *removere*, quam declarare aliquem, quantum in se est, abruptissè vinculum humanæ societatis, dum eum, cujus causam omnes leges omniæque jura ut publicam tuentur (*epistola D. Severi*, quam exhibet noster in *l. 2. §. 2. D. Qui per. tut.*)
6. palam prodidit? Atque idem Theodorus, quoque, græcus Interpres, ad *l. Si creditores 31. D. Reb. auct. Jud. poss.* sensisse videtur, cum ait, Ο' ἐπίτροπος ὑποπλῆς φανεῖς καὶ ἀποκινεῖται τῆς ἐπίτροπῆς καὶ ἀτιμᾶται, Tutor, qui suspectus apparet, *removetur à tutela & fit infamis*: ac paulo post, κατὰ τῆτο ἄλλως ἢ κρίνεται ὑποπτῶς, εἰ μὴ ἐστὶ δολερῶς *enimvero*

vero aliter non judicatur suspectus, nisi fraudu-
 lentus sit. Quapropter non video, qua ra- 8.
 tione iudex huic magis honorem præservabit,
 quam *Præses efficere potest, ne furti damnatum*
infamia sequatur, juxta l. Non poterit 63. D. d.
Furt. nam hujusmodi protestationes, actui
 contrariæ, in jure nihil operantur; præter-
 quam, quod facti quidem questio in arbitrio
 est judicantis: pœna vero persecutio legis aucto-
 ritati reservatur, ut pulcherrimè quondam ex-
 cellsi ingenii homo Papinianus respondit, re-
 ferente Marciano in l. 1. §. *Quorum alteru-*
trum 4. D. ad Senatuscons. Turpill. Quæ cum 9.
 ita sint, quid tandem faciemus Imperatori
 nostro, cum in d. §. 5. *Inst. h. t.* dicit, *fame*
patroni parcendum esse, si ut suspectus remotus
fuerit? Profecto (ne quid dissimulem) locus
 mihi glossematis suspectus est, posterioraque
 verba *licet ut suspectus remotus fuerit*, adventi-
 tia esse videntur. Quamvis autem Triboni- 10.
 niani cento haberi posset, quoniam peranti-
 quus est, & in omnibus, quæ mihi hætenus
 inspicere contigit, MSS. ac editionibus assu-
 tus, tamen vix est, ut hanc illi sive insci-
 tiam sive imprudentiam affingere ausim: mal- 11.
 lem inconsulti cujusdam Commentatoris glos-
 sam haberi, qui, cum non probe intelligeret,
 quid sibi vellent proxime antecedentia, *quid*
si patronus? ejusmodi interpretationem pro
 G captu

- capitu suo in margine adjecerit, hancque dein
 12. in textum irrepsisse. Certè ἐπιβλημα sive
 adjecctionem esse, cò confidentius asseverâ-
 rim, quia in archetypo, unde §. ille κατὰ
 πρόβα descriptus est, hoc est, d. l. 1. §. 5. ff. h. t.
 suspecta periodus plane non reperitur; quod
 & Russardi & Charondæ editiones verbulo
 13. annotant. Jam autem an incongrua & im-
 portuna adjectio sit, an vero talis, quæ cum
 ratione Juris & Veterum auctoritate concilia-
 14. ri queat, ipse lector dijudicet. Illud quo-
 dammodo ferri posset, si simpliciter glossa-
 tor, quisquis ille fuit, addidisset, *licet remo-*
tus fuerit; tunc enim etiamnum ex l. *Hæc*
enim 4. §. 2. ff. h. t. qualem qualem inter-
 15. pretationem acciperet. Scilicet ibi modo lau-
 datus Papinianus aliud remedium comprobat,
 quo fama tutoris removendi conservetur, ut-
 pote cum prætor *causam remotionis decreto non*
significat: quorsum etiam postrema legis no-
 stræ verba respicere verosimile est, dum non
 de nuda & simplici remotione, sed quæ *no-*
 16. *tata fide & existimatione* fit, loquantur. Vi-
 detur autem Modestinus hoc suum consilium
 prætulisse, quia in remotione, licet simplici,
 existimatio tamen remoti apud bonos & gra-
 ves viros sugillatur; at non ubi curator ei ad-
 jungitur, quod variis de causis, etiam ho-
 nestissimis, accidere potest. unde & in d. l.

Tutor §. ult. h. t. curatorem adungere, & ex remotione suspectum fieri, sibi opponuntur.

Nihil ergo restat, quam ut ex præmissis concludamus, suaderi hîc tantum & præcipi à Modestino, quæ virum bonum & egregium decent. Quod si quis ferocioris aliquanto indolis existat, aut nimia injuria laceratum se putet, poterit adhuc tuto rigore Juris uti, & vel proximum agnatum patronumve suspectum postulare, ex citata sæpius l. 1. §. 5. h. t. Et tamen si libertus patronum suum alterius tutelam gerentem suspectum facere velit, potest quidem (nam quasi publica hæc accusatio est) veruntamen melius est libertos ab accusatione repelli, ne in ipsa cognitione gravius aliquid emergat: cum utique hoc aliis omnibus pateat. Nam & talis Ulpiani Cautela existat in l. Tutor quoque §. 1. ff. h. t.

VI.

1.

2.

CAPUT SEPTIMUM.

*Ad L. Jam hoc jure utimur. 4. ff.
de Vulg. & Pupill. Substit.*

MODESTINUS [*Libro Singulari
de EUREMATICIS.*]

*Jam hoc jure utimur ex D. Marci &
Veri Constitutione, ut cum pater
impuberi filio in alterum casum
substituisset, in utrumque casum
substituuisse intelligatur: sive filius
heres non exstiterit, sive exstiterit &
impubes decesserit.*

§. 1. *Quod jus ad tertium quoque genus
substitutionis tractum esse videtur:
Nam si pater duos filios impuberes he-
redes instituat, eosque invicem sub-
stituatur, in utrumque casum recipro-
cam substitutionem factam videri,
D. Pius constituit.*

§. 2. *Sed si alter pubes, alter impubes
hoc communi verbo, EOSQUE*

IN-

INVICEM SUBSTITUO, *sibi fuerint substituti: in vulgarem tantummodo casum factam videri substitutionem, Severus & Antoninus constituit. Incongruens enim videbatur, ut in altero duplex esset substitutio, in altero sola vulgaris. Hoc itaque casu singulis separatim pater substituere debebit, ut, SI PUBES HERES NON EXSTITERIT, impubes ei substituatur; SI AUTEM IMPUBES HERES EXSTITERIT, ET INTRA PUBERTATEM DECESSERIT, pubes frater in portionem coheredis substituatur: quo casu in utrumque eventum substitutus videbitur, ne, si vulgari modo impuberi quoque substituatur, voluntatis questionem relinquat; utrum de una vulgari tantummodo substitutione in utriusque persona sensisse intelligatur: ita enim in altero utraque substitutio intelligitur, si voluntas parentis non refragetur: Vel certe evitandæ questionis gratia specia-*

liter in utrumque casum impuberi substituat fratrem, SIVE HERES NON ERIT, SIVE ERIT, ET INTRA PUBERTATIS AN- NOS DECESSERIT.

S U M M A R I A.

Sectio I.

I. *De propositæ Legis difficultate præfatio.*

1. Formularum *in substituendo* diversitatem *vexatissima inquisitionis esse:*
2. *Et tamen hic evitari minime potuisse.*
3. Auctoris *in hoc difficili propositum.*
4. *Ordo tractandi.*

II. *Historia Juris circa Substitutiones.*

1. Moribus *illas deberi, iisdemque perantiquis.*
2. *Prima Substitutionis origo ex L. XII. Tabularum.*
3. *Occasio ejus duplex.*
4. *Scopus Substitutionis.*

III. *Progressus Inventi istius ad bona impuberum filiorum.*

I. *Qua*

1. *Qua ratione.*
2. *Difficultas in verbis Decemviralibus interpretatione elusa.*
3. *Vestigia hujus interpretationis in antiquis substituendi formulis.*
4. *At eam confirmato Substitutionum jure, neglectam deinceps fuisse, aut certe dissimulatam: & quare.*

IV. *Necessitas dividendi Substitutiones.*

1. *Divisio earum in vulgarem & pupillarem, ejusque denominationis ratio.*
2. *Alias quoque in primum & secundum casum distinguere; & qua de causa.*
3. *Præter hos casus tertium non dari: ubi de reciproca Substitutione.*

V. *Formularum in substituendo varietas, & incommoda.*

1. *Exemplum in judicio Curiano, quod Ciceronis awo coram Centumviris habitum est.*
2. *Status questionis.*
3. *Q. Mucii argumentatio.*
4. *Contraria L. Crassi;*
5. *ejusdemque victoria. remissive.*
6. *Ornatus & concinnus Quintiliani de hac controversia locus.*
7. *Centumviralem decisionem non effecisse, quominus adhuc quidam in Q. Mucii sen-*

tenia perstarent.

8. *Exemplum hujus dissidii in l. 28. ff. d. Reb. auctor. Jud. poss. ex opinione Clar. G. Noodt.*

9. *Et quid illa contineat.*

VI. Paraphrasis d. l. 28. ff. de Reb. aut. Jud. poss. & summaria ejus expositio.

1. *Facti species.*

2. *Hominis in jure versati consultatio.*

3. *Rationes hæsitandi diligenter ab ipso propositæ; tum ab una parte,*

4. *tum ab altera. ubi crisis quedam.*

5. *Responsum Javoleni.*

6. *Restitutio ex veteribus Codd. eademque summe necessaria.*

7. *Ratio responsi.*

8. *Explanatio illius, & quedam quasi enarratio.*

9. *Aliter Jurisconsultum, salva ipsius rationatione & ipsis Juris principiis, intelligi non posse.*

10. *Sensus l. 42. ff. d. acquir. vel omitt. her.; sed obiter.*

11. *Occurritur objectionibus, distinctione facta.*

12. *Confirmatio responsi ex ipsius Consultoris verbis.*

13. *Conclusio.*

VII.

VII. *Necessitas datæ explicationis
ad conciliationem τῶν ἐναντιοφάνων.*

1. Antonii Fabri error hac in parte.
2. Palinodia illius, simul cum injuriosa adversus Tribonianum indignatione.
3. Temeraria ejusdem atque arrogans jactatio.
4. Hanc autem vel ex sola ætatis comparatione subsidere.
5. Ætas Javoleni.
6. Plinius & Capitolinus circa eam in concordiam redacti.

Sectio II.

VIII. *Incrementa & progressus juris
substituendi.*

1. *Quid hic D. Marci & Veri Constitutio
effecerit.*

IX. *De Constitutionibus Principum,
earumque effectu.*

1. *Olim inter eas sola Edicta vim Legis
obtinuisse?*
2. *Non item Decreta aut Rescripta.*
3. *Quanam ergo illorum vis ac potestas fue-
rit.*
4. *Demum jure Cod. Oracula Principum
sancta haberi cepisse.*

5. Justiniani hac in re exaggeratio.
6. *Quam anxie laboret, ut asseverationis sue fidem facere videatur.*
7. *Contrarium de Macrino testimonium:*
8. *Et modestia aliorum Imperatorum.*
9. *Argumentum ex Rescripto Alexandri, omni exceptione majus.*

X. *Ne ipsos quidem Jurisconsultos semper judicia Principum sequutos fuisse;*

1. *Et quo effectū.*
2. *Exemplum in D. Marci Constitutione circa compensationem.*
3. *Aliud in Decreto D. Antonini, circa computationem Legis Falcidia in jure ad-
crescendi.*

XI. *Decreta & Rescripta Principum quo pacto Jus generale constituerint.*

1. *Hasce autem Constitutiones usu appro-
batas esse, habitasque tantum pro actibus
judicialibus ad probandam consuetudi-
nem.*
2. *Quod exemplo Fideicommissorum ab Au-
gusto introductorum plenissime illustratur.*
3. *Idem aliquandiu adhuc obtinuisse Ul-
piani & Modestini testimoniis proba-
tur.*

XII. Eodem facere analogiam & usum phraseos hoc jure utimur, quæ in lege nostra occurrit.

1. Verbum uti consuetudini proprium; atque inde eam jus usu adprobatum, & usum longævum appellari.
2. Novum argumentum ex vario usu dictæ phraseos.
3. Ut autem consuetudo probatione indiget,
4. ita etiam in hac locutione testimonia citari triplici exemplo ostenditur.
5. Eâdem phrasi memoratos, qui consuetudini occasionem auctoritatemve prabuere.
6. Quin tam significanter eam adhiberi, ut interdum vox hodie adscripta inveniat; & inspecie bis apud Ulpian.
7. Eundem Ulpianum aperte rem decidere.
8. Denique & Cicero in partes vocatur, ut vel de latinitate hujus dictionis constet.
9. Conclusio.

XIII. Idem usus ratione Principum asseritur.

1. Prius exemplum in Decreto D. Pii.
2. Alterum de eodem D. Pio.
3. Quin & tertium de ipso.
4. Enarratio l. 49. ff. ad L. Falcid.
5. Ejusdemque hoc in casu ἐνέπρετα.
6. Quartum exemplum in Rescripto Hadriani.

XIV. De

XIV. *De auctoritate Jurisprudendum.*

1. *In judiciis eam & libellis allegari solitam.*
2. *Immo valuisse olim, etiamsi ratio non adderetur, teste Seneca.*
3. *Amplius & Juris Civilis nomen proprium ac peculiare ipsis factum esse.*
4. *Cura Principum in assentiendo celebriorum Jurisconsultorum sententiis.*
5. *Memorabilis casus in controversia Proculianorum & Sabinianorum, circa pactum adjectum, &c.*
6. *Utriusque schola argumenta.*
7. *Imp. Severum & Antoninum utrisque adfensisse.*

XV. *Scripta Jurisconsultorum cum Principum Constitutionibus collata.*

1. *Princeps an Jurisconsultus quid decernat, quoad jus non scriptum seu consuetudinem nihil differre.*
2. *Ejus rei ratio.*
3. *Immo commentaria Jurisconsultorum Rescriptis Decretisque passim præferenda videri.*
4. *Et si tamen interim multa præclara & egregia iisdem debeantur.*

5. *Quid*

5. *Quid revera de Rescriptis ac Decretis habendum sit.*
6. *Specimen ex l. 5. C. ad L. Jul. Majest.*
7. *Conjectura de his, quæ in Codd. relata non sunt.*

1. *Pulcher Capitolini de Macrino locus.*

XVI. *Quid si Principes probis ministris utantur, qui libellos agant.*

1. *Adhuc preferenda videri Jurisconsultorum commentaria, & quare.*
2. *Luculentum hanc in rem Scævola exemplum.*
3. *Prærogativa commentariorum præ Rescriptis Decretisque.*
4. *Item præ responsis quoque ipsorum Jurisperitorum.*
5. *Casaubonus in notis ad Capitolinum illustratus.*
6. *Responsa Prudentum κατ' ἐξοχήν.*

XVII. *De Codice Theodosiano, & peculiari quodam Hebræorum more.*

1. *Theodosii in colligendis Constitutionibus intentio.*
2. *Abusus earum, quam Causidicorum, tam ipsorum Judicum intuitu.*
3. *Nullam causam, iniquissimam licet, in tanta Constitutionum farragine patrocinio destitutam fuisse.*
4. *Mos*

110 *Henrici Brenkman, fCti,*

4. *Mos Hebræorum de non allegandis Synedrii decretis anterioribus.*

5. *Ratio illius instituti ex Maimonide.*

XVIII. *Deprecatio excursus aliquanto longioris.*

Sectio III.

XIX. *Transitus ad propositæ Legisexplicationem.*

1. *Quid de duabus Constitutionibus, quæ pr. & §. 1. h. l. continentur, censendum sit.*

2. *In his non temporis, sed consuetudinis rationem habendam.*

3. *Necessitas huius interpretationis.*

4. *Dilemma ex absurdo.*

5. *Neutrum cadere in Modestinum nostrum.*

XX. *Sensus verborum, Jam hoc jure utimur.*

1. *Disertissimus Marciani hanc in rem locus.*

2. *Quid eâ periodo Modestinus intenderit.*

3. *Emphasis vocula jam.*

XXI. *Objectio de liberiore Constitutionis interpretatione præcisa.*

1. *L. 3. C. Si min. se maj. an obstat.*

2. *Con.*

de EUREMATIC. Diatr. C. VII. 111

2. Constitutionis *appellationem per se generalem esse.*
3. Constitutionum Rescriptorumque *inter se reciprocatio.*
4. *Quin per Constitutionis vocabulum in* II *vix aliud quam Decretum aut Rescriptum intelligi posse.*
5. *Edicta quemadmodum olim fierent.*
6. *Eadem nunc Orationes Principum, nunc Senatusconsulta vocari.*
7. *Argumentum ἀποδεικτικόν.*

XXII. Contentum Constitutionis DD. Fratrum.

1. *Verba ejus.*
2. Sub expressa vulgari Substitutione contineri tacitam pupillarem, & *vice versa.*
3. Viglius Zuichemus & Ant. Faber *refelluntur. remissive.*
4. *Qua autem ratione sub expressa vulgari continetur tacita pupillaris,*
5. *eâdem, ni majore, sub expressa pupillari tacitam vulgarem contineri.*

XXIII. Substitutionum jus à D. Pio propagatum esse, & quomodo.

1. *Quid hic tertium genus substitutionis velit:*
2. *Et quem vulgo usum habeas. omnia remissive.*
3. Con-

4. *Mos Hebræorum de non allegandis Synedrii decretis anterioribus.*

5. *Ratio illius instituti ex Maimonide.*

XVIII. *Deprecatio excursus aliquanto longioris.*

Sectio III.

XIX. *Transitus ad propositæ Legis explicationem.*

1. *Quid de duabus Constitutionibus, quæ pr. & §. 1. h. l. continentur, censendum sit.*

2. *In his non temporis, sed consuetudinis rationem habendam.*

3. *Necessitas hujus interpretationis.*

4. *Dilemma ex absurdo.*

5. *Neutrum cadere in Modestinum nostrum.*

XX. *Sensus verborum, Jam hoc jure utimur.*

1. *Disertissimus Marciani hanc in rem locus.*

2. *Quid eâ periodo Modestinus intenderit.*

3. *Emphasis vocula jam.*

XXI. *Objectio de liberiore Constitutionis interpretatione præcisa.*

1. *L. 3. C. Si min. se maj. an obstat.*

2. *Con.*

de EUREMATIC. Diatr. C. VII. 111

2. Constitutionis *appellationem per se generalem esse.*
3. Constitutionum Rescriptorumque *inter se reciprocatio.*
4. *Quin per Constitutionis vocabulum in* Π *vix aliud quam Decretum aut Rescriptum intelligi posse.*
5. *Edicta quemadmodum olim fierent.*
6. *Eadem nunc Orationes Principum, nunc Senatusconsulta vocari.*
7. *Argumentum ἀποδεικτικόν.*

XXII. Contentum Constitutionis DD. Fratrum.

1. *Verba ejus.*
2. Sub expressa vulgari Substitutione contineri tacitam pupillarem, & *vice versa.*
3. Viglius Zuichemus & Ant. Faber *refelluntur. remissive.*
4. *Qua autem ratione sub expressa vulgari continetur tacita pupillaris,*
5. *eâdem, ni majore, sub expressa pupillari tacitam vulgarem contineri.*

XXIII. Substitutionum jus à D. Pio propagatum esse, & quomodo.

1. *Quid hic tertium genus substitutionis velit:*
2. *Et quem vulgo usum habeat. omnia remissive.*
3. Con-

3. *Contentum Constitutionis D. Pii.*

XXIV. *Cur D. Pii Constitutio post
eam demum, quæ DD. Marci &
Veri est, invaluisse videatur.*

1. *Imp. Pium paulo longius perrexisse.*

2. *Neque tamen interim Constitutionem
illius omnis frugis expertem fuisse; tum
DD. Fratrum,*

3. *tum Jurisconsultorum quoque relatio-
ne.*

4. *Quemadmodum & ipsa tandem usu re-
cepta fuerit.*

Sectio IV.

XXV. *Status quæstionis in §. 2. hu-
jus Legis.*

1. *Constitutio Severi & Antonini ad hi-
storiam Juris pertinens.*

2. *Modestini ea occasione Eurematicum.*

3. *Κρίσις hujus Eurematici.*

4. *Quod si quis illud negligat, an, &
quatenus illi memorata Constitutio ob-
stet.*

XXVI. *Objectio bimembris.*

1. *Et primo quidem auctoritas Imp. Severi
& Antonini objicitur.*

2. *Dein Constitutionum consonantia.*

XXVII.

XXVII. Ad priorem objectionem responsio.

1. *Aliud esse jure Pandectarum, aliud jure Codicis, & quid hoc ad rem nostram.*

XXVIII. Responsio ad posteriorem.

1. *Hanc objectionem satis speciosè elevari posse, idemque haud una ratione;*
2. *Sed argutiis nihil opus esse.*
3. *Ex ea Jurisprudencia, quam hodie superstitem habemus, ad Modestini ætatem negativè concludi non posse; & quare.*
4. *Evidens inde pro nostra opinione dubium.*
5. *Quo fato hoc Modestini fragmentum etiamnum superesse videatur.*
6. *Alia ratio ex natura consuetudinis.*

XXIX. Rem plenius ex contextu confirmari.

1. *Factæ argumentationis ratione subductâ, quid inde ad opinionem nostram reliquum fiat.*
2. *Modestino hic cum Imp. Severo & Antonino non convenire.*
3. *Fundamentum hujus divortii.*
4. *Eximium Ulpiani suffragium.*

XXX. Hæsitatio Interpretum & duplex eorum distinctio.

1. *Prior.*
2. *Alter.*

H

XXXI.

XXXI. *Rationes dissentiendi ab ip-
sis ordine propositæ.*

1. *Auctoritas doctissimorum Virorum quid valeat.*
2. *Nullum distinctionis vulgo desideratæ in-
diciū occurrere :*
3. *Uti nec voluntatis considerationem in
Rescripto Imperiali, quam itidem ur-
gent Interpp.*
4. *Ansa memorata distinctionis ;*
5. *Et quā lubrica illa sit.*
6. *Quid Rescriptum à Modestino allatum
operetur.*

XXXII. *Constitutio DD. Severi &
Antonini attentius ad examen
revocata.*

1. *Debiliorem hac in re Imperatorum ra-
tiocinationem videri.*
2. *Argumentum à contractibus.*
3. *Quin & in ipsa substitutione secus ob-
tinere.*
4. *Papiniani auctoritas heic valde empha-
tica.*
5. *Conclusio.*

XXXIII. *Modestini opinio itidem
accuratiori indagini submissa.*

1. *Aliud Modestino decidendi principium
fuisse*

fuisse & quale.

2. Favere ipsi naturam, reciprocae substitutionis.
3. Quod plenius adstruitur.
4. Certè nihil hic voluntate testantis imputandum.
5. Consensus regularum Juris.
6. Exceptio.

Sectio V.

XXXIV. Transitus ad refutandas aliorum de hoc loco explicationes.

1. Summa dicendarum.

XXXV. Prima distinctio inter expressam communem formulam & tacitam eversa.

1. Quid de illa habendum sit.
2. Verisimilitudine eam destitui.
3. Quin ab ipso Modestino refelli.
4. Conclusio cum demonstratione absurdi, quod in ea residet.

XXXVI. Sed & altera inter conjunctam formulam & distinctam seu separatam luxata.

1. Exegesis hujus argumenti, quod subtilius est, quam verius.

2. *Veterum in explicando methodum Modestino observatam fuisse.*
3. *Verba hoc itaque casu quam vim habeant.*
4. *Idem arguere rationem Modestini, & qualis illa.*
5. *Ex dicta Interpretum hypothesi nullam, ne verborum quidem, controversiam fore.*
6. *Disertus Fachinæi aliorumque adensus, de cætero in communi errore hærentium.*
7. *Quid, si refutata opinio procederet, à Modestino factum oporteret.*

XXXVII. *Probatur pluribus, diversum Imperatoribus decidendi principium fuisse ab eo, quod Modestinus sequitur.*

1. *Imperatorum pro sua opinione ratio.*
2. *Ea, qua Modestinus utitur.*
3. *Utrique in aciem producta.*
4. *Quemadmodum eas conciliare satagant Interpretes.*
5. *Conciliationis istius absurdum ex ipsa rei natura demonstratum.*
6. *Amplius nec Imperatores usquam voluntatis meminisse.*
7. *Postremo Jurisconsulti quoque disputationem ei repugnare.*

XXXVIII.

de EUREMATIC. Diatr. C. VII. II7
XXXVIII. Explanatio Constitutionis
Alexandri in l. 4. C. d. Impub.
& al. Substit.

1. Verba ejus.
2. Voluntatis conjecturam hic evidenter segregari,
3. & à verborum incongruentia distinguere.
4. Opportunitas hujus l. ob reciprocam in ea substitutionem, pariter ac in nostra.
5. Eo amplius consequentiam utrobique eandem reperiri.
6. Conclusio.

XXXIX. Hæreses jam antiquæ circa
scriptum & voluntatem, una
cum recapitulatione præceden-
tium.

1. 3. In testamentis præsertim dictas hæreses viguisse.
2. Quin & pueros in hoc disputandi genere à ludimagistris olim exercitatos.
4. Sed nunquam acrius hæc commissa esse, quam in substitutionibus, idque vel ab ipsis primordiis.
5. Hanc vero discordiam Crassi cum Scævola contentionem vehementer intendisse.
6. Elegans Ciceronis locus.
7. Alter ejusdem aque insignis.
8. Ipsam illam controversiam Scævola &

Crasso antiquiorem esse.

9. *Sed & deinceps per sectas propagatam.*

10. *Quo potissimum tempore Q. Mutii sententia labefactari caperit.*

11. *Quando eadem plenè succubuerit.*

12. *Novus casus de duobus imparibus, quibus communi formula substituitur.*

13. *Dubium hac in specie substitutionum jus, in quam partem sese inclinaret.*

14. *Posterioribus Impp. hic tandem Q. Mutii sententiam plenè probatam fuisse.*

XL. Necessitas Eurematici in hoc nostro casu.

1. *Forma illius & prescriptum.*

2. *Intellectus periodi, ne si vulgari modo impuberi quoque substituat.*

3. *Utilitas Eurematici, & quid omisso eo metuendum.*

XLI. Explicatio posterioris Eurematici, ejusque prudentia.

1. *Carmen seu formula, qua id continetur.*

2. *An nimia hoc in casu Modestini sollicitudo culpanda videatur.*

3. *Ad eam objectionem responsio.*

4. *Quid impendeat iis, qui Modestini prudentiâ non utuntur.*

5. *Multiformes in re lucrosa contentionum Chimera.*

XLII. Auctoris epilogus.

In-

S E C T I O I.

I Nter eas leges, quæ vulgo crucem Jure- I.
consultis posuisse dicuntur, hanc non im-
merito quis referat. Versatur enim circa in-
tricatissimam subtilis oppidò ac difficilis ma-
teriæ *de Substitutionibus* partem, circa exposi-
tionem, inquam, formularum. Nec sane I.
pauci eruditissimi Viri jam dudum in ea eno-
danda desudarunt, & quidem hætenus infel-
liciter plerique. Atque adeo hîc accuratam,
& quæ omnibus peræque probetur, explica-
tionem polliceri, tam longe à juvenilis scien-
tiæ meæ viribus remotum est, ut ad insaniam
propius, quam ad temeritatem accedere vide-
retur. Et tamen, ne nihil omnino de hac 2.
famosa lege dicam, vetat ratio suscepti ordi-
nis, vetat etiam ipsius loci celebritas & pul-
chritudo. Dicam ergo liberè, quod sentio, 3.
arreptis quæ mihi ex tot Clarissimorum Vi-
rorum opinionibus arriserint maxime; atque
his meas quoque interim, quantulæcunque
sint, conjecturas inspergam. In omnibus 4.
autem, ut potero, ducem sequar Modesti-
num, iisque in primis inhærebo, quæ sco-
pum nostrum feriunt.

Rem igitur paulo altius repetens Juriscon- II.
sultus, incipit hunc tractatum suum ab hi-
storia juris in *pr.* & §. 1., ut eo facilius de

1. statu controversiæ judicium formetur. Sciendum igitur, Substitutionem, de qua agimus, in primis pupillarem, *l. Moribus 2. ff. h. t.* totam moribus deberi, iisdemque perantiquis. Etenim jam Ciceronis ævo non tralatitiæ de ea quæstiones ventilatæ fuere, quemadmodum ex illius scriptis videre est. Continebatur videlicet inter alia Decemviralibus Tabulis hujusmodi effatum, PATERFAMILIAS UTILEGASSIT, SUPERPECUNIA TUTELAVE SUÆ REI ITA JUS ESTO, Ulpianus in *Fragm. tit. XI. §. 14.* eoque latissima cuivis disponendi potestas tributa videbatur *l. Verbis 120. π. d. V. S.*
3. Hinc igitur, cum appareret eum, cui hereditas relicta esset, sæpe aut nolle, aut non posse eam adire, per interpretationem dictæ Legis institutio quædam secundi heredis excogitari cæpit. Scopus erat, ut secundo loco institutus detrectantem deficientemve exciperet, ne bona alicujus, eo invito, ad proximos devenirent, aut quasi vacua ad Fiscum deferrentur: hancque providentiam *Substitutionem* appellare placuit.
- 4

III. Postquam vero Substitutio hæc, propter summam, quæ inde redundabat, utilitatem, communi applausu recepta esset, simile quid tentatum circa bona impuberum filiorum.

1. Cæperunt enim & liberis suis impuberibus testa-

testamenta condere, ut hi, quamdiu sibi ipsis testari non possunt, potius ex testamento patris heredem acciperent, quam ex Lege; & ne facile insidiis proximorum agnatorum exponerentur. Obstabat quidem aliquantum, quod Lex XII. Tabularum s u æ tantum REI dispositionem permisisset, non item alienæ: sed cum pater in Jure unam eandemque personam cum filio suo facere intelligatur, etiam hoc in casu perinde acceptum fuit, ac si sibi magis testaretur, quam alii. Li-
 2.
 3.
 4.
 quet hoc ex antiqua substituendi formula, SI FILIUS MEUS MORIATUR, PRIUS-
 QUAM IN TUTELAM SUAM VENIAT, TITIVS nota MIHI SECUNDUS HE-
 RES ESTO. Cicero *Lib. II. de Invent.* Modestinus *l. 1. §. 1.* & Paulus *l. Qui plures 38. §. 1. ff. h. t.* Sed tamen, confir-
 mato deinceps hoc substituendi genere, vocu-
 la MIHI, quæ quodammodo resistere vide-
 batur, quominus substitutus filio ad bona ipsius adventitia venire posset, in formula vulgo omissa est *l. 2. §. 5. d. l. 38. §. 2. D. h. t.* aut certe, si adesset, perinde accepta, ac si adjecta non fuisset, *l. Si ita 8. §. Qui filio D. d. Bonor. poss. sec. tabb.* Profecto nulla fuit causa, cur hic Legis amplitudo in-
 terpretatione in arctum redigeretur. Atque ita moribus hæc quoque Substitutio invaluit
d. l. 2. ff. h. t. H 9 Ubi

- IV. Ubi autem eo perventum esset, distinctionis gratiâ bifariam dividi debuit Substitutio, alteraque *Vulgaris* altera *Pupillaris* ab objecto suo denominata est. Sed & illa quoniam in simplicem casum non existentis heredis concipitur, *in primum casum* fieri dicta est; hæc, quia insuper in casum ante pubertatem morientis, *in secundum*; l. *Heredes* 1. §. 1. l. *Lucius Titius* 45. ff. *h. t.* Alii sane casus non dantur, arg. l. 8. *C. eod.* Nam *reciproca* substitutio, quæ postmodum adinventæ est, tantum formulam habet à vulgari & pupillari substitutione diversam, at separatum casum non facit.

- V. Cæterum uti substitutionis variæ formulæ concipi queunt, ita semper in earum apicibus ac tricis aqua hæsit. Jam enim memorata Ciceronis tempora id incommodum experta sunt in nobili illo Curiano iudicio, quod tum coram Centumviris habitum est, L. Crasso & Q. Mutio Scævola causas orantibus. Nempe Manius Curius ab aliquo heres erat declaratus, qui, uxore prægnate decedens, ita cum instituerat, *SI PUPILLUS ANTE MORTUUS ESSET, QUAM IN TUTELAM SUAM VENISSET.* Jam autem non nascebatur postumus, adeoque non videbatur conditio existere. Sic certè urgebat Scævola. Crassus contra contendebat;

bat, etiamnum ex probabili voluntate testatoris substituto locum esse: *Verba enim reperta esse, non quæ impedirent, sed quæ indicarent voluntatem.* Et secundum hunc etiam res decisa est à Centumviris. vide Cicero-
nem in *Orat. & pro Cacin.*, præsertim vero in *Bruto*, ubi statum hujus quæstionis, & utriusque actionis capita pluribus edisserit. Sed nimis ornatè & concinnè hanc ipsam li-
tem Quintilianus tangit, quam ut ejus verba non adscriberem. nam ita infit *Lib. VII. Instit. Orator. c. 6. In testamentis & illa accidunt, ut voluntas manifesta sit, scriptum nihil sit: ut in judicio Curiano, in quo nota L. Crassi & Scævola fuit contentio. Substitutus heres erat, SI POSTUMUS ANTE TUTELÆ SUÆ ANNOS DECESSISSET. Non est natus. Propinqui bona sibi vindicabant. Quis dubitaret, quin ea voluntas fuisset testantis, ut is non nato filio heres esset, qui mortuo? Sed hoc non scripserat. Acutè profecto. Verumtamen decisio illa Centumviralis non obstitit, quominus à Q. Mutii auctoritate tota res dubia maneret ad D. Marcum & Verum usque, variantibus interea Judicum sententiis. Quin si Clarissimo Ger. Noodt credimus, adhucdum dissidii istius vestigium superest in l. Paterfamilias 28. ff. d. Reb. aut. jud. prout Vir doctissimus ex inscrip-*

inscriptione legis colligit, ex qua quam multa ingeniose simul ac feliciter hallucinatus fuit, in re litteraria hospes est, qui ignorat.

9. Censet nimirum Javolenum *dicta l.* auctorem, ut qui jam ante D. Marcum & Verum, immò & ante D. Pium vixit, Scævolaë sententiam sequutum esse, proindeque ipsum præsupponere, *expressam pupillarem substitutionem non continere tacitam vulgarem.* Sed quoniam ea res hîc plurimum adfert ponderis, en casum legis.

VI. *Substituit paterfamilias filio suo impuberi heredem pupillariter, sive in casum secun-*

1. *dum, SI ANTE PUBERTATEM DECESSISSET: is filius paterna hereditate se abstinuit, ideoque bona patris venierunt: postea*
2. *filio hereditas obvenit, qua aditâ decessit.* De hac facti specie consulitur Javolenus ab homine, ut apparet, Juris haud ignaro. *Quærit ille, cum Prætor in ipsum pupillum, quamvis postea hereditas obvenisset, creditoribus tamen patris actionem non daret: an iisdem illis creditoribus in substitutum danda sit actio?* Rationes dubitandi has adfert: ab una parte, quod substitutus *ex bonis paternis, in quæ creditores missi sunt, quæque ea missione ad ipsos pertinere cæperunt, nihil acquirat; tum etiam, quod creditores patris nihil juris in bonis pupilli habuerint, ac proinde eorum nihil inter-*
fuerit,

fuerit, adiretur nec ne pupilli hereditas, cum
 ea bona, admissa (lege cum aliis editionibus
 omissa) à substituto hereditate, ad creditores
 non pertineant. Verum ab altera parte ma- 4.
 xime cum in contrarium movet, quod praecep-
 toribus Juris (sic enim alii legunt pro ius)
 placet, unum esse testamentum patris & filii,
 [juxta l. Patris & filii 20. π. h. t. de Vulg.
 & Pup. Substit.] nec valere filii testamen-
 tum, nisi patris fuerit adita hereditas, [per
 l. Moribus 2. §. 1. & l. Sed si plures 10. §.
 4. ff. cod.] Respondet Javolenus, Quod pater 5.
 filio, qui à paterna hereditate se abstinet, prae-
 stat, ne, bonis patris ejus venditis, in eum
 actio detur, tametsi postea ei hereditas obve-
 nit, creditoribus non reddat: idem in substitu-
 to filio servandum est: ita enim cum antiquis 6.
 Codicibus legendum, non servandum non
 est; quod & sequentia manifeste evincunt,
 & l. Julianus 42. π. d. Acquir. vel omitt.
 her. omnino flagitat. Hujusce porro respon- 7.
 si hanc rationem reddit, quoniam filii pudori
 parciatur, ut potius patris, quam ejus bona ve-
 neant. Itaque in id, quod postea ei obvenit,
 actio creditoribus denegatur, tam adversus sub-
 stitutum videlicet, quam ipsum filium, quia
 id ex adventitio, id est, aliunde, extrinsecus
 acquisitum est, non per patrem ad eum pervenit.
 Soli enim filio hic substitutus succedit, non 8.
 patri,

- patri, cum filio tantum substitutus sit, nec ea substitutio ad patris hereditatem porrigatur, ut recte Q. Mucius sensit. adeoque jam non unum testamentum est, sed pater & sibi & filio separatim testatus intelligitur. Sic sane Jurisconsultus hoc in casu argumentari censendus est. Quod si enim & ipse sub expressa pupillari tacitam vulgarem contineri putasset, id est, ut filio substitutus simul intelligeretur substitutus patri, responsio ejus non quadraret objectioni; immo & in ipsa Juris principia peccaret. nam hisce positis non potest substitutus vulgariter ad pupillarem hereditatem pervenire, nisi prius patris hereditatem adiisse intelligatur [per *dd. ll. 2. §. 1., 10. §. 4. & 20. ff. h. t.*] & sic ejusdem quoque creditoribus obligetur: qui casus in *d. l. 42. D. d. Adq. vel omit. her.* à Juliano Javoleni successore deciditur: quamvis & in eo dein, utilitate suadente, aliud receptum sit.
9. *Ibid. versu Impugnat.* At, pergit Javolenus, cum substitutus filio hereditatem adiit, postquam pupillus se paterna miscuerit hereditati, tunc demum hereditas & patris & filii una est, ut objecisti, nec adeo poterit substitutus as alienum patris & filii separare, sed in utroque etiam invitatus obligatur, cum post obligationem liberum ei non sit, ne bona ipsius, si non defenditur, omnino veneant: convenien-

venienter d. l. 10. §. 2. ff. h. t. Quod vero 12.
ad casum initio hujus legis propositum, quo
scilicet filius paterna hereditate se abstinuit,
eo verius ait esse, substitutum non teneri,
quia si is hereditatem non adierit, creditoribus
patris utique in id, quod pupillus reliquit,
actio adversus heredes legitimos dari non de-
bet [d. l. 42. init.] quoniam (ut bene à
consulente animadversum) neque pupilli bona
venire debent propter eas alienum patris, neque
in bonis patris est, quod pupillus adquisiit.
Atque hic, ni fallor, verus & commodus 13.
hujus legis sensus est ex Clar. Gerardi Noodt
interpretatione.

Quid ni autem huic tam probabili conjec- VII.
turæ crederemus? In primis, quoniam cæte-
roquin d. l. Paterfam. 28. cum d. l. Julia-
nus 42. ff. d. Acquir. hered. itemque cum l.
hac nostra conciliari vix poterit. Ac proin 1.
Antonius Faber, profundæ eruditionis ho-
mo, cum hoc non animadvertisset, frustra
in iis conciliandis operam impendit. Post-
quam enim, Lib. II. Conjectur. c. 2. recur-
risset ad quæsitam crisin & subtiles nimium
distinctiones, post varia, inquam, molimina,
in opere de Error. Pragm. dec. XXXII. 2.
err. ult. palinodiam canit, &, quæ ibi fu-
sè dixerat, pluribus ipse refutat; amplius
cum §. 2. hujus nostræ legis hypothese suæ ex-
plican-

- plūcando aptare nequeat, in Tribonianum injurius invehitur, tanquam qui hunc locum importunā suā interpolatione inquinaverit: atque adeo inextricabiles sibi nodos nectendo, interim temere concludit, quod
3. *sicut nemo hucusque fuit, qui ad d. l. 28. ff. d. reb. auct. Jud. poss. responderit, ita nec*
 4. *posthac erit, qui respondere possit.* Sed quam egregiè ipsum vaticinatio sua fefellit! cum vel ex solâ ætatis comparatione omnis illā, quæ tam male eum habuit, difficultas prorsus evanescat. Vixit autem Javolenus sive Jabolenus, ut dixi, ante D. Pium: nam vel Julianus, ejus discipulus *l. 5. ff. d. Manum. Vind.*, vix ea tempora attigit. Præterea ex Plinio constat, quod jam sub Trajano senex delirus fuerit, *Lib. VI. ep. 15.* Ac proin Jabolenus ille, quem Capitolinus inter D. Pii consiliarios refert, filius forte ejus habendus est. nisi si quis cum Celeberrimo Salmasio pro *Jaboleno* legere maluerit *Zaboleno* seu *Diaboleno*, ut in MS. Palatino exprimitur: adi Capitolinum in *vita D. Pii ad fin.* Certe à Plinii testimonio omnis suspicio erroris exulat, tum quia sæpe hujus ejusdem Javoleni meminit, tum etiam quia ipse eo tempore vixit. Sed in viam.

SECTION II.

Postquam igitur, quemadmodum retuli, VIII.
hoc jus tam diu incertum & instabile fluctuasset, constitit tandem à parte Crassi & Centumvirorum, ex quo tempore memorati Imperatores Marcus Antoninus Philosophus & Lucius Verus id sua Constitutione firmarunt. *d. pr. h. l.* Sed an vi istius Constitutionis? Vix est, ut credam. non enim id finit usus phrascos *hoc jure utimur*, non illius sæculi mos, non denique commoda hujus legis interpretatio. Verum operæ pretium fuerit singula attentius considerasse.

Quod ad morem illius temporis, (nam de IX.
eo primum agemus) constat, inter omnes Principum Constitutiones sola Edicta vim
Legis generalis obtinuisse, utpote quæ sola
generaliter & animo condendi Juris concepta
essent. Si quid vero aut rescripisset Imperator aut decrevisset, illud causam, in qua
decretum rescriptumve erat, non egrediebatur; nisi quatenus hoc rationi ac Juris principiis consentaneum esset: Atque adeo in
cæteris causis Rescripta illa Decretaque auctoritate suadendi magis pollebant, quam jubendi
potestate, ut alia occasione dixit Tacitus.
Jure Codicis demum, quando jam citato gradu
I

- gradu ad plenam tyrannidem vergebat imperium, Oracula Principum sancta haberi cæpère, & nemo tanta superbia fastidio tumidus judicari, ut Regalem sensum contemnere audeat: hætenus nimirum, ut si Imperialis Majestas causam cognitionaliter examinaverit, & partibus cominus constitutis, sententiam dixerit, omnes omnino judices hanc legem esse sciant non solum illi causa, pro qua producta est (ut olim) sed & omnibus similibus. Sic enim statuit Imperator Justinianus in l. ult. pr. C. d. Legibus, additque in fine, cum & veteris Juris conditores Constitutiones, qua ex Imperiali Decreto processerunt, Legis vim obtinere aperte dilucidèque definiant. Itane verò!
7. Certe non tam religiosus erat Macrinus tuendæ Imperatoriæ Majestatis, cum omnia rescripta veterum Imperatorum tollere decerneret ut jure, non rescriptis, ageretur; quod de eo tradit Capitolinus in illius vita. Modestius quoque passim de Constitutionibus suis ipsi Principes loquuntur, ut in l. 2. 3. 8. C. d. Legib. l. Rescripta 7. C. d. Prec. Imp. offer. l. ult. C. Si contra jus aut utilit. publ. &c.
9. Immo vero tempore mediæ Jurisprudentiæ Rescripta in tantum vim Legis non habuere, aut ad similia producta sunt, ut Imperator Alexander Supero cuidam speciatim rescribere debuerit, Rescriptum illud, quod ipse aut frater

frater ejus de communi causa impetrasset, ad utrumque pertinere, quamvis ad unius personam directum esset. l. 1. C. d. Divers. Rescrip. & Pragm. Sanct. confer omnino l. Rescripta 9. Cod. Theod. d. Div. Rescript.

Sed nullus plane dubitandi locus supererit amplius, ubi ostendero, ipsos Jurisconsultos non semper judicia Principum sequutos fuisse, & quidem cum hoc effectu, ut sententia ipsorum præ Rescriptis Decretisque invaluerint. Conferatur eum in finem l. Postea quam 21. ff. d. Compens. cum §. In bona fidei 30. Instit. de A&T. & quod asserui, liquido constabit. Nempe idem ille Divus Marcus, cujus in pr. l. nostræ mentio fit, constituerat compensationem in judiciis stricti juris doli mali exceptione inducendam esse, non ipso jure; contra quam Neratius Priscus & Pomponius olim sensissent l. Verum est 4. ff. eod. de Compens. Attamen rejectam ipsorum sententiam, à Paulo comprobata, d. l. 4. mox omnes communiter amplexi sunt, d. l. 21. puta, in fori disputatione. Ut adeo Constituti reverentia nequicquam eos cohibuerit. Est & aliud perspicuum & elegans exemplum in l. 1. §. 14. ff. ad L. Falcid. ubi talis facti species proponitur, Si coheredis mei portio legatis exhausta sit mea integra, & illam vindicavero; quid juris? Cassius

X.

1.

2.

3.

confundendas esse partes existimabat, Proculus contra. Proculo Julianus adsenferat: atque hujus Sententiam Paulus quoque probat; etiamsi ipse Imperator Caracalla, sub quo vixit, pro Cassii opinione staret. non enim veretur addere, Sed & Divus Antoninus judicasse dicitur, commiscendas esse utrasque partes in computatione Legis Falcidiae.

- XI. Quod si vero iudicium aliquod Imperatorium satis æquum justumque videretur, non tamen statim pro certo jure habitum fuit,
1. sed demum postquam illud actuum frequentia & temporis diuturnitate approbatum esset: ut adeo totum Juris non scripti præceptis regeretur. Hunc autem juris processum egregiè delineat ipse Imperator noster, ubi de fideicommissorum introductione agit §. 1. *Instit. d. Fideicommiss.* proponitur ibi *Divus Augustus primus Consulibus jussisse, ut auctoritatem suam in fideicommissis interponerent, idque dein conversum esse in assiduam jurisdictionem.* sed an statim ac illud jussisset? minime gentium; sed demum paulatim, & postquam jam semel iterumque hujusmodi iussa Coss. dederat. Porro, an propterea, quod Augustus id ita voluerat judicari? nec hoc dicitur; verum *quia justum videbatur & populare erat.* hætenus de fideicommissis ab
 3. Augusto introductis. Sic autem diu adhuc cum

cum Principum Rescriptis Decretisque actum censerī volo, quamdiu scilicet aut vestigia aut saltem simulacra quædam pristinæ reip. superfuerunt. Nam quod innumeris in locis occurrit *sape decretum est, sapissime idem rescriptum aut constitutum est*, & in specie apud Ulpianum in *l. Vel quod 6. π. d. Relig. & sumpt. fun.* & Modestinum in *l. Si quis 29. ff. ad L. Corn. de Fals.* nonne certo rursus & evidenti argumento est, necdum eo tempore singula Rescripta aut Decreta per se jus certum fecisse?

Cæterum quo magis illud mihi, etiam in proposita lege, persuadeam, locutio *hoc jure utimur* efficit, quam haud facile mihi quis de jure scripto ostenderit. Quin ipsa vocis *uti* significatio quodammodo nos eo ducit; cum *jus non scriptum* seu *consuetudo* nihil aliud notet, quam *jus usu approbatum* §. *Sine scripto* §. *Instit. d. Fur. nat. gent. & Civ.* & ipsa consuetudo *usus longævus* vocetur *l. ult. C. Quæ sit long. Cons.* Verum ne subtilem tantummodo locutionis analogiam captari videar, plurifariis argumentis hoc demonstratum dabo. Notum est, consuetudinem magna ex parte in facto consistere; nam ex tribus requisitis duo habet, quæ probatione indigent *l. 1. C. eod. Quæ sit. long. consuet.* adeoque, ubi adhuc debile ac dubium consuetu-

XII.

I.

2.

3.

dinis jus est, etiam alterius testimonio adjuvari potest; quod profecto in jus scriptum, in primis si ipsos Jurisconsultos consideramus, cadit minimè, per l. 2. §. *Fuit eodem* 43. ff. d.

4. *Orig. Jur.* Quare cum Paulus in l. *In interdicto* 6. ff. d. *Vi & vi arm.* dicit, *hoc jure nos uti Pomponius scribit*; idemque in l. *Sed si* 26. §. 1. ff. d. *Acquir. rer. dom.* Proculus indicat, *hoc jure nos uti*; denique cum & Gajus in l. *Si locuples* 57. ff. d. *Manum. testam.* ait, *mihi traditum est hoc jure nos uti*; ex hisce evidenter constat, phrasin illam necessario de consuetudine, seu jure non scripto accipiendam esse. Porro in hac locutione id quoque servatum video, quod is, qui consuetudini postmodum receptæ occasionem præbuisset, eamve auctoritate sua firmasset, quasi auctor aut comprobator illius Juris citetur. Omnium vero diligentissime Ulpianus hunc decessoribus suis honorem conservavit: ut in l. *Quasitum est* 8. §. 1. & §. 7. ff. d. *Precar.* l. *Si Stichum* 8. §. 3. ff. d. *Novat.* l. *Sive contra* 3. ff. d. *Agnosco. & alend. lib.* l. *Gracè* 8. §. 3. ff. d. *Fidejuss.* l. *Contractus* 23. D. d. R. J. & alibi. Sed & Paulus disertè in d. l. 26. §. 1. ff. d. *Acquir. rer. dom.* *hoc jure nos uti*, quod Servio & Labeoni placuisset, & in l. *Plantius* 49. ff. ad L. *Falcid.* Cassii sententia utimur. Immo idem Ulpianus, in signum
- 5.
- 6.

gnum receptæ suo demum tempore consue-
tudinis, admodum significanter ait, *HODIE*
hoc jure utimur in l. Sed eisi 25. §. 7. D. d.
Hered. petit. ut & in l. Cogi 16. §. *Idem Ma-*
cian. π. ad *Senatuscons. Trebell.* Verum, 7.
quid multis? Ulpianus denuo in l. 14. ff. de
Jurisdic. palam dicit, *Est receptum eoque ju-*
re utimur. Amplius & Cicero, ne minus 8.
latine, quam juridicè hoc ita dici constet,
pro *A. Cacin.* c. 19. initio disertissime ait,
Lex usum & auctoritatem fundi jubet esse bien-
nium. At utimur eodem jure in adibus, quæ
in *Lege non appellantur.* Ex quibus omni- 9.
bus satis abundèque apparere puto usum phra-
seos *Hoc jure utimur*, & quam evidenter ubi-
que consuetudinem inducat.

Sed ne id solummodo in Jurisconsultis ob- XIII.
tinuisse videatur, idem quoque in Principi-
bus demonstrandum. Facit huc l. *Eum*, qui 1.
18. pr. ff. d. *Hæc*, quæ ut indign. ubi, perinde
ac in lege hac nostra, D. *Pius benigne de-*
crevisse dicitur, & quia hoc per se non suffi-
ciebat ad jus certum, nisi consuetudo acce-
deret, subjicit statim Papinianus *quo jure uti-*
mur. Disertius de eodem hocce D. Pio Ul- 2.
pianus in l. *Si perlusorio* 14. pr. ff. d. *Ap-*
pellat. nam cum judicium ejus retulisset, mox
addit, & *hodie hoc jure utimur*: certo indi-
cio, quod non statim à Decreto illo, seu

- Constitutione Divi Pii sententia isthæc pro generali jure obtinuerit, sed *hodie* demum, id est, Ulpiani tempore. floruit autem Ulpianus sub Alexandro Severo, adeoque ferè sæculo post. Sed non possum mihi temperare, quominus & tertium locum adferam, qui mirus est ad demonstrandum id, quod intendo; puta *l. Plautius 49. ff. ad L. Falcid.* Proponitur ibi à Plautio casus subtilissimus; quemadmodum scilicet *si servo, quem tibi legaveram, fundum legavi, ab utroque & servo & fundo Falcidia detrahenda sit.* Scissa hic erat Proculianorum schola. Nerva & Atilicinus Sabino adhærebant; contra sentiebat Cassius cum suis sectatoribus: & uterque pro sua opinione probabilem adferebat rationem. Cassianorum tamen sententiam Paulus ratam habuit, confirmatus in eo auctoritate ejusdem rursus Divi Pii. Sed an hujus solius Constitutionis vigore ita Paulus sentiebat? haud quaquam. tum enim non diceret, *Cassii sententia utimur. nam & D. Pius rescripsit*; verum potius, *sic juris est ex Rescripto D. Pii, quod & Cassius olim senserat.* Præterea, cui bono deliberatio Pauli, & argumentorum utriusque opinionis ponderatio? nisi ut, non obstante illo Rescripto D. Pii, aliter sentire liceret. Geminus huic de Hadriani Rescripto locus est in *l. Fulcinus 7.*

§. Item videamus 16. D. Quib. ex caus. in pos-
ses. eat. ilque tam clarus, ut ne cavillatione
quidem ulla adtemptari queat.

Videlicet totum fere negotium auctoritati-
bus Jurisconsultorum peragebatur, ut ex l.
Divi Fratres 17. ff. d. Jure patron. videre
est; eæque etiam in libellis Principi oblatis
allegari solebant, & ad illas se Principes re-
ferre l. Ut ere 14. C. d. Præd. & al. reb. min.
Quin immo Responsa Prudentum auctoritate
sua valuisse, etiam cum ratio non adderetur
Seneca epist. XCIV. annotat; tantaque co-
rum dignitas & præstantia existit, ut vel
commune Juris Civilis nomen suum ac pro-
prium fecerint; observante Hotmanno in Ju-
risconsulto suo ex l. 2. §. 5. D. d. Orig. Jur.
& Cicerone. Unde jam porro evenit, ut,
magnâ utrimque ratione militante, tam pervi-
cax esset præcipuæ auctoritatis Jurisconsulto-
rum dissensio, ut Principes ambabus senten-
tiis obsequi consultum ducerent. Memora-
bilis hac in re est Proculianorum & Sabinia-
norum controversia circa id pactum contrac-
tui bonæ fidei in continenti adjectum, quod
ad ipsius contractus dissolutionem tendit. Cen-
sebat Sabinus pactum illud nihilominus regi
debere ejusdem contractus actione, dum ma-
gis id quod actum, quam quod dictum est,
sequendum existimaret l. Sed Celsus 6. §. 1. ff.

XIV.

1.

2.

3.

4.

5.

6.

de Contrah. Empt. Proculo contra absurdum videbatur actionem, quæ ad confirmandum adstringendumque contractum inventa esset, eandem ad dissolutionem ejus adhiberi; atque ideo hac in specie in factum actionem dandam contendebat, *l. Si vir uxori 12. ff. d. Praeser. Verb. C.c.* Itaque Imperatores Antoninus & Severus, sive rationibus utriusque moti, sive auctoritate dissentientium & pervicacia, utramque sententiam recepere *l. Si fundus ff. de Lege Commissoria;* & exemplum istius conciliationis est in *l. Si convenit 6. ff. de Rescind. Vendis.*

XV.

Concludamus ergo ex jam dictis, in jure non scripto, cui tempore Pandectarum tam Decreta Rescriptaque Principum, quam Responsa Prudentum annumerabantur, ad solam rationem naturalem, quasi ad basin, attendi, insuper habito personarum discrimine. Ut adeo contumeliæ arrogantiaeve insimulari minime debeam, quod hic Jurisconsultos, privatos homines, pari jure cum ipsis Imperatoribus consistere fecerim. Ist hæc enim naturæ dos, rationem intelligo, æquâ lance omnis generis hominibus tributa est, nec quicquam cæcis fortunæ ludibriis famulatur. Quin si Constitutiones Principales & scripta Jurisconsultorum inter se componere deberemus, vereor vehementer, ne hæc passim illis præferenda

renda forent. Non quod negem, multa 4.
 præclara & egregia per Principum Constitu-
 tiones inducta esse in jure, (de eo enim non
 disputo) sed quod comparationem καὶ ὅλως &
 in genere institutam velim. Etenim si ve- 5.
 rum dicemus, quid aliud sunt Rescripta ac
 Decreta Principum, quam Responsa mi-
 nistrorum Imperialium, manu aut ore Princi-
 pis sancita? Quod si jam omnes Imperatores
 Julianos, Papinianos, Ulpianosve in consilio
 habuissent, parum periculi foret ab injustitia:
 verum quam multi libertis suis aliisque fædis
 ac flagitiosis adulatoribus hæc & majora com-
 misere? Dignus est, qui hac de re videatur,
 Plinius in *Paneg. Trajani C. LXXXVIII.* Sed 6.
 nec in ipso Juris Corpore deest, ex quo illius
 facinoris exemplum capiamus. Quo ipso ne-
 mo est, qui ambigit, credo, quin truculen-
 tissimam illam Arcadii & Honorii Constitutio-
 nem in *l. Quisquis 5. C. ad L. Jul. Majest.*
 indigitem, liberto ut creditur, auctore la-
 tam. estque iniquitas ejus tam evidens, ut
 iidem illi Imperatores biennio post corrigere
 eam non dubitarint, per *l. Sancimus 22. C.*
d. Pæn. cum cæteroquin magnum nævum
 Jurisprudentiæ nostræ inureret. Nec minus 7.
 fœda in aliis quoque Constitutionibus reper-
 tum iri confido, si & illæ superessent, quæ
 in Codices relatæ non sunt. Quam probabi-
 liter

- liter autem hoc conjecerim, videbit ille, qui allegatum Capitolini de Macrino locum porro legerit. Ait enim de ipso, *Fuit in jure non incallidus; adeo, ut statuisset omnia Rescripta veterum Principum tollere, ut jure, non Rescriptis ageretur; nefas esse dicens, leges videri Commodi & Caracalli, & hominum imperitorum voluntates, quum ipse Trajanus nunquam libellis responderet; ne ad alias causas facta praeferrentur* (malo praeferrentur cum Casaub., quæ ad gratiam composita viderentur.

XVI. Sed age! (lubet enim paululum exspatiari) ponamus magistrum libellorum Juris peritissimum, eundemque virum bonum:

- I. Utinam semper, & in omnibus causis probæ notæ homines ingenuitatis laudem servarent, ubi de Jure consuluntur. Quotus enim quisque non irâ, odio, aut grâtia transvorsum rapitur, ut alia suggerat, quam fas aut jura dictant?
2. Luculentum hujusce rei testimonium incuria Architectorum Juris in Cervidio Scævola nobis reliquum fecit, homine cæteroquin egregio & Juris scientissimo. confer *l. Imperatores 3. ff. de Transact.* cum *l. Controversia 14. cod.*, & vide quid de illis masculè & eruditè tradat Clar. præceptor meus, Ger. Noodt *Probab. suorum Lib. II. c. 2.*
3. Proinde vel ab hac parte commentaria Jurisconsultorum, quæ sedato & aquabili animo, nul-

nullisque affectuum incurfibus expofito fcribuntur, longè fc commendant præ Refcriptis Decretisque Principum, quæ in aula, variis artibus æftuante, concipi & formari folent. Dixi autem *Commentaria Jurifconfultorum*, nam in *refponfis*, quæ fingulis confulentibus dantur, par periculi metuseft, ut monui. Qua de caufa cum Celeberr. Calaubonus ad hæc Capitolini verba, *ut jure, non Refcriptis ageretur annotet, ut vim legis haberent antiquæ Leges & Prudentum refponfa; at non Principum Refcripta, neque fubfcriptiones, per refponfa Prudentum refponfa publica, maxime quæ in fori difputatione dabantur, intelligere eum autumo, prout ea vox etiam in §. Refponfa Prudentum 8. Inftit. de Jure Nat. G. & Civ. & alibi accipitur.*

Denique (nam & hoc addam) obfervo, ipfum Theodofium, qui primus Imperatorum Constitutiones Principales in unum collegit & omnes publicâ fânctione munivit non quidem ita ftudio promovendæ Refcriptorum Decretorumque auctoritatis illud feciffe, quam ut ipforum potius Causidicorum licentiam abufumque in iis temerè allegandis refrenaret; dum jam ejus tempore tanta illorum reverentia, an fuperftitio, exftitiffe videatur, ut Judices ea non fequi, religioni fibi ducerent. videatur Novellarum Theodofii *A. Lib. I. tit. 1.*

&c

4.

5.

6.

XVII.

1.

2.

3. & Ammiani Marcellini de Jurisconsultis sui ævi querela *Lib. XXX.* Nulla autem fere causa tam absurda tamque iniqua erat, quin in tanta Legum Sententiarumque diversis temporibus latarum, farragine aliquod sibi patrocinium reperiret; præsertim vero, cum, ut dixi, tam miserè interdum ab imperitis impiisque aulicis justitia administrata esset. Notatu hac in parte dignum est, quod Hebræorum Magistri de popularium suorum jurisdictione testatum nobis reliquerunt. Nimirum in causis orandis semper præponendum fuisse recentissimum Synedrii Decretum, nec ulli unquam causæ præjudicium fecisse, quod aliter antea judicatum esset, aliterve apud Majores obtinuisset; etiamsi illud indubitatis argumentis probaretur. ratione non infecta; *ne scilicet multiplicaretur sententiarum diversitas in Israele:* hanc enim ea de re reddit Moles Maimonides, primus ille Rabbinorum, qui delirare desuit. vide Seldenum *de Synedriis Lib. III. c. 3.*
- 4.
- 5.

XVIII. Sed ulteriori digressioni veniam petimus: nam observationum abrepti elegantia diverticulo longiores fuimus.

S E C T I O I I I.

XIX. Hactenus itaque faciendæ expositioni luce

ac-

accensa, remotisque simul in antecessum præcipuis difficultatum repagulis, rem ipsam aggredior. Puto autem ex duabus Constitutionibus, quæ in *pr.* & §. 1. legis nostræ exhibentur, alterâ Divi Marci & Veri, alterâ Divi Pii, neutram suapte vi pro lege observatam fuisse, sed demum accedente jugi usu & observantia, ut Pandectarum ævo fieri solere ostendimus. Inde porro existimo hanc (D. Pii) quidem tempore priorem esse Constitutionem, sed tamen usu post illam (D. Marci & Veri) receptam fuisse, quippe cum ulterius pergeret. Atque hæc interpretatio mihi adeo necessaria videtur, ut absque ea haud facile quis Modestinum nostrum, laudatissimum Juris Auctorem, oscitantæ absurditatisve absolvere possit. Debuit enim, si ipsæ Constitutiones jam tum per se jus faciebant, aut præposterè ac negligenter unum pro altero Imperatore nominasse, aut, quod ridiculum foret, dicere Imperatorem jam prædefunctum post Successorum suorum Constitutionem aliam fecisse, quæ ex ea fluere. Verum egregia ubivis Modestini scripta utramque hanc injuriam refellunt, quamdiu commoda aliqua interpretandi ratio investigari potest. Ego vero mihi talem me invenisse persuadeo, quæ & genio istorum temporum, & phrasi legis nostræ adprime convenit.

Quod

1.

2.

3.

4.

5.

- XX. Quod igitur ait Jurisconsultus, *hoc jure utimur ex D. Marci & Veri Constitutione*, sic accipe, quasi diceret, ex quo tempore Divi Marcus & Verus hoc constituerunt id est, rescripserunt, sui decreverunt, moribus obtinuit, ut &c. vel, ut ipsis Marciani verbis utar, *Post D. Marci Constitutionem hoc jure uti capimus*, quemadmodum ita loquitur
- 1.
 2. in *l. Post 8. C. ad. L. Jul. Majest.* Utrumque eo tendit, ut ostendam Modestinum indicare voluisse, quod, postquam Divi Fratres sententiam Centumviralem in Judicio illo Curiano sua quoque auctoritate confirmassent, quæ semper magni habita est, quod post id tempus nullus ferè aliter judicaverit Juxta aut Jurisconsultus, atque ita tandem res pro
 3. certo jure obtinuerit. Illud vero ante omnia observari postulo, quod ait Jurisconsultus *JAM hoc jure utimur*, id est, hodie, jam hoc tempore; oppositè ad sæcula anteriora, quibus id ita pro certo ac stabilito jure asseri aut supponi non potuit: quod perquam emphatice hallucinationem nostram comprobatur.
- XXI. Cæterum vereor, ne cui forte liberiore *Constitutionis* interpretatione abuti videar,
1. in primis quia Imperatores in *l. Si alterius 3. C. Si min. se Maj. dix.* id, de quo agunt, & *sacris Constitutionibus & Rescriptorum auctoritate* statutum asseverant: distinguentes adeo
- cla.

clarissime inter Constitutiones & Rescripta, quæ ego pro synonymis habui. Ne igitur hujusmodi scrupulus apud quemquam resideat, sciendum est, *Constitutionis* appellationem per se generalem esse, ac proinde etiam Decreta Rescriptaque & ipsas Interlocutiones Principum sub se continere, ut patet ex *l. 1. §. 1. ff. d. Constit. Princ.* Unde sæpenumero *Constitutiones & Rescripta* inter se reciprocantur. Sic quod in *l. Filiumfam. 37. ff. ad. L. Jul. d. Adult. constitutum* dicitur, ex *l. Inter liberas 6. §. Filiusfam. ff. eod. à D. Hadriano rescriptum* apparet. sed nullibi apertius, quam in *l. Si quis 29. π. ad Senatusconsultum Trebell.*, ubi Marcianus ait, *ut Divi quoque Severus & Antoninus Rescripserunt: cujus Constitutionis verba retuli, cum alia quoque præterea in Constitutione expressa sint.* Immo vero *Constitutionis* vocabulum, quando in Pandectis occurrit, vix aliter exponi posse autumo, quam per *Rescriptum* aut *Decretum*. Illis enim temporibus Romani Principes etiamnum verecundius aliquanto agebant, dum jus commune promulgare volentes Edicta sua per Quæstorem, habitâ oratione, Senatui confirmanda proponebant, & sic Senatusconsultis inclusa prodibant in publicum. Exemplum elegans vide in *l. Item veniunt 20. §. Præter hac 6. D. d. Heredit. petit.* Atque hinc

est,

est, quod Edicta illa nunc *Orationes Principum*, nunc rursus *Senatusconsulta* vocantur: vide *l. Cum hi* 8. ff. *de Transact.* unà cum *l. Eleganter* 23. ff. *d. Condict. indeb.* & vicissim *Orationes Principum* seu *relationes*, etiam de quibuscvis aliis rebus, *Edicta*: Suetonius in *Octavio* c. 28. & Capitolinus in *D.*

7. *Pio ad fin.* Verum quid argumentis opus est, ubi rerum testimonia adsunt? Nam vel Severi & Antonini Constitutionem, ut eam vocat noster in §. 2. *hujus legis*, nihil aliud esse constat, quam Rescriptum Frontinæ cuidam. sic enim exhibetur in *l. Hereditatem* 2. *C. b. t. de Impub. & al. Substitut.*

XXII. Itaque his missis videamus porro, quidnam illud fuerit, quod à Divo Marco & Vero decretum rescriptumve sit. Ait Modestinus,

1. UT CUM PATER IMPUBERI FILIO IN ALTERUM CASUM SUBSTITUISSET, IN UTRUMQUE CASUM SUBSTITUISSE INTELLIGATUR: *sive filius heres non exstiterit, sive exstiterit, & impubes decesserit.* Vult nimirum, ut sub expressa vulgari Substitutione contineatur tacita pupillaris; & vice versa sub expressa pupillari tacita vulgaris. Ad stipulamur enim hic Donello & Arn. Vinnio aliisque, qui verba, Constitutioni à Modestino subjecta, eam non ad solam expressam vulgarem restringere, sed

sed tantum exemplo rem illustrare contendunt: idque in primis contra nobiliss. Viglium & Ant. Fabrum, qui pro contraria opinione fortiter pugnant. Ut enim pater, ubi filio suo tantum vulgariter substituit, præsumitur hac pietate erga eum fuisse, ut eundem substitutum, quem sibi præ agnatis heredem maluit, ei quoque successorem videatur optasse; ita è converso, quando illi pupillariter tantum substitutum dedit, non est dubium, quin hunc hominem, quem adeo amavit, ut eum & sibi & filio suo succedere voluerit, sibi soli utique heredem voluisse intelligatur. Sed hæc obiter.

Transco ad §. 1. qui ex *principio hujus legis* tanquam consecrarium derivatur. Ait enim Jurisconsultus, *Quod jus ad tertium quoque genus substitutionis tractum esse videtur. Quo pacto? Per Constitutionem videlicet Divi Pii*, hoc est, moribus seu consuetudine, cui is Imperator Constitutione sua ansam præbuit. Nec mirum moribus incrementa cepisse Substitutionem quæ moribus cœperat. Quod autem hic & in sequentibus tam exacte Constitutiones Imperiales citentur, Modestino nostro minime insolens est. Fuit enim citandarum Constitutionum tam anxie diligens, ut in *l. Scire 13. §. Si enim 7. ad fin. D. d. Excusat.* dicat, *cujus fidem tametsi suffi-*

ciat firmare ex ipsa naturali justitia, tamen
 & Constitutio Veri & Antonini hæc dicit.

idque si ullibi, certe ἐν παραινήσει ἐπιτροπῆς
 καὶ χαράσεως, sive *Excusationum Libris* reli-

2. giosè observavit. Cæterum non est, quod
 hic multis annotem, *tertium substitutionis genus*
 nihil aliud denotare quam formulæ diversita-
 tem, cujus plurimæ sint species; ipsius vero
 substitutionis, si propriè loqui velimus, duo
 tantum genera esse, alterum in primum ca-
 sum, alterum in secundum; id enim supra
3. jam monui: item *reciprocam* substitutionem,
 de qua hic agitur, quæque vulgo *breviloqua*
Interpretibus audit, potissimum introductam
 esse propter caduca, ad conservandum inter
 coheredes jus accrescendi. nam hæc & simi-
 lia ab aliis late tradita sunt, & minus ad
4. quæstionem nostram pertinent. Non etiam
 inhærebo iis, quæ Rescripto hocce continen-
 tur, *Si pater duos filios impuberes heredes in-*
stituatur, eosque invicem substituatur, in utrumque
casum reciprocam substitutionem factam videri;
 quia hæc per se clarent, & ex præcedenti-
 bus quodammodo sequuntur. nam quod ibi
 in singulis heredibus constitutum erat, hoc
 loco ad duos impuberes extenditur.

XXIV. Istud potius videamus, cur antiquior hæc
 Divi Pii Constitutio post eam demum, quam
 Divi Marcus & Verus rescripserunt, apud
 omnes

omnes recepta sit. Et ratio in promptu est. Quia nempe Divus Pius ulterius perrexit, 1.
 quam vel ipsa Jurisconsultorum circa tacitam defuncti mentem eo tempore contentio. Ita-
 que hac lite nondum decisa, Constitutio ist-
 hæc, quæ plus statuebat, invalescere non po-
 tuit. Quamvis tamen interim non videatur 2.
 omnis frugis expers fuisse. Proculdubio enim
 Divis Fratribus omnem hæsitacionem ademit,
 id in singulis heredibus decernendi, quod jam
 ante eos à Divo Pio in pluribus simul consti-
 tutum fuerat. Sed & ipsos Jurisconsultos 3.
 adegisse videtur, ut saltem Divi Marci &
 Veri Constitutionem reciperent. Etenim auc-
 toritatem Divi Pii, propter singularem ipsius
 sapientiam & vitæ integritatem, apud maxi-
 mos minimos summam fuisse, quis ignorat?
 Postquam vero Rescriptum illud Divorum 4.
 Fratrum communiter adhiberi inciperet, etiam
 Divi Pii Constitutio, iisdem innixa princi-
 piis, haud difficulter à plerisque approbatio-
 nem impetravit.

S E C T I O I V.

Sed nondum hic substitit casuum seu *for-* XXV.
mularum varietas. Cæpit enim porro quæri,
 quid juris? Si alter *pubes*, alter *impubes* hoc
communi verbo seu formula (nam ita *verbum*

quoque interdum accipi disce ex l. 33. ff. d. *Pignorat. act.*) Si, inquam, hoc communi verbo, **EOSQUE INVICEM SUBSTITUO** sibi fuerint substituti? atque hæc quæstio §. 2. *nostra* l. ventilatur. Ad quam responsurus

1. Modestinus primo Constitutionem Severi & Antonini profert, qua rescriptum fuit, ea in specie *In vulgarem tantummodo casum substitutionem factam videri.* additâ quoque ratione; quia scilicet *Incongruens videbatur, ut in altero duplex esset substitutio, in altero sola vulgaris.* Hactenus tantum historiam juris exhibuit nobis Modestinus, sed quid
2. ille jam de suo? Subjungit nimirum: *Hoc itaque casu singulis separatim pater substituere debebit; ut SI PUBES HERES NON EXSTITERIT, impubes ei substituatur, SI AUTEM IMPUBES HERES EXSTITERIT, ET INTRA PUBERTATEM DECESSERIT, pubes frater in portionem coheredis substituatur.* Sed an Modestinus hoc
3. ita de jure præcepit? Non facile id dixerit, qui ad sequentia probè attendet. *Quo casu in utrumque eventum substitutus videbitur, ne, si vulgari modo impuberi quoque substituatur, voluntatis quæstionem relinquat utrum de una vulgari tantummodo substitutione in utriusque persona sensisse intelligatur; Ita enim in altero utraque substitutio intelligitur, si voluntas pa-*
rentis

rentis non refragetur. Ex quibus manifesto apparet, hinc tantum Eurematicum proponi, non Juris regulam: ut adeo, si quis voluntatis quaestionem sustinere paratus sit, secundum Modestinum rectè adhuc communi formula uti possit; quanquam eodem auctore tutius aget, si aliam magis plenam adhibeat.

4.

Atqui contrarium jubet Severi & Antonini Constitutio! Non diffiteor: sed an illa usu plene approbata fuerit? an ratione undique satis munita? hoc quaero. Dicet aliquis, ipsam illam Constitutionem in Cod. reperiri *d. l. 2. h. t.* ac proin de ipsius efficacia controversiam facere, valde temerarium & audax videri. Immo vero, si de recepto omnibus jure agatur, id quoque absurdè in dubium vocari, cum præter dictam illam *l. 2. C. h. t.* duæ aliæ consonantes Constitutiones de hoc casu reperiantur, in *l. Quamvis placuerit 4. C. eod.* & *l. In testamento 6. C. d. Testam. milit.* præterea etiam textus Pauli in *l. Lucius Titius 45. ff. h. t.*, cum utique hic Modestini locus, siquidem à Severo & Antonino dissentiat, unicus sit.

XXVI.

1.

2.

Sane, ita est, si jus Codicis respicimus hoc est illud jus, quo priorum Imperatorum Constitutiones ex postfacto per Theodosium adprobatae fuere, ut in posterum Juris scripti vice fungerentur: sed cum hinc in Modesti-

XXVII.

1.

ni mentem inquiramus, non video, quemadmodum ipsi ob stare possit, quod sæculis post accidit. Illud probandum foret, jure Pandectarum, (eo nimirum, quod tempore Jurisconsultorum obtinuit, ex quorum fragmentis Pandectæ conflatae sunt) jam usu receptam fuisse Severi & Antonini Constitutionem.

XXVIII Quod vero de Consonantia istius decisionis allatum est, possem ad id respondere, *dd.*

1. *ll. 9. & 6. C.* ambas Alexandri esse, & consequenter unius tantum suffragium Principis: præterea in *l. Pauli* casum proponi, in quo circumstantiæ aliud suadeant; cum istic ab una parte mater proponatur, cujus circa substitutiones favor singularis est. *l. Ult. C. d. Instit. & Substit.* ab altera filius naturalis, quem jura ob nativitatis maculam duriusculè tractant; & quæ his similia sunt. Sed nolo cavillari; liberaliter agam. neque vero puto, etiamsi hæc plenissime concedantur, ideo totam rem esse confectam. Scimus enim jus nostrum ex innumeris Jurisconsultorum voluminibus, Rescriptisque Principum collectum esse, quorum exiguam tantum partem constituit: novimus porro, quod aliæ Constitutiones, aliaque Veterum scripta eo relata non sunt, quam quæ Justiniano, seu potius Triboniano, probarentur: ut de his, quæ rejecta
2. tractant; & quæ his similia sunt. Sed nolo cavillari; liberaliter agam. neque vero puto, etiamsi hæc plenissime concedantur, ideo totam rem esse confectam. Scimus enim jus nostrum ex innumeris Jurisconsultorum voluminibus, Rescriptisque Principum collectum esse, quorum exiguam tantum partem constituit: novimus porro, quod aliæ Constitutiones, aliaque Veterum scripta eo relata non sunt, quam quæ Justiniano, seu potius Triboniano, probarentur: ut de his, quæ rejecta
3. tractant; & quæ his similia sunt. Sed nolo cavillari; liberaliter agam. neque vero puto, etiamsi hæc plenissime concedantur, ideo totam rem esse confectam. Scimus enim jus nostrum ex innumeris Jurisconsultorum voluminibus, Rescriptisque Principum collectum esse, quorum exiguam tantum partem constituit: novimus porro, quod aliæ Constitutiones, aliaque Veterum scripta eo relata non sunt, quam quæ Justiniano, seu potius Triboniano, probarentur: ut de his, quæ rejecta

rejecta sunt, non nisi per solas conjectura-
rum nebulas judicare possimus. Quod si est, 4.
ut est verissimum, in ambiguo manet, num
forte Pandectarum tempore multo plura Re-
scripta & Commentaria exstiterint pro Mo-
destini mente, ac hodie in contrarium ex-
stant. Quin ego demiror, hunc ipsum, de 5.
quo agimus, locum adhuc superesse, ni id
propter elegantia ipsius Eurematica factum
videatur. Denique non adeo consuetudinis 6.
auctoritas à sententiarum multitudine depen-
det, quamdiu ipsa ratio, qua subnixa est,
controversiam patitur, *l. Quod non 39. π.
d. LL. juncta l. Sed licet 12. ff. d. Offic. Prae-
sid.* sed de ratione infra, oportuniore loco.

Suffecerit ergo haec ostendisse, quod XXIX.
ex objectis legibus non appareat, dictam Im-
peratorum Severi & Antonini Constitutio-
nem illo tempore jam pro certo jure recep-
tam fuisse; ad hoc, ut Modestino contra 1.
sentire licuerit, & in hujus contentionis sub-
sidium Eurematicum praescribere. Hunc enim
sensum ipse textus flagitat. Nam non ideo 2.
Modestinus patrem singulis separatim substi-
tuere vult, quoniam à Severo & Antonino
constitutum erat, ut eo in casu *verborum ab-
surditas substitutionem reciprocam ad solam vul-
garem restringeret* (quod tamen, si constitu-
tio ista Legis habuisset vigorem, necessario

3. fieri debuisset) verum cautionis securitatisque rationem allegat, *ne scilicet ulla voluntatis quaestio relinquatur*. Quin immo pro fundamento statuit, *in altero casu utramque substitutionem contineri, si voluntas parentis non refragetur*: quod allegatae saepius Constitutioni, ut mihi quidem videtur, è diametro repugnat. vel maximè quoniam, ut Ulpianus in *l. Si plures 24. ad fin. D. h. t.* adseverat, vix credendum est, aliam testatori in substituendo mentem fuisse, *nisi evidenter fuerit expressum*.
- 4.

XXX. Sed neque hanc difficultatem ullus dissimulavit Interpres, distinguentibus omnibus inter casum à Severo & Antonino comprehensum, ac illum, quem Modestinus proponit; tanquam scilicet dicti Imperatores de *simplici* formula loquantur, Jurisconsultus vero de ea, in qua vulgaris substitutio *nominatim* expressa est: aut etiam quasi illi formulam, in qua pluribus imparibus *conjunctim* substituitur, indigent; noster eam, in qua *separatim*. Amplius putant in Rescripto Imperatorum contrariam testatoris voluntatem colligi ex vocis incongruentia.

XXXI. Cæterum neque ego solus huic tam generali definitioni auderem intercedere, si vel
 1. ullo modo id à me impetrare potuissem. Certè ubi animus primo vacillare incepit, obstabat

bat diu gravissimorum Virorum auctoritas,
 & reluctanti intellectui quasi vim inferebat.
 Tandem vero, omnibus diligenter circumspec-
 tis, communem receptamque opinionem de-
 ferere debui. Sive enim *precedentis* §. 2.
 tractatum consularem, unde hæc nova quæ-
 stio subnata est; altum istic de ejusmodi dis-
 tinctionibus silentium; sive etiam ad hujus
 ipsius §. connexionem attenderem, repe-
 ricbam Modestinum de *hoc* proprie casu lo-
 qui, id est, de eo, de quo Severus & An-
 toninus rescripserant. Sed nec ullam in toto 3.
 Rescripto *voluntatis* considerationem animad-
 vertere potui, & in cæteris quoque allegatis
 legibus ne *quid* quidem de voluntate testato-
 ris. Videbam equidem periodum, *si vulga-* 4.
ri modo impuberi quoque substituatur istis dis-
 tinctionibus ansam præbuisse; sed tamen ap-
 parebat simul eandem quoque commode ad 5.
 tacitam & generalem formulam, quæ Re-
 scripto continetur, referri, cum vocabulum
substituto primitus & per se vulgarem tantum
 substitutionem importet, & sic in eodem
 communi verbo quæri possit, *an testator de*
una vulgari tantummodo substitutione in utrius-
que persona sensisse intelligatur. 6.
 Cœpi insu-
 per cogitare, num forte ea Constitutio, tan-
 quam nudus actus judicialis adduceretur à
 Modestino, quo non obstante, quia senten-
 tiis

tiis insequuti temporis non erat plenè comprobatus, ipse suam opinionem liberè proferret, dato interim majoris Cautelæ gratiâ remedio, quo quis adversus ejusmodi disputationes tutus esse posset.

- XXXII. Deinde, ubi me paulatim collegissem, veritatis fiducia audacior factus in causam inquisivi, cur non, more istius sæculi, Constitutio illa universali consuetudine esset stabilita: atque hunc in finem rationes utriusque sententiæ ponderabam, à quibus præcipuè jus
1. non scriptum pendere noveram. Et sane, salvo meliore judicio, aliquanto debiliorem hac in re Imperatorum ratiocinationem repperi. Etenim quæ est absurditas, quæso, quod idem verbum in diversis personis diversimode
 2. accipiatur? Hoc enim si est, quo colore excusari poterit, quod in contractibus in eâdem personâ unum idemque vocabulum diversa notet? Nimirum ubi *arbitrio* alicujus negotium committitur, non tantum illud vitiari intelligitur, ubi designata persona non est *arbitrata*, sed & ubi injuste *arbitrata* est. l. 75. 76. 77. 78. 79. & 80. ff. pro Soc. atque hoc tamen, tanquam à ratione naturali profectum, laudatur ab omnibus. Plus dicam.
 3. In ipsa pupillari substitutione *testamentum*, in quo substitutio facta est, nunc pro uno *testamento* duarum causarum habetur, nunc
- rur-

rursus pro *duplici*; prout vel mater pupilli, vel avunculus præteriti sunt, §. 2. *Instit. d.* 4
Pupill. Substit. idque potissimum Papiniano auctore receptum, l. 8. §. 5. ff. *d. Inoffic. testam.* qui sub iisdem hisce Imperatoribus floruit. Ut satis abundeque appareat, etiamsi 5
in eo Imperatoribus assentiremur, quod ex scripto & verborum proprietate hæc res determinanda esset, tamen non ita extra omnem juris rationem usumque fore, si vel ex eo principio aliud concluderemus.

Cæterum præferrem ego Modestini argumentationem, qui mihi ex alio fonte opinionis suæ rationes hausisse videtur. Vult nimirum, spretâ vocabulorum anxietate, non nisi 1.
ex præsumpta ac probabili testatoris mente interpretationem fieri: hanc vero si spectamus, in altero utramque substitutionem intelligi. 2.
Nam quia reciproca substitutio gaudet compendio locutionis (*διὰ ἑραχέων* Græci vocant) non debet illud compendium voluntatem testatoris evertere per solam verborum subtilitatem. Præterea sicut in huiusmodi 3.
formulæ brevitate ipsa vulgaris substitutio subintelligi debet, quid ni & pupillaris eadem operâ subintelligeretur? certè in ea persona, in qua pupillaris quoque usum habet; cum nihil aliunde adferatur, quod intellectus latitudinem coangustet; e contrario cum tale verbum
bum

- bum adhibuit testator, quod pro ratione sub-
 4 §. 1. *h. l.* Neque enim hanc subtilitatem
 cogitasse videtur, quod solâ copulâ puberis
 5 & impuberis providum hocce consilium suum
 turbaret. Atque hæc omnia convenienter
 regulis Juris, quæ suprema morientium elo-
 gia benigne & favorabiliter interpretari vo-
 lunt *l. Cum in testam. 24. ff. d. Reb. dub. ma-*
ximè si mutua, seu reciproca fuerint, argu-
mento l. Si pater 12. C. de Inoffic. testam.
 6. Quemadmodum vero omnis præsumptio ve-
 ritati cedit, ita & hæc, ubi aliunde apertè
 constat, *parentis voluntatem refragari.*

S E C T I O V.

- XXXIV Habes genuinam, ut ego censeo, utrius-
 que argumentationis formam. Quod si cui
 forte in partibus eligendis errasse videar, ha-
 bebo tamen, quod mihi gratuler, si is me
 Modestini, idem sentientis, mentem assequu-
 1. tum fateatur. Quod ut magis elucescat, pau-
 lo fusius vulgatam distinctionem, quam in
 præcedentibus attuli, ab hac lege alienam es-
 se demonstrabo; tum etiam Imperatores Se-
 verum & Antoninum diversis principiis usos
 ab his, quibus Modestinus utitur. qua in re
 potissimum omnis cardo quæstionis vertitur.
 Quod

Quod ad priorem Doctissimorum Viro- XXXV.
rum distinctionem attinet, tanquam videlicet
Imperatores de *tacita* communi formula
agant, Modestinus de *expressa*, ea quidem
propius accedit ad hujus loci connectionem
verbaque Modestini, sed tamen interim dif-
ficiliorem quoque ipsis conciliationem reddit.
Nam si *tacita* formula testatoris voluntati re-
pugnare videtur, quia *incongruens est*, ut in
altero duplex sit substitutio, in *altero sola vul-*
garis, quanto magis *expressa*? Quid? quod
ipse Modestinus hac in parte sui defensionem
arripiat, dum in l. 195. ff. d. Div. reg. jur.
ant. aperte testatur, *Expressa nocent, non ex-*
pressa non nocent. Adeoque si ejusmodi facienda
esset distinctio, apparet, favorem interpreta-
tionis ad *tacitam* & generalem formulam in-
clinare debere, non ad *expressam*, in qui
angustior voluntatis conjectura. Et tamen
juxta eos in Modestini *expressâ* formulâ vo-
luntatis quæstio relinquetur, in Imperatorum
tacitâ nulla; quod absurdum.

Altera distinctio vult Imperatores de *con-* XXXVI
juncta reciproca loqui, Modestinum de *se-*
parata: ac si nempe, cum Imperatores dicunt,
Eosque invicem substituo, Ju-
risconsultus talem sibi formulam proponeret
examinandam, SI PUBES FILIUS HE-
RES NON ERIT, IMPUBES HERES
ESTO,

- EST, ET SI IMPUBES HERES NON ERIT, PUBES HERES ESTO; & quod tum posteriorem hujus formulæ partem ita corrigat, *Si autem impubes heres exstiterit, & intra pubertatem decesserit, pubes frater in portionem coheredis substituatur*; ut scilicet in utrumque eventum substitutum prospectum sit, ne, si vulgari modo impuberi quoque substituatur, voluntatis quæstionem relinquat, utrum de una vulgari tantummodo substitutione in utriusque persona sensisse intelligatur. Hæc, ni fallor, summa est istius sententiæ; quæ subtilior quidem est, sed tamen nimium à
2. scopo aberrat. Scilicet Modestinus more Veterum aliquanto altius rem repetens, alterumque ex altero methodice deducens, subsistit tandem in quæstione, de qua acturus est, hoc est, in Rescripto Severi & Antonini. Nam postquam ejus contentum rationemque retulisset, subjicit statim, *Hoc itaque casu, &c.* pollicitus adeo de proposito casu allaturum se aliquid; & tamen interim secundum DD. nihil adfert, quod Rescriptum hocce attingit, verum longe diversum casum examinat. Sed præter tractandi ordinem, etiam ratio, quam in sequent. subjicit, manifeste ostendit, eum formulâ suâ conjunctam reciprocam respexisse, non separatam. Quomodo enim de una vulgari tantum-
 - 3.
 - 4.

summodo substitutione in *utriusque* persona
 sensisse intelligi potest, qui *singulis separatim*
 substituit? aut quomodo *una* tantum vulga-
 ris substitutio in *utriusque* persona voluntatis
 quæstionem paritura est, ubi *singulis separa-*
tim est substitutum vulgari formula? Immo 5.
 vero putem in separata formula nullam om-
 nino, ne verborum quidem, multo minus vo-
 luntatis quæstionem esse. nam ubi impubes
 frater mortuus est, puberem ei indistincte suc-
 cedere debere existimo, sive in primum, si-
 ve in secundum casum, idque vi substitutio-
 nis sibi soli factæ. Nam in altero casu alte-
 rum contineri ipse noster in *pr. h. l.* docuit:
 neque jam impedimento erit incongruum lo-
 cutionis in duobus imparibus, cum in sepa-
 rata substitutione quælibet suam naturam ser-
 vet, & unicuique distributivè facta censea-
 tur. Quod sane miror Fachineum & alios 6.
 complures quos ille citat, mecum defendere,
 cum tamen cæteroquin communem opinio-
 nem sequi videantur. habet hoc *Lib. IV. c.*
68. quod inscribitur, *Vulgaris substitutio se-*
paratim facta personis imparibus, an contineat
tacitam pupillarem. Quod si igitur talem si- 7.
 bi casum proposuisset Modestinus, potuisset
 quidem æque Eurematicum aliquod præscri-
 bere, ne facile controversiæ litisve metus ef-
 set, quod etiam in rebus explorati juris fieri

solere paulo post ostendemus : verum, ne voluntatis quæstio relinquatur, ubi nulla est, formulam præscribere non potuit.

- XXXVII. Postquam igitur pluribus ostendi unum solummodo simplicemque reciprocæ substitutionis casum in toto *hocce* §. 2. ventilari, restat ut similiter, quod promisi, probem, diversum Imperatoribus principium esse ab eo, quod Modestinus sequitur : & sic ultrò liquebit de utriusque responsionis in eodem casu
1. diversitate. Imperatores igitur pro sua Constitutione adferunt, *quod incongruum videatur, ut in altero duplex sit substitutio, in altero sola vulgaris.* At noster, quia eo in casu voluntatis quæstio esse potest, *utrum testator de una vulgari tantummodo substitutione in utriusque persona sensisse intelligatur.* & rationem redditurus, cur non idem sentiat cum Imperatoribus subjicit, *Ita enim in altero utraque substitutio intelligitur si voluntas parentis non refragetur.*
 2. Vides quemadmodum ab una parte vocabulorum proprietas, ab altera voluntatis conjectura in arenam descendant.
 3. Non me latet, quomodo eruditissimi homines priorem rationem cum sequenti conciliare & confundere satagunt, quasi nimirum testator hujusmodi commune verbum adhibendo tacite contrariam voluntatem professus videatur;
 4. sed vereor, ne incassum. Quis enim, fodes,

sodes, in extremo vitæ articulo positus, in quo plerumque testamenta conduntur, tam subtilis animadversionis est, ut jungendo communi formula duos filios, quorum forte alter pubes alter impubes est, de excludenda in impubere pupillari substitutione cogitasse præsumatur? maximè, quia verbo usus est, quod per interpretationem in utrumque casum accipitur, & tantum ex hoc accidenti per locutionis incongruentiam vitiatur? quam pauci insuper testatores Juris adeo periti, ut hoc attendere possint? Quum igitur talia vix ac ne vix quidem in testantis cogitationem cadant, *l. Hac consultissima 8. vers. Cum. C. Qui testam. fac.* periculosum est, inde voluntatis conjecturam metiri. Sed nec ipsi Imperatores voluntatis meminere, sed tantum incongruens in ipsa formula causantur; & sic passim fit, ubi hæc quæstio secundum ipsos deciditur, ut supra jam observavi. Præterea quomodo Modestinus, si Imperatores in proposita specie propter satis evidentem testatoris voluntatem pupillarem substitutionem excluderent, quomodo, inquam, ille in eodem casu affirmare posset, etiamnum voluntatis quæstionem relinqui, an de sola vulgari, an item de pupillari testator sensisse intelligatur?

Verum ne ulterius argumentanti mihi cre-

dere necesse sit, ipse Imperator Alexander Constitutione sua providit, in l. 4. C. h. t. Apertissimè enim voluntatis præsumptionem ab hac vocabulorum incongruentia separat, his verbis

- I. *Imp. ALEXANDER A. Firmiano. Quamvis placuerit, substitutionem impuberi, qui in potestate testatoris fuerit, à parente factam, ita SI HERES NON ERIT, porrigi ad eum casum, quo postquam heres exstitit, impubes decessit, si modo non contrariam defuncti voluntatem esse probetur: cum tamen proponas, ita substitutionem factam esse, SI MIHI FIRMIANUS FILIUS MEUS, ET ÆLIA UXOR MEA (QUOD ABOMINOR) HEREDES NON ERUNT, IN LOCUM EORUM P. FIRMIANUS HERES ESTO: manifestum est, in eum casum factam substitutionem, quo utrique heredum substitui potuit.*

2. Quo quid potest evidentius? Ait enim, licet vulgo quidem substitutionis formula ex probabili voluntate testatoris exponeretur, hinc tamen id fieri non posse, cum manifestum sit, *in eum casum factam substitutionem, quo utrique heredum substitui potuit, id est, in casum secundum; nam primus in uxorem cadere non potest. Verum hoc* cene ex ulla volun-
- 3.

voluntatis conjectura? Haud quaquam. hanc enim jam relegavit ad priorem Rescripti partem, in casibus quæ regulariter & vulgo accidunt, quales in *pr. & §. 1. Legis nostræ*. Unde ergo? Quia non accuratius id scripsit testator, & quia *incongruens videtur, ut in altero duplex sit Substitutio, in altero sola vulgaris*. Amplius, ita constitutum in expressa reciproca, in qua cæteroquin expeditior esset hujusmodi voluntatis conjectura, quam in tacita, qualem in Modestini Lege habemus, ut §. XXXV. assertum dedimus. Sed & eandem prorsus exceptionem format Alexander in priore Rescripti parte, quam noster in §. 2. ad casum à Severo & Antonino propositum, quemque Alexander in posteriore Constitutionis suæ parte tractat. Nam, ut Modestinus ait, ita in altero utramque substitutionem intelligi, *si voluntas parentis non refragetur*, sic Imperator Alexander, hoc ipso casu excepto, in cæteris observari affirmat, *si modo non contrariam defuncti voluntatem esse probetur*. Sed res clara est. ut adeo, qui hîc cum Imperatoribus sentire se autumant, Rescripta eorum verbis quidem probent, reipsa tamen valde ab iis dissentiant, cum aliud Imperatoribus, aliud ipsis decidendi principium sit; quin plane contrarium.

XXXIX Cæterum coronidis loco subnecto hanc Imperatorum sententiam ex scintillis diffidii

1. Curiani, ut ita loquar, natam. Nimirum semper Jurisconsulti, cum aliàs, tum præcipuè in testamentis, liberius nonnulli & ex æquitate magis, alii vero strictius magisque ex loquendi proprietate verba interpretati sunt. Sic ad propositam speciem in *l. 116. D. de V. S.* consultor ait, *mihi Labeo videtur verborum figuram sequi, Proculus mentem testantis.*
2. Adeo autem hæ altercationes olim viguère, ut Cicero testetur, *At in hoc pueri apud magistros exercentur omnes, cum in ejusmodi causis aliàs scriptum, aliàs æquitatem defendere doceantur, de Orat. Lib. I. c. 57.* Et hoc quidem, quoad contractus, supra quodammodo attigi, in celebri illa Sabinianorum & Proculæianorum controversia. Porro & exemplum exstat apud eundem Cic. *Lib. III. de Offic. c. 16. M. Marius Gratidianus, propinquus noster, C. Sergio Orata vendiderat ades eas, quas C. Adducta res in judicium est. Oratam Crassus, Gratidianum defendebat Antonius. Fus Crassus urgebat: ... æquitatem Antonius: ...* In Substitutionibus certe à primordio acriter inter se commissa sunt jus & æquum,
3. scriptum & voluntas. Hanc autem discordiam, ut dixi, vehementer intendit Crassi & Scævola in causa Curiana contentio, cum alter ex scripto testamentorum jura defenderet, alter

alter mentem patrisfamilias urgeret. Quod 6.
 ut passim indicat Cicero, ita concinne & ele-
 ganter in Orat. pro Cæcin. c. 18. Ornate,
 inquit, & copiose L. Crassus, homo longe elo-
 quentissimus cum contra eum prudentissi-
 mus homo Q. Mutius diceret, probavit omni-
 bus M' Curium, qui heres institutus esset, ita
 mortuo postumo, cum filius non modo non mor-
 tuus, sed ne natus quidem esset, heredem esse
 oportere. Quid? Verbis hoc cunctum erat? mi-
 nime. Quæ res igitur valuit? Voluntas: quæ
 si tacitis nobis intelligi posset, verbis non utere-
 mur: quia non potest, verba reperta sunt, non
 quæ impedirent, sed quæ indicarent voluntatem.
 hæc ille. Idem rursus de Orat. lib. I. c. 57. An- 7.
 tonium ita Crassum alloquentem inducit,
 Nonne arripuisti patrocinium aequitatis, & de-
 fensionem testamentorum & Voluntatis mortuo-
 rum? cum & illud nimium acumen
 eluderes & admirarere ingenium Scævola
 nempe ejus omnis oratio versata est in eo, ut
 Scriptum plurimum valere ostenderet. Immo 8.
 vero alibi Cicero refert, quod jam Scævolæ
 pater semper jus illud esse defenderat: sicut
 de Crasso testatur, quod Q. Mucio socero
 aliisque peritissimis hominibus auctoribus usus
 sit. Estque adeo utraque hæc sententia 9.
 deinceps per sectas propagata, ut sequenti-
 bus temporibus utrimque animose & acriter

- defenderetur; idque variâ interim fortunâ, quoniam nunc pro hac, nunc pro illa iudicatum fuit. Primo autem Q. Mucii sententia Centumvirali iudicio convulsa est, sed tamen receptis viribus denuo invaluit, ut monstravi. Ast vero per Rescriptum Divi Pii majorem in modum labefactari cœpit; quod quidem, quia ulterius pergebat statim receptum non fuit, sed tamen effecit, quo magis sine ulla religione Divus Marcus & Verus
10. Crassi opinionem amplecterentur. Post id vero tempus adeo succubuit Scævola opinio, ut tandem etiam Divi Pii Rescriptum invalesceret. Sed quid? an & illud communiter receptum, quod ubi duobus imparibus communi formula substitutum esset, adhuc meram Voluntatis conjecturam sequeremur? Profecto hic non tantum scriptura obstabat, quam tuitus est Q. Mucius, sed & locutionis proprietas & Verborum congruentia. Ut
11. adeo hic substitutionum jus substiterit, dubium, in quam partem sese inclinaret. Ambo Severi & Paulus Jurisconsultus, in hac saltem specie Q. Mucii argumentationem procedere debere existimabant: contra Modestinus cum suis (proculdubio & Ulpianus, Pauli in multis Antagonista, hujus vero præceptor) nullam civilem causam videbat obstare, quominus & in hoc casu parentis voluntas
12. 13.

luntas præsumenda esset, dummodo non aliunde contrarium appareret. Sed posterioribus Principibus decessorum suorum opinio placuit, eaque in Codices relata juri scripto annumerari cœpit.

14.

Prudenter itaque Modestinus in hoc voluntatis & civilium rationum conflictu formulam præit, qua pater duobus suis filiis, alteri puberi, alteri impuberi, secure substituere possit. Monet autem *singulis eum separatim substituere debere*, hoc modo, SI PUBES HERES NON EXSTITERIT, *impubes ei substituatur*, SI AUTEM IMPUBES HERES EXSTITERIT, ET INTRA PUBERTATEM DECESSERIT, *pubes frater in portionem coheredis substituatur*: non quasi hoc ipse necessarium judicaret; minime vero, nam *ita in altero casu utramque substitutionem intelligi putabat, nisi voluntas parentis refragetur*; sed ut in utrumque eventum & delatæ & acquisitæ hereditatis pubes frater substitutus videatur. *ne si vulgari modo impuberi quoque substituat*, hoc est, si communi formula utatur, qua extrinsecus non tantum puberi, sed impuberi quoque vulgari modo substitutum videtur, qui casus est ab Imperatoribus initio hujus s. propositus, ne, inquit, eo in casu voluntatis questionem relinquat, *utrum de una tantummodo vulgari sub-*

XL.

I.

23.

stitutione in utriusque persona sensisse intelligatur.

3. Posset enim contra hanc paternæ voluntatis conjecturam Imperatorum ratiocinatio inferri, posset etiam fortassis hinc inde aliquid adduci, quod contrariæ voluntatis suspicionem moveret: atque hujusmodi objectiones, si substitutionem non evertant semper, tamen in magnum periculum deducere possent.

- XLI.** Verum enimvero nondum hic acquievit cura Jurisconsulti nostri, dum, datam formulam quodammodo corrigens, postremo versiculo subjicit, *Vel certe questionis evitanda*
1. *gratia specialiter in utrumque casum impuberi substituas fratrem, SIVE HERES NON ERIT, SIVE ERIT, ET INTRA PUBERTATIS ANNOS DECESSERIT.* Mirum hoc considerantibus *pr. h. l.* ubi pro certo jure assumptum fuit, substitutionem, quæ in alterum casum fit, in utrumque factam censeret: adeoque his nimia Modestini sollicitudo videri potest. Sed scire debemus
 3. probi Jurisconsulti esse, non tantum ab eo cavere, quod contentiosum incertumque est, ut in præcedentibus fecit Modestinus, verum & ab eo, quod per se quidem certum, sed tamen litibus cavillationibusque obnoxium esse posset; utique cum certior via pateat
 4. *omnis evitanda questionis.* Non sufficit igitur Modestino substitutum securum reddidisse, sed

sed & omnes vitiligationes præscindere voluit. Etsi id enim apud omnes receptum esset, poterat tamen adhuc Q. Mucii argumentationibus inquietari. Præsertim cum litigiosis hominibus raro prætextus desint, quibus non dicam receptas consuetudines, sed vel ipsas leges scriptas vellicare non erubescant. Quod cum passim, ita in primis in hereditatibus usu venit, re admodum lucrosa, cui tenacissime adhærent, qui modo ullâ adipiscendi spe lactantur. Non ergo vanam operam lusit noster in tali re, in qua non potuit nimium sollicitus esse.

Tenes meam, L. B., de hoc eleganti, sed XLII. perdifficili loco sententiam, in qua saltem aliquid futurum spero, quod assensum tuum mereatur.

CAPUT OCTAVUM.

*Ad L. Si per epistolam 50. D.
d. Acquir. v. omitt. heredit.*

*MODESTINUS [Libro Singulari
de EUREMATICIS.]*

Si per epistolam servo pupilli tutor hereditatem adire jusserit: Si post subscriptam epistolam tutor moriatur, antequam ex epistola servus adiret, nemo dicturus est, obligari postea pupillum hereditati.

SUMMARIA.

- I. Transitus ad sequentia Modestini Eurenematica.*
- II. Hanc legem ad privilegia pupillorum pertinere.*
 - 1. Usam interpositæ personæ moribus inductum esse. remissive.*
 - 2. Nunquam tamen eo pervenisse, ut ubivis procederet.*
 - 3. Pra.*

3. *Præsertim non in hereditatis additione.*
4. *Id demum Procuratori Principis indulgeri.*
5. *Quin & pupillis hac in parte gratificatum esse.*

III. *Non omni pupillo hoc privilegium competere, sed infanti tantum.*

1. *Et cur in eo requiratur, ratio non inficeta.*
2. *Apposita Seneca & Pomponii loca.*
3. *Quid juris in infantiam egresso.*
4. *Idem verum esse, etiamsi causam adquirendæ hereditatis non intelligat.*
5. *Talis pupilli cum furioso comparatio.*
6. *Cui tamen hac in parte præfertur.*
7. *Observatio ex Legum inscriptione.*

IV. *Alia inspectio in pupillo infante.*

1. *Servi pupillaris in adeundo primas partes videri, secundas tutoris.*
2. *Eundem quoque ordinem in alio actu legitimo præscribi.*
3. *Argumentum ex Modestini loco.*

V. *Termini hujus Legis.*

1. *Primo, pupillum infantem hic intelligi debere.*
2. *Secundo, aque hic ipsum pupillum, quam servum ejus, institutum haberi posse.*

3. *Et*

174 *Henrici Brenkman, J.Cti,*

3. *Et tamen hoc tutò glossis dari.*
4. *Prioris postulati necessitas adstructa.*

VI. *Aliud pupillis privilegium circa omissionem hereditatis.*

1. *Verba Modestini eâ de re.*
2. *Privilegii hujus insolentia ex comparatione mandati adaucta:*
3. *Cum primis vero ex præcedentis privilegii collatione.*
4. *Affertio Modestini.*

VII. *Fundamenta utriusque privilegii, tum in adeundo tum in omitendo, sibi invicem prorsus contraria.*

1. *In priori id omni modo agi, ut pupilli & tutoris personæ coädunentur.*
2. *In altero rursus, ut sejungantur.*
3. *Causa privilegii hujus posterioris.*

VIII. *Moriente tutore meliorem infantis, quam infante majoris conditionem esse.*

1. *Ratio hujus definitionis.*
2. *Jussus & auctoritatis diversitas ex Cassio observata.*
3. *Jussus per epistolam interponendi mos.*
4. *Conciliantur l. 25. §. 4 ff. h. t. & §. 2. Inst. d. Auct. tutor.*

5. *Vis & significatio vocabuli statim.*

6. *Testimonium Ciceronis.*

IX. *Nullum huius legi Eurematicum subesse videri.*

1. *Hocine cum inscriptione ejus conciliari queat.*

2. *Nihil tamen adferri, quominus genuinam esse tueamur.*

3. *Quid sibi velint characteres [] in ple-
risque editionibus; ex observatione Am-
pliss. C. van Bynkershoek.*

4. *Quemadmodum igitur accipienda sit Lex
nostra.*

5. *Non nisi conjecturis rem transigi posse.*

6. *Conclusio.*

TAndem ex tam arduis & salebrosis quæ-
stionum anfractibus per avia emergi,
hic & in sequentibus aliquanto liberiores
aërem spirabimus. Quamvis tamen non
omnia sic sentibus vepribusque obsita putem,
quin eò, quò nos viam paravimus, nec
difficile adeo, nec forte etiam inamœnum
transeuntibus iter eveniat: sed pergamus, si
placet.

Quam sollicitè ubivis & extra ordinem
Jura pupillis opitulentur, in tantum, ut
etiam quandoque contra ipsa sua principia
insurgant, vel hic locus docere poterit.
Vidi-

1. Vidimus supra ad *l. Si procuratorem* 65. ff. d. *Procur.* usum interpositæ personæ ut apprimè necessarium, moribus introductum esse
2. contra jus subtile ac rigidum. Postquam igitur usus procuratorum, contra regulas Juris receptus, jam ordinarii Juris esse cœperat, nunquam tamen eo pervenire potuit, ut in omnibus omnino actionibus locum haberet. Quantumvis enim favorabilis judicaretur, remanserunt nihilominus actus quidam legitimi, qui vicariam hanc operam præfractè respuerent. *l. Actus Legitimi* 77. ff. d. R. J.
3. *l. Nemo* 123. ff. *cod.* In his autem non ultimum locum obtinet hereditatis aditio d. *l. 77.* ff. d. R. J. Et sic Paulus diserte de ea respondit, *per curatorem hereditatem*
4. *adquiri non posse l. 90. pr. ff. h. t.* Quamobrem etiam privilegiis Principum accensetur, quod, cum Cæsari hereditas delata est, Procurator ejus, vel ipse, vel per servum Fiscalem ejus jussu hereditatem adire queat.
5. *l. 1. §. ult. l. 2. ff. de Offic. Procur. Caf. vel Ration.* Verum ut in aliis Juris articulis, ita & hîc pupillis gratificari placuit, favoreque eorum extorsit, ut etiam per tutorem heredes fieri possint, *l. Si infanti* 28. §. 2. *C. d. Jure delib.*

III. Sed, ne quid temerè hic concessum putet, non omni pupillo sed *infanti* hoc datum

tum est, qui adhuc nescit, quid agat, l. Servo 65. §. Si pupillo infanti ff. ad Senatusconsult. Trebellian. Neque enim is tutore 1.
 autore agere quicquam potest, l. 1. §. Sufficit ꝑ. d. Admin. & peric. tut. sed omnia per tutorem agit. Cujus rei ratio clara & evidens est. haecenus enim omnis in eo facultas voluntatis quasi dormit ac quiescit, neque tutoria auctoritate suppleri potest, quod iudicio illius deest, qui nondum ullum habet. vide, quaeso, l. Pupillus 189. D. de R. 7.
 Et hinc pereleganter Seneca epist. CXVIII. 2.
 hanc ætatulam irrationalem vocat. nec consentire potest, dicit Pomponius in l. Si tibi 8. §. 2. ff. d. Opt. leg., qui sentire non potest.
 Ubi vero infantiam egressus est pupillus, 3.
 actus & voluntas ejus, quæ tum exserere se incipiunt, in adeundo necessaria esse intelliguntur. Nam si quid, nesciente eo, tutor egit, hereditatem illi non acquirit, ajunt Imperatores in l. Potuit pupillus 5. C. h. t. Atque hoc simulac pupillus fari potest, licet hujus 4.
 ætatis sit, ut causam adquirenda hereditatis non intelligat: neque enim scire, neque decernere talis ætas potest, non magis, quam furiosus, 5.
 l. Pupillus 9. ff. h. t. præsertim in hisce, quæ animi destinatione agenda sunt, ut hic, c. Intotum 76. D. d. R. 7. Nam iudicium illius & intellectus, quibus eo tempore pollet, ad
 M hucdum

hucdum perquam debilia ac tenuia sunt. Unde & hoc *favorabiliter pupillis præstari* Paulus in *d. l. 9.* asserit. Immo in hoc ipso, quod jam tum omnia ex tutoris auctoritate gerunt, furiosis diserte præferuntur in *l. In negotiis 5. ff. de R. 7.* quæ ejusdem Pauli est, & ex eodem Libro; adeoque ad *d. l. 9.* necessario referenda.

IV. Rursum observo, quod si pupillus *infans* est, ut ipse hereditatem adire non possit, tunc tutor non statim adeat, sed fere prius *servum* pupilli, nomine domini, hereditatem jubeat adire; quod si ille servum non habet, ut tum demum ipse tutor pro eo id facere debere videatur. Certè in alio actu legitimo talis ordo tutori præscribitur, in *l. 9. ff. d. Administr. & peric. tut.* Et in allegata *l. 65. §. ff. ad SCtum Trebell.* ubi *pupillo infanti* hereditas restituenda est, *servi* quoque ratio habetur. Denique ipse noster in *l. Homo 54. π. de Acquir. rer. dom.* in genere statuit, *Homo liber hereditatem nobis acquirere non potest*: certo indicio, id valde extraordinarium esse, quò, nisi ordinariis mediis deficientibus, procedendum omnino non est.

V. Quod si est, facile apparet, quinam termini huic Legi ponendi sint. Et quidem primo ex jam dictis certum est, *pupillum*, cujus

jus in ea mentio fit, adhuc *infantem* statui debere. Insuper secundum hæc *ipse pupillus* 2.
heres institutus haberi potest, nec necesse est cum glossis præcisè id in *servo* statuere. Verum sit servus heres, si quidem ita velint, 3.
quoniam hoc ad summam rei parum confert; dummodo, ut dixi, statuamus *pupillum infantem*. nam aliàs aut ipse, tutore auctore, 4.
hereditatem adire deberet, si *ipse* institutus esset; aut si *servus* ejus, ex ejusdem tutoris auctoritate deberet illum jubere, ut adeat, quod tamen hîc tutor fecisse proponitur; & sic obstaret d. l. 5. C. h. t.

Habes unum remedium, seu unam fictionem, quæ pupillorum favore extra ordinem introducta est: accipe & alteram ex hac Legge, quæ æque elegans erit, & huic ex parte contraria. Nimirum *postquam tutor servo pupilli hereditatem adire jusserat, post subscriptam epistolam*, qua id jusserat, (lege *post scriptam epistolam*, ut est apud Russardum & Charundam in notis marginalibus) *mori-* VI.
tur, antequam ex ea servus adiret; atque hinc concludit Modestinus, *quod nemo dicturus sit, obligari postea pupillum hereditati*; etiamsi videlicet servus jam adiisset, nondum renun- I.
ciatâ sibi jubentis tutoris morte. Et hoc 2.
tamen valde extraordinarium & insolens esse quis non videt? Nam vel ipsum mandatum,

quod longè molliorem naturam habet, ac jussus, sustinetur tamen adhuc, si mandatarius aliquid fecit post mortem mandantis, antequam eam rescivit. Accedit, quod in hoc jussu per antecedentem fictionem persona pupilli repræsentatur à tutore, ut qui vicariam tantum operam accommodat; ac proinde mortuo illo tutore, adhuc principalis persona superest pupillus, qui per aditionem quasi contrahit. neque enim ipse tutor, licet ulterius vixisset, per eam heres fuisset factus, sed pupillus, qui adhuc superest. Et tamen asserit Modestinus, *quod nemo dicturus sit obligari postea pupillum hereditati.* quod rursus admodum singulare est.

- VII. Quemadmodum igitur in præcedenti casu, ubi aditio hereditatis erat facienda, quæ actibus legitimis annumeratur, atque adeo regulariter per interpositam personam celebrari non potest, quemadmodum, inquam, eo in casu id omni modo actum fuit, ut una esset tutoris ac pupilli persona, quodque ab eo gestum esset, perinde haberetur ac si pupillus ipse gessisset; ita è contrario hîc, ubi de jussu annullatione agitur, omnia eo tendunt, ut diversæ omnino personæ videantur pupillus & tutor, neque hujus factum, licet pupilli nomine initum, eum teneat. quod diligentissimæ observationis est. Videtur autem

tem hoc privilegium dubia hereditatum alea expressisse, propter quam nec *infante major* pupillus hereditatem sine tutore adire potest, utcunque lucrosa sit. §. *Næque tamen* 1. *Instit. d. Auctor. Tutor.*

Unum hoc addam, quod in casu morientis tutoris paulo post, quam hereditas aliqua adita est, longè melior sit *infantis*, quam *infante majoris* conditio. Nam infante major, quia ipse ex auctoritate tutoris hereditatem adire debeat, statim ac tutor auctoritatem interposuit, heres fit, nec postea facere potest, quominus pro herede conveniatur: cum, si infans sit, (ut in casu legis nostræ) & post jussum tutor moriatur, adhuc integrum ei sit, velitne heres esse, nec ne. Ut adeo hic multum differant *jussus* & *auctoritas*, quemadmodum ex Calpilio diligenter notat Ulpianus in l. *Si quis mihi* 25. §. 4. ff. h. t. *Jussum ejus*, inquit, *qui in potestate habet, non est simile tutoris Auctoritati, quæ interponitur perfecto negotio: sed precedere debet, ut Gajus Cassius Lib. II. Juris Civilis scribit; & putat vel per nuncium fieri posse, vel per epistolam. sicut etiam per epistolam in lege hoc nostra jussum interpositum dicitur. Quod autem ait, quæ perfecto negotio interponitur, ἐν συγμῇ accipiendum est, hoc est in puncto temporis, & ἐν πράττει,*

non cum intervallo aliquo seu *laxamento*; acsi nimirum diceret, *statim ac perfectum est*, & quasi calente adhuc negotio; ne videlicet pugnet cum §. 2. *Instit. d. Auctor. Tutor.* ubi ait Imperator, *Tutor autem statim, in ipso negotio præsens debet auctor fieri.* Et hæc quoque vis est & significatio vocabuli *statim*. Nam *statim* est, dum *statuit*, dum negotium perficitur, antequam transeat ad aliud. Simili ratione adhibet hanc vocem Cicero de *Harusp. respons.* c. 1. ubi de P. Clodio dicit, *Haud potest gravioribus à me verbis vulnerari, quam est STATIM in facto ipso, à gravissimo viro P. Servilio confectus ac trucidatus.* Sed hoc ἐν παρόδῳ.

- IX. Expectabitur jam avide, credo, quodnam hinc Eurematicum deducturus sim. Sed, si quod res est, dicam, non multum hinc invenio, quod Cautionem sapit. Atqui id postulat inscriptio! Mane, quæso; audies, quid sentiam. Esset forte, qui inscriptionem Legis, quia uncinulis inclusa est, suspectam postularet. Verum, quominus & mihi dubiæ fidei videatur, faciunt inscriptiones antecedentis legis & subsequenter. his enim, simili notâ inclusis, nemo tamen unquam status controversiam movere ausus est. Præterea vehementer me confirmat singularis accuratio Amplissimi Cornelii van Bynkershoek,

hoek, summi Jurisconsulti, quem honoris causa nomino. Observat autem Vir Ampliss. ex Taurellii ante suas Pandectas præfatione, ea sola, quæ parenthesi vulgo continentur, non haberi in archetypo Florentino: at uncos illos à Ruffardo, &, qui eum sequuti, Charunda, Pacio, Gothofredo, tantummodo adhiberi ad denotanda ea, quæ Haloander non habet; in his vero cum primis *Legum inscriptiones* numerari, utpote quas ille ferè omisit à Lib. XXV. II. adusque finem. Vide omnibus numeris absolutam dissertationem ad *L. Lecta 40. ff. de Reb. credit. &c. cap. XI.* Puto igitur, ut ad rem revertar, 4.
 Compilatores Pandectarum hunc locum quidem ex *Modestini Libro singulari de Eurematicis* desumpsisse, sed non propter ipsum Eurematicum, ut cæteros plerosque; verum ut materię *de adenda vel omittenda hereditate* inserviret, neglecto, quod ei adhærebat, Eurematico. Num autem tanquam præliminaris quidam tractatus Eurematicum præcesserit, an vero per modum explicationis sequutus sit, non facile est definire. Tam enim abrupta & hiulca sunt quædam Jurisconsultorum fragmenta, ut semper inde de totius operis contextu, ex quo avulsa sunt, certo judicari nequeat. Sic mihi videtur. Et tamen tum inscriptio, tum ipsius loci 6.

pulchritudo fecit, ut cum à dissertatione nostra arcere non potuerim.

C A P U T N O N U M.

**Ad L. Si alii fundum 19. II. d.
Usu & Usufr. legat.**

MODESTINUS, [*Libro Singulari
de EUREMATICIS.*]

*Si alii fundum, alii usumfructum ejusdem fundi testator legaverit: si eo proposito fecit, ut alter nudam proprietatem haberet, errore labitur: Nam detracto usufructu proprietatem eum legare oportet eo modo: TITIO FUNDUM DETRACTO USUFRUCTU LEGO, [vel] SEJO EJUSDEM FUNDI USUMFRUCTUM HERES DATO: Quod nisi fecerit, usufructus inter eos communicabitur: quod * interdum plus valet scriptura, quam actum est.*

S U M.

S U M M A R I A.

I. Legis *hujus* commendatio:

1. *Maxime, quia interpretationi nostra ad l. 4. ff. d. Vulg. & pup. subst. inservit.*

II. Legata & fideicommissa sibi invicem adæquata esse; sed ita, ut in quibusdam adhuc differentia remanserit.

1. 3. Fons & origo hujus differentia.
2. 4. Imper. Justinianum ei variis in locis nequicquam reclamare.
5. Exemplum in hoc *Modestini* fragmento.

III. Casus Legis.

1. Ratio decisionis:
2. *Eademque* verbis *Antonii Fabri* plenissime adstructa.
3. In dominio proprietatem & usumfructum separatim considerari non posse.
4. Quid plena proprietas; & an ejusmodi adjectio necessaria sit.
5. Nudam proprietatem recte dici, & quando.
6. *Modestini* in hac *L.* responsum à *Fabro* laudabiliter defensum:
7. Insuper & exemplo comprobatum;

M 5

8. Item.

8. *Itemque Celsi pro Servio contra Tuberonem disputatione.*

IV. *Fabri de Ususfructus divisione in causalem & formalem corollarium.*

1. *Transitus per conclusionem.*
2. *Distinctionem illam Interpretum ridiculam esse.*
3. *Επίκρισις nostra.*
4. *Nobis quoque eam divisionem supervacuum videri, certè Veteribus incognitam.*

V. *Assertitur memorata sententia paulo accuratius.*

1. *In dominio per se considerato nullam ususfructus ideam involvi.*
2. *Quo jure dominus re sua utatur fruatur.*
3. *Usumfructum habere, quid proprie no-
tet.*
4. *Locus Pauli explicitus;*
5. *Idque convenienter alteri ejusdem.*
6. *Barbariei in barbara denominatione op-
pugnanda excusatio.*

VI. *Palmarie objectionis resolutio.*

1. *Objicitur ejusdem rursus Pauli locus.*
2. *Eum vero duplici cum temperamento accipiendum; & quale prius.*
3. *Ne in exceptis quidem casibus aliam,
quam*

de EUREMATIC. Diatr. C. IX. 187

quam formalem usumfructum intelligi.

4. *Sequens temperamentum in quo consistat.*
5. *Paulus ex se ipso illustratus.*
6. *Juliani locus à Paulo adductus.*
7. *Cur ususfructus partis vicem obtinere dicatur, duobus Papiniani locis ostensum.*

VII. Regressus ad Modestinum in hac Lege.

1. *Verba illius.*
2. *Argumentatio ad eorum, quæ maxè demonstrata sunt, confirmationem*
3. *Applicatio eorundem ad propositam speciem.*
4. *Legatarios hîc re conjunctos intelligi.*
5. *Usumfructum, partitione factâ, à dominio rursum absorberi.*
6. *Vividum ex Tryphonino exemplum.*
7. *Usumfructus consolidatione semel extinctus quemadmodum restituendus sit.*

VIII. Axioma huic Legi pro ratione subjectum.

1. *Idemne contra an præter voluntatem testantis accipiendum sit.*
2. *Prius Joan. Azo. & Hugo. sequutos esse.*
3. *Adsentiente Cujacio, & cum eo omni majorum Gentium Jurisconsultorum turbâ.*
4. *Ratio-*

4. *Rationem Juris Civilis pro hac sententia militare.*
5. *Sed nec praxin rem aliter accepisse; tum apud Nostrates, tum apud Gallos quoque.*
6. *Verba Groenewegii.*

IX. Argumenta opinionis adversæ.

1. *Delegatio ad nobiliss. Cujacii super iis responsionem.*

X. Digressio ad interpretationem nostram cap. VII.

1. *Cur Q. Mucius in materia Substitutionum tam rigidus fuisse videatur.*
2. *Alia ratio ex sæculi istius duritie.*
3. *Nihil novi nos Imperatoribus Severo & Antonino affinxisse.*

XI. Eurematici hoc loco formula.

1. *Iustissima præscribendi eam ratio.*
2. *Voculam [vel] in formula abundare.*
3. *Perspiciua in reliquis Modestini mens.*

XII. Alter casus huic suppar. remissive.

- I. **U**T ambigua fuit aut nulla plane præcedentis capitis Cautela, ita hîc vicissim
- i. *evidentia ejus tanto præclarius elucet. Insuper vero explicatio hujus loci eo quoque nomine se nobis commendat, quod interpretationi nostræ*

nostræ ad l. Jam hoc, jure utimur 4. ff. d. Vulg. & pupill. substit. haud dubiè favere videtur. Paulò accuratius itaque de eo dispiciamus.

Non ita absolute & per omnia legata fideicommissis adæquata esse, quin etiamnum aliquando ingens discrimen intercedat, multa in Pandectis supersunt, quæ testentur. Plerumque autem hic hiatus, hæc differentia ex eo oritur, quod legata perse magis rigorem juris sequantur, fideicommissa vero indulgentiorem pinguioremque naturam habeant. Quantumvis enim Imperator noster in l. 1. & l. 2. C. Comm. de Legat. & alibi caverit, se unam eandemque legatis ac fideicommissis naturam esse velle, & quod uni deesset, ex altero suppleri, accidit tamen, ut quibusdam in casibus obducta cicatrix refricaretur. Adeo enim legata suis illis subtilitatibus proprietatibusque vocabulorum alligata adsuetaque sunt, ut, licet idem Imperator diserte jubeat, non amplius ea stricte verbis concludi, ut antiquitus solebant, sed periade ac fideicommissa ex voluntate magis defunctorum descendere §. Sed non 3. Instit. de Legat. l. Cum virum 16. C. d. Fideicomm. ut, inquam, nihilominus in iis jure novo interdum adhuc plus valeat scriptura, quam peractum est. Sunt certe fragmenta quædam Jurisconsultorum, qui-

II.

I.

2.

3.

4.

5.

quibus hoc manifeste constat, in Pandectas ab eo relata, atque ita palam confirmata. Inter hæc vero nullum ego disertius novi, quam Modestini nostri, quod mihi hoc capite enucleandum proposui.

- III. Species fragmenti talis est; *Si alii fundum, alii usumfructum ejusdem fundi testator legaverit: si eo proposito fecit, ut alter proprietatem haberet, errore labitur: hoc est, ut alter nudam proprietatem haberet, labitur errore sermonis ususque loquendi. Quæso, cur ita?*
- I. Quia videlicet, ubi *fundum*, aut rem quamlibet aliam, (id enim perinde est) dicimus, intelligimus eum talem, qualis vulgo naturaliter & ex instituto civili est. Cæterum non possum hic meliore interprete uti, quam Antonio Fabro, homine omnium fere acutissimo; cujus verba, etsi compluscula, quia tamen valde apposita sunt ad rem nostram, appingere non pigebit. Ait ille in opere *de Erroribus Pragmaticorum; Dec. XLII. err.*
 3. 10. ubi *de adventitiorum collatione* agit; *Nec due res considerari possunt in eo fundo, cujus plenam proprietatem habet filius emancipatus, Nuda scilicet proprietas & Ususfructus, sed una tantum res est, quæ ob eam causam uno nomine appellatur, & vel Fundus, vel Proprietas simpliciter, aut si ita voles, Plena proprietas appellatur. Quanquam neque adjectio*
has

hac necessaria est. Proprietatem enim simpliciter cum dicimus, Plenam intelligimus; estque necessaria tunc tantum adjectio aliqua, cum eam proprietatem significare volumus, quæ sit ab usufructu separata. Tunc enim Nudam proprietatem dicere debemus, vel, quod idem est, Proprietatem detractò usufructu. l. 19. π. d. Usu & Usufr. Legat. ubi hanc ob causam respondet Modestinus, si quis alii &c. Postquam autem contentum Legis nostræ recitavit, ita pergit. Quod responsum etsi plerisque mirum & durum videtur, mihi tamen non videtur. Nam licet in testatoris potestate sit, facere, ut unus ex Legatariis non habeat, nisi nudam proprietatem, alius vero totum habeat ejusdem fundi usufructum, non aque tamen in ipsius arbitrio & potestate est facere, ut Fundi appellatione Plena proprietas non significetur; non magis quam si Candelabrum diceret, ut Vestem significaret l. 4. ff. d. Leg. I. Et ad quid nomina, nisi ut unamquamque rem suo nomine exprimant? ut pro Servio contra Tuberone[m] Celsus disputat in l. Labeo 7. §. Servius ff. d. Supell. Leg. addens, non ex opinionibus singulorum, sed ex communi usu nomina exaudiri debere.

Tandem autem hinc quasi pro corollario deducit, Cum igitur causa fructuum non possit à proprietate separari, nisi per usufructus constitutio-

- stitutionem, quæ ipsa nihil nisi separatio est fructuum à proprietate, nuda remanente, consequens est, ut, cum aliquis fundus emancipato acquiritur, non due res ei adquirantur, scilicet Nuda proprietas & præterea Ususfructus, sed tantum una res id est, Fundus; quia nulla potest fieri aut intelligi separatio ususfructus à proprietate in una eademque persona, cum nemo rei suæ usumfructum habere possit l. 5. ff.*
2. *Si ususfructus petat: eaque nostrorum Interpretum distinctio ridicula sit in usumfructum Causalem & Formalem, ut à nobis alio loco contra Interpretes disputatum est. Sic ille: & vix quicquam est in quo reprehendatur. Quod enim ait de recepta à doctissimis Interpretibus distinctione ususfructus in causalem & formalem cur rejicerem, causam non video. Pace enim eruditissimorum illorum & illustrium Virorum dixerim, nunquam mihi rationes constitisse, cur hanc sequioris Jurisprudentiæ distinctionem ratam haberem: non quidem acsi adeo absurda aut ridicula foret, sed tanquam quæ minus necessaria sit, & veteribus Jurisconsultis incognita, quos tamen cæteroquin in omnibus, quæ ad ususfructus jura pertinent, minutiis perquam accuratos fuisse notum est.*
 4. *Sic enim statuo. In proprietate seu dominio ubi simpliciter & in sua natura consi-*
dera-

deratur, hoc est, quatenus ab ipso domino
 exerceri solet, nullam omnino ususfructus
 ideam involvi, non magis quam realis ser-
 vitutis pignorisve, aut cujuslibet alterius do-
 minii diminutionis. Itaque dominus utitur
 fruitur jure dominii, proprietatis, ac liberta-
 tis naturalis, non vero ususfructus alicujus
 l. Si cum argentum 21. §. Si fundum 3. ff. d.
 Except. rei judic. imo disertè dicitur, non
 posse eum intendere uti frui jus sibi esse. l. Uti
 frui 5. π. Si ususfr. pet. vel &c. ac proinde
 usumfructum habere est jus tantum ususfruc-
 tus habere, non etiam proprietatis. Elegan-
 ter adeo Paulus in l. Si ita stipulatus 126. §. 1.
 ff. d. Verb. Obl. ait, alterum usumfructum per
 se subsistere, alterum vero proprietatem comi-
 tari, hoc est, cohærere, inesse proprietati
 & appellatione ejus venire; quemadmodum
 & aliæ qualitates aliaque jura, quæ ex pro-
 prietate seu dominio producuntur. Nam sic
 idem ille Paulus, quod ususfructus non domi-
 nii sed servitutis pars sit, ut via & iter, in l.
 Recte 25. ff. d. Verb. Sign. amplius addit Pa-
 pinianus, quod ususfructus non in parte rei,
 sed in jure consistat, l. Mævius fundum 66. §.
 pen. π. d. Leg. II. id est, virtualiter & emi-
 nenter (liceat enim mihi his barbaris termi-
 nis uti pro ipsius denominationis barbarie)
 in re seu proprietate contineatur, quodque

potentiâ ei insit, non actu; quemadmodum licet iter, actus, via, item pignus, & quæ porro vi & facultate ipsius dominii produci ac constitui possunt, recte dici queunt *eam comitari*. Neque tamen ideo quis iter, actum pignusve *causalia* vocaverit: Sicuti etiam esse, aut constitui posse, revera nihil est.

- VI. Non inficior loca exstare ubi usufructus *pars dominii* vocatur, ut in *l. 4. ff. d. Usufr.*
1. quæ ejusdem rursus Pauli est: verum id non simpliciter, sed sano sensu & κατὰ τὴν intelligendum est. Primo enim in quibusdam casibus hoc obtinere Paulus asserit: ergo non regulariter. In quibus, inquires? Dicam: in omnibus illis, in quibus de constituenda servitute agitur, atque adeo ubi instans dominii divisio imaginatione quodammodo repræsentatur. nam vel istic de constituenda servitute agi, ex verbis, quæ eo loci sequuntur,
 2. videre est. At neque tum quidem usufructus aliquis *causalis* intelligitur, ut vocant, sed merè formalis, id est, quæ in serviendo consistit: ratione videlicet habita ejus temporis, quo usufructus erit. Verum ergo est hætenus, dominio simpliciter & per se considerato, absque ulla relatione ad divisionem seu constitutionem servitutis, de quo hæc disputamus, nullum usumfructum adscribi. Al-
 3. terum vero, quod ad *d. l. 4. ff. d. Usufr.* ob-
- servari

servari velim, est, quod vel in illis casibus, in quibus à Paulo ususfructus pars dominii esse dicitur, illud tamen *improprie* dicatur. Quis autem hîc melius nobis Pauli mentem aperiet, quam ipse Paulus. Sic enim in d. l. 25. ff. d. V. S. inquit; *Recte dicimus eum fundum totum nostrum esse, etiam cum ususfructus alienus est: quia ususfructus non dominii pars, sed servitutis sit: ut via, & iter: nec falso dici, [totum] meum esse, cujus non potest ulla pars dici alterius esse. hoc & Julianus; & est verius.* forte respicit l. Usufr. 58. ff. d. Verb. Obl., ubi Julianus eum, qui usumfructum fundi stipulatur, non partem fundi stipulari dicit, sed *ei similem esse, qui partem fundi stipulatur*, deinde totum: quia fundus dari non intelligitur, si ususfructus detrahatur. Immo aliquanto clarius à Papiniano responsum est in l. Cum filius 76. §. 2. ff. d. Leg. lib. II. quod fructus portionis, id est partis, *instar* obtinet, & quædam dominii veluti accessio est. Cur autem ususfructus à dominio separatus partis vicem obtinere dicatur, cum revera non sit, idem quoque in d. l. 65. §. pen. eod. rationem reddit, dum ait, *ususfructus enim, etsi in jure non in parte consistit, emolumentum tamen rei continet*, id est, finem & effectum dominii, adeoque longe maximam & præcipuam dominii *portionem*. N 2 Sed

- VII. Sed redeo ad Modestinum nostrum, à quo tamen hac disputatione longius me discessisse non arbitror, ut videbimus. Ait ergo, Si alii fundum, alii usumfructum ejusdem fundi testator legaverit: si eo proposito fecit, ut alter proprietatem haberet, errore labitur. Quod si tamen ita disposuit testator, quid juris? dicit Jurisconsultus, quod tum ususfructus inter eos communicabitur. Jam vero si ususfructus rei, per se consideratæ, partem aut quasi partem faceret, quænam ratio esset, quod non uni mera proprietas, alteri totus ususfructus tribueretur? cum utique nihil notius sit, quam generi per speciem derogari, toti per partes l. 80. ff. d. Reg. Jur. Sed non est ita. Qui fundum legat, necessario omnia legare intelligitur, quæ fundo cohærent, eique naturaliter insunt, hoc est, proprietatem unà cum usufructu. Quod si ille postea alteri ejusdem fundi usumfructum legat, poenitentia ductus priori legatario partem usufructus ademisse censetur, qui usufructus eâ separatione nunc demum quasi pars domini considerari incipit. Atque adeo concurrente utroque legatario in usufructu tanquam si re conjuncti sint, concursu suo hunc usumfructum in duas partes findunt, §. Si eadem res 8. Instit. d. Legat. Sic prior quidem totius fundi proprietatem habet, sed partem

partem cum usufructu partem sine usufructu, ut nominatim hac in specie Julian. definit, in l. Si tibi decem 6. ff. d. Usufr. ear. rer. que &c. Et tamen, partitione sic facta, usufructus ejus, cui fundus legatus est, à dominio seu proprietate fundi quasi per confusionem rursus absorbetur, id est, legatarius ille, cui proprietas legata est, post partitionem dimidium fructuum non usufructus nomine, sed proprietatis ac libertatis percipit, ad dimidium diminutæ. Atque hoc idem Julianus vocat proprietati misceri in l. Si tibi proprietatis 4. ff. d. Usufr. adcrefc. Sed exemplo res clarior fiet. Eleganter Tryphoninus, cap. 78. D. d. Jure Dot. Cum in fundo mariti habens mulier usumfructum, dotis causa eum marito dedit: quamvis, inquit, ab ea usufructus discesserit, maritus tamen non usumfructum habet, sed suo fundo quasi dominus utitur, consecutus per dotem plenam fundi proprietatem, non separatam ab usufructu: nec est, quod non utendo maritus amittat. Quod si igitur divortium superveniat, non vetus usufructus restituendus est mulieri; (nec enim potest, quia stante matrimonio per proprietatem absorptus evanuit) sed novus à marito constituendus est, qui pristino succedat. Pergit enim Jurisconsultus, Divortio autem facto constituet in eodem fundo usumfructum mulieri.

- VIII. Sed ad propositam Modestini decisionem: Huic autem in continenti pro ratione subjungit, *quod * interdum plus valet scriptura, quam actum est, seu peractum est*, ut habet Florentinus codex: id est, quoniam interdum plus valet scriptura, quam voluntas testantis.
1. Atque hinc jam olim in dubium venit, num textus noster de eo casu intelligendus sit, quo non apparet, testatorem voluisse, ut alter nudam proprietatem, alter omnem usumfructum habeat, an verò etiam, ubi id
 2. satis manifeste constat. Certe, si glossis fides, Joannes & Azo & Hugolinus posterius sequuti sunt, arg. *d. l. Cum virum 16. C. d. Fideicom.* eamque opinionem omnes ferè melioris notæ Jurisconsultos fovere reperi.
 3. Unus mihi instar omnium erit nobilissimus Cujacius, Jurisprudentiæ nostræ columen decusque. Interpretatur ille controversam periodum, *quod interdum plus valet scriptura, quam peractum est* tali modo: quia, inquit, *interdum plus valet scriptura, quam voluntas, id est, interdum apud judicem maxime addictum stricto judicio* (quale hoc imprimis est, *l. In his 16. ff. d. Condit. & demonstr.*) *plus valet scriptura si perspicua sit, quam voluntas: judiciorum enim strictorum alea est periculosa.* videlicet *Comment. illius ad h. l. cum* quo conferri potest, quod supra

ex Ant. Fabro attulimus. Et vero quidni
 sic intelligeretur? Cum utique, ubi testator
 simpliciter dicit *fundum Sempronianum Titio
 do lego*, ac deinceps subjicit, *eiusdem fundi
 usumfructum Sejo do lego*, sine ullis indiciis,
 quæ voluntatem ipsius determinant, nulla
 ratio sit, cur à vocabulorum proprietate re-
 cederetur, adversus receptissimam Juris re-
 gulam in *l. Non aliter 69. pr. ff. d. Leg.
 lib. III.* Quoniam igitur hîc singulare quid
 à Modestino traditur, sermo ejus contra ve-
 risimilem testantis voluntatem interpretandus
 est. Nec aliter hanc rem ipsa Praxis acce-
 pit: ideoque etiam *legem nostram*, ut nimis
 subtilem, & voluntati testatoris inimicam,
 defuetudine adumbravit. Sic certe & de Gal-
 lis & de nostratibus Groenew. testatur in
 tractatu *de Legibus abrog. ad h. locum.* Con-
 cludit enim, ubi casum legis enarravit,
 hunc in modum, *Itaque hoc casu plus valere
 scripturam, quam peractum est, & usum-
 fructum* (nota) *contra mentem testatoris inter
 eos communicari periniquum & à morum nos-
 trorum simplicitate alienum est, ... ne dum
 nimia utimur circa hujusmodi sensus subtilitate,
 judicia testantium defraudentur. l. 7. in fin.
 C. d. Inst. & Subst.* Hactenus Groenewe-
 gen.

Cæterum contra datam expositionem va- IX.

ria opponuntur. Videlicet, quod si alii fundum alii usufructum iudex adjudicavit, non communicetur usufructus, secundum *l. Et puto 16. §. 1. ff. Famil. excisc.* Item totus tit. in *C. plus valere quod agitur, quam quod simulate concipitur.* Porro, quod in *l. Si quis filium 3. C. d. Lib. præter.* ait Imperator ubi manifestissimus est sensus testatoris, verborum interpretationem nusquam tantum valere, ut melior sensu existat. Amplius argumento à contrario ex *d. l. 69. §. 1. ff. d. Leg. III.* recedi posse à significatione verborum, si manifestum sit aliud sensisse testatorem. & quæ hujus generis plura sunt. Sed tam concinnè solideque, ut assolet, laudatus supra Cujacius hæc adversariorum argumenta convellit, ut post Homerum Iliada scribere velle viderer, si vel hilum adderem.

- X. Antequam tamen ad ipsum Eurematicum devenio, quod promisi, brevem digressionem de usu hujus Legis ad interpretationem nostram in *cap. VII.* inseram. Primum igitur observo, quod cum data hic à Modestino regula in negotiis stricti juris viguerit, mirari minime debeamus, Q. Mutium in quæstione de *Substitutionibus* tam rigidum fuisse, licet cæteroquin in bonæ fidei contractibus vulgo æquitatis vim perquam diligenter inculcet, nec esse strictè in eo hærendum,

rendum, quod dictum scriptumve sit. Hanc 2.
autem considerationem nostram plurimum
adjuvat istius sæculi durities, quo Jurispru-
dentia adhuc incomptior erat, ac nondum
adeo legibus interpretationibusve Prudentum
emollita. Uterius observandum, quod, 3.
cum scriptura interdum præfertur voluntati,
quamvis de ea satis liqueat, Imperatoribus
Severo & Antonino nihil absurdi aut à prin-
cipiis Juris alieni affinxisse videri debeam,
quando ipsos in communi Substitutionis for-
mula scripturam sequi facio, neglectâ volun-
tatis conjecturâ; præsertim quia istic incon-
gruum orationis accedit.

Sed, his missis, ad ipsam formulam. Ait XI.
Modestinus, *Nam detracto usufructu proprie-
tatem eum legare oportet eo modo, TITIO
FUNDUM DETRACTO USUFRUCTU
DO LEGO [VEL] SEJO EJUSDEM
FUNDI USUMFRUCTUM HERES DA-
TO: quod nisi fecerit usufructus inter eos com-
municabitur.* Profecto si in l. *Jam hoc* 4. π. d. I.
Vulg. & Pupill. Substit. Jurisconsultus noster
Eurematicum necessarium esse duxit, ubi ad-
huc sub judice lis erat, quamnam opinionem
usus moresque essent amplexuri, quanto jus-
tius hic cautelam præscribit contra regulam
ab omnibus agnitam, quæque jam variis in
casibus absque ulla hæsitacione observabatur.

N 5

Ipsam

2. Ipsam vero formulam quod attinet, nihil est, quod moneam. Particulam enim [vel] spuriam esse, locumque adeo sine disjunctione legendum plerique Commentatores jam occuparunt; cum vel alias incertitudinem ejus affatim demonstret, quod hemicycli continetur. De reliquo mens Modestini clara & perspicua est, ut explicatione non indigeat: & quod de posteriori versiculo dicendum fuit, in antecessum jam indicavimus. Quare, cum brevitati studeamus, nihil est, quod ab insequentium capitum interpretatione ulterius nos detineat.
- 3.

XII. Si quis interim alium subtilissimum casum, qui iisdem cum hocce principiis innititur, & valde singularis est, contemplari gestit, is
l. Si tibi fundi 17. π. Quibus mod. ususfr. amitt. inspicere non gravetur.

CAPUT DECIMUM.

Ad L. Si quis servum 53. D. d.
Condit. & Demonstr.

MODESTINUS Libro Singulari
de EUREMATICIS.

Si quis servum liberum esse jusserit, si heredi rationes reddidisset: postea-que eum rationes reddere vetuerit, quasi puram facturum libertatem: competit ex testamento libertas.

SUMMARI A.

I. *Admonitio transitoria.*

II. *Status Quæstionis.*

1. *Idemque primo obtutu futilis & ineptus:*
2. *Sed interim revera talis, ut gravissimos Juris Auctores permoverit.*
3. *Res ad civilis rationis trutinam exacta.*
4. *Juliani Papinianique sententia.*
5. *Contraria Ulpiani, eaque receptior.*
6. *Licentiam ejus Prætoris exemplo comprobari.*

7. *Ip-*

204 *Henrici Brenkman, Jcti;*

7. *Ipsius Juliani alia in specie confessio.*
8. *Modestinum hic Præceptori suo ad sensum esse :*
9. *Præscriptâ tamen Eurenatici formulâ.*
10. *Hanc vero disparuisse ; & quare.*

III. *Facti species.*

1. *Statutæ libertatis legatum.*
2. *Statuliber quisnam ex Paulo.*
3. *Idem ab Ulpiano definitus, in hoc, ut videtur Verrium Flaccum sequuto.*
4. *Statuliberi servisne an liberis accensendi.*
5. *Ambiguum eorum genus.*

IV. *Reddendarum rationum conditio quid contineat.*

1. *Servus dispensator hoc loco intelligendus.*
2. *Quid proprie reddere rationes.*
3. *Reliqua persolvere, hic præcipuum.*
4. *Et scriptam rationem reddendam esse, & que sine scriptura administrata est.*
5. *Item tam rusticarum rerum, quam urbanarum.*
6. *Hanc conditionem tantum exempli causa à Modestino adduci.*
7. *Casum istum valde obvium esse tritum-que in Jure.*

V. *Applicatio utriusque sententiæ ad casum Legis.*

I. Om-

de EUREMATIC. Diatr. C. X. 205

1. *Omnem difficultatem esse in remissa conditione.*
2. *Juliani Papinianique decisio.*
3. 4. *De phrasi repræsentare libertatem, & repræsentata libertas.*
5. *Non dubia eam latinitatis esse.*
6. *Ulpiani ac Modestini nostri sententia.*

VI. Effectus decisionis Ulpianæ, & prærogativæ ejus præ Juliani opinione.

1. *Æque ex Juliani sententia servum directe liberum fieri, quam ex hac Modestini seu Ulpiani.*
2. *Argumenta à contrario & consequentia in ff. periculosissima esse.*
3. *Longe favorabiliorem esse Modestini, ac Juliani sententiam.*
4. *Prærogativæ ejus.*
5. *In primis, ubi servus reliqua præstare non potest.*
6. *Sensus verborum, competit ex testamento libertas.*

VII. Aliud ex nostri opinione commodum circa τὸ reliquum.

1. *Ulpiani elegans Cautela.*
2. *Divinatio de formula Eurematici hic neglecta.*

VIII. Objectio adversus hanc Legem.

1. *Suf-*

I. *Sufficiens ad eam Accursii responsio. remiss:*

I. **S**ed & hæc Lex circa legata versatur, & admodum subtilis est. Videbimus autem quemadmodum etiam in ea Modestinus noster, ut passim, simplicio rem æquiore mque sententiam amplexus est.

II. Videlicet omnis quæstio in eo vertebatur, *an sicut conditio legati adscribi, ita & is adimi detrahique posset.* Et sane primo obtutu

1. futilis & inepta videtur ejusmodi hæsitatio. Quæ enim invidiosa est, dices, testatori denegare, ut terminos, quos voluntati suæ pro limitatione apposuit, eosdem rursus demat; cum vel integram voluntatem, quæ ambulatoria est ad extremum vitæ halitum, mutare
2. identidem non prohibeatur? Et tamen non adeo levis huic dubitationi causa subesse existimanda est, cum vel ipsum Papinianum Julianumque, gravissimos Juris Auctores, plane in contrarium ivisse deprehendamus, tantum
3. abest, ut in dubium vocaverint. Profecto ubi rem ipsam aliquanto accuratius ad civilis disputationis trutinam exegerimus, apparebit *adimi non posse, quod datum non sit.* privatio enim præsupponit habitum. jam autem
4. *non datur conditio, sed adscribitur.* Certè hunc in modum ratiocinantur Jurisconsulti isti in l.

Si

Si quis ita 3. §. Conditio 9. π d. Adim. vel transf. leg. amplius non in *legatis* tantum, sed & *hereditatibus* ac *statuliberis* idem obtinere debere contendunt; moti videlicet paritate rationis. Attamen hæc disputatio nimis subtilis visa est Ulpiano, & extra communis utilitatis cancellos ulterius evagari, quam aut ratio æquitatis, aut boni viri arbitrium patiantur. Voluit ergo hac in parte *sensum magis, quam verba amplecti*, contra regulam præcedenti capite propositam; atque adeo *conditiones sicut adscribi, ita & adimi posse, d. l. 3. §. 9. ff. d. adim. vel transf. leg.* Hanc autem ejus licentiam Prætoris quoque exemplum haud obscure comprobatur, ut qui in *l. Utilitatem 10. ff. d. Confirm. Tut. Utilitatem pupillorum* sequi dicitur *secundum testamenti scripturam*. Quemadmodum ita multa *Jure Civ. adversus rationem disputandi* introducta sunt, fatente ipso Juliano in *l. Ita vulneratus 51. §. ult. ff. ad L. Aquil.* Sed & Modestinus noster Ulpiano præceptori adensus est contra summum illum Juris rigorem. Quia tamen & Julianus & Papinianus, supersticiosæ propemodum auctoritatis Jurisconsulti, pro contraria sententia stabant, maluit hanc suam opinionem in *Librum Εὐρηματικῶν* referre. Nec dubito etiam, quin pro more suo formulam hinc composuerit, ad evitandam hujuscemodi dis-
5.
6.
7.
8.
9.
pu-

10. putationis aleam. Quamvis autem illa in hac Lege non appareat, omiſſa proculdubio a Juſtiniani Juris Architectis, quoniam eo tempore tam ſcrupulola ſubtilitas nihil penſi habebatur, facti tamen ſpecies ſatis oſtendit, qualis circiter fuiſſe cenſenda ſit.
- II. Ait autem noſter, *ſi quis ſervum liberum eſſe jufferit, ſi heredi rationes reddidiſſet: poſteaſque cum rationes reddere vetuerit, quaſi puram facturum libertatem; competit ex teſtamento libertas.* Proponitur, itaque hic ſervo libertas data ſub conditione, *ſi heredi rationes reddidiſſet*: cujus generis legatum *ſtatuta libertatis legatum* appellatur; & ipſe talis ſervus *ſtatuliber*: l. *Si fundum* 81. §. *Cum ſtatuliber*. ff. d. *Leg. I.* Nimirum *ſtatuliber* à Paulo in l. 1. pr. ff. de *Statulib.* definiſſitur, qui *ſtatutam & deſtinatam in tempus vel conditionem libertatem habet.* Sed brevius, & forte etiam clarius, Ulpianus in *Fragm. tit. II. §. 1.* cum deſcribit, ut qui *ſub conditione: teſtamento liber eſſe juſſus eſt*; ſequutus in hoc, ut mihi quidem videtur, antiquiſſimum vocabulorum Interpretem Verrium Flaccum, quem Feſtus compilavit in voce *Statuliber*. Hic autem *ſtatuliber* in quibusdam pro libero habetur. l. *Moris eſt* 9. §. ult. π. d. *Pæn.* revera tamen, quamdiu pendet conditio, ſervus eſt heredis; Ulpianus in *Fragm. tit. II. §. 2. l. 9. ff. d. Statulib.*

lib. Et sic, quia *implicitus ei est casus libertatis*, ut loquitur *l. ult. ff. Si ex noxal. causa* sive ut noster in *l. Statuliber 14. ff. d. Quest. ob ambiguum conditionis*, videtur quodammodo mixtum genus hominum constituere. at pergamus.

Itaque ubi *servo* (intellige *dispensatori*. sic enim proprie appellatur, qui *accepti & expensi tabulas* conficit *c. pen. ñ de Servo corr.*) eâ lege libertas relinquitur, SI HEREDI RATIONES REDDIDISSET, talis revera *statu liber* est, id est, manet servus heredis, donec illas reddiderit. *Reddere* autem *rationes* tum intelligitur, cum *ipsa volumina rationum* exhibet, *percontandasque & examinandas* eas, item *dispungendas atque excutiendas* præbet; denique cum, quod palmarium est, *reliqua* exsolvit. ita enim hæc enumerantur in *l. Si statulibera 6. §. ult. D. d. Statulib.* juncta *l. Quamvis 32. ff. h. t.* quibus adde Ciceronem *Lib. I. de Offic. c. 18.* ubi egregie huc alludit. Porro *non solum scriptam rationem heres* exigit, ait Modestinus in *l. Libertate 26. ff. d. Statu lib.* verum etiam, *qua sine scriptura ab eo administrata est.* Denique tam *rusticarum rerum*, quam *urbanarum*: nisi forte alterutram tantum administraverit. nam ita in *l. Urbana 166. ñ d. Verb. sign. dispensator* memoratur, qui *rusticarum rerum rationes* dispen-

IV.

1.

2.

3.

4.

5.

O

sat,

fat, ibique habitat, nec multum abest à villico.

6. Cæterum cum Modestinus hîc servi meminit, cui sub conditione *reddendarum rationum* libertas est relicta, eo ipso alias conditionum species minime excludit, sed tantum casum profert valde obvium tritumque disputationibus Jurisconsultorum. Sic enim sub *eadem* hocce tit. plus semel occurrit: ut in *ll.* 50. 81. & 82. item *l.* 111. Amplius celebratur in *l.* 5. 21. 26. §. 1. 28. 31. 34. §. 1. 40. §. 3. & *seqq.* d. *Statu lib.* *l.* 13. §. 2. *l.* 17. §. 2. *l.* 22. *l.* 59. §. 2. *π* d. *Manum. testam.* *l.* 5. §. 1. ff. d. *Manummissi.* *l.* *Thais* 41. §. 7. & *seqq.* D. d. *Fideicomm. libert.* *l.* 53. *vers.* *Liber.* ff. d. *Judic.* *l.* 8. §. 5. ff. d. *Liberat. leg.* & alibi.

- V. Vidimus nunc casum legis, quidque adimplendæ conditioni requiratur. Et sane hætenus quidem res bene se habet, quamdiu conditio adscripta manet. Sed omnis difficultas in eo residet, quid juris, si dominus dein servo suo *reddendarum rationum* conditionem remiserit, *quasi puram facturum libertatem.*
1. Respondissent Julianus & Papinianus, Non valere istiusmodi remissionem: *conditionem* enim *licet* adscribi possit, *adimi tamen non posse*; quia videl. *dari non potest.* atque ita secundum eos servus adhuc *statuliber* esset, hoc est, servus heredis maneret, usque
 - 2.

que dum rationes reddidisset. Asseverant enim *detractam conditionem non representare libertatem* in d. c. 3. §. 9. π d. Adim. vel transfer. leg. Est autem *representare libertatem*, 3. præsenti eam die sistere, antequam debeat. Eleganter ac dilucide hanc vocabuli vim Seneca ostendit, cum *epistolam* XCV. ita inchöat *Petis à me ut id quod in diem suum dixeram debere referri, representem, & scribam, &c.* Estque ipsa phrasis probatissimæ latinitatis. 4. Sic enim *representare pecuniam, pœnas, præmia* Ciceroni aliisque Augustei ævi Scripto-ribus familiare est. Quin appositè in Jure nostro. *representata libertas* eo sensu occurrit, 5. l. Si pure 37. & d. l. Thais 41. §. 1. ff. de Fideicomm. libert. Sed hoc obiter. Nolunt ergo memorati Jurisconsulti talem servum prius ad libertatem adspirare, quam *rationes* ab ipso *reddita* fuerint. Verum Ulpiano, ac 6. Modestino nostro aliter visum. Hi enim, neglectâ istiusmodi interpretatione, ut austere severioreque ac nimis subtili, *adscriptam conditionem* sine ulla religione *detrabunt*, perindeque rem accipiunt, ac si ab initio, purum legatum fuisset.

Effectus ejus rei insignis est, nimirum quod tum *servo ex testamento libertas* competit. An ergo secundum Julianum & Papinianum servus non æque ex testamento liber fuisset fac-

VI.

dum nostros vero nullum ne retardandæ quidem libertatis periculum habet, sed confestim à morte sui heri liber est. Ut adeo verba ista *competit ex testamento libertas* sic accipienda sint, acsi scripsisset Modestinus *statim, protinus ex testamento competit libertas*. Et sic jam non *statuliber*, ut Papinianus Julianusque voluere, sed *statim liber* erit; quod plurimum differre ostendimus. confer *l. Statuliberos 3. §. 7. ff. d. Statulib.* 6.

Illud valde dubito, num & alia hinc utilitas resultet. Nimirum quod tali remissa conditione *τὸ reliquum*, si non omne, saltem magna ex parte, manumisso cedat. sic certe Scævola mihi disputare videtur in *l. Aurelius Symphorus 28. §. Stichus 7. & l. ult. §. Inter cetera ff. d. Liberat. leg.* & Ulpianus quoque, ni fallor, elegans cā in specie Eurematicum præscribit, conceptā formulā, in *l. Si quis rationes 9. π̄ eod.* Sed brevitatis causa studiosum lectorem ad ipsos textus remitto: Sufficit enim ostendisse casum decisionemque hujus Legis, & utriusque sententiæ effectus. Quod si quis, paulo curiosior, ipsam Modestini formulam sciscitetur, quam cum hîc Eurematici nomine præscripsisse verisimile est, facile is ex præcedentibus conficere poterit, talem fere exstitisse: SERVUM QUEM 2.

REDDITIS HEREDI MEORATIONIBUS

BUS LIBERUM ESSE JUSSEAM,
 RATIONES REDDERE VETO, STA-
 TIMQUE EUM EXTESTAMENTO LI-
 BERUM ESSE VOLO : aut simile quid.
 Sed nihil hic pro certo determinare ausim.

- VIII. Cæterum non est, quod hic ulterius mo-
 ras nectam. Solet quidem datæ à Modestino
 definitioni objici *l. Alumna 30. §. 1. ff. d.*
Adim. vel transfer. leg. tanquam si *adempto*
 I. *onere emolumentum quoque adimi debeat.* Sed
 difficultati isti Accursius mihi sufficienter res-
 pondisse videtur, distinguendo inter legatum
 sub conditione relictum, & quod sub modo
 relinquitur. ubi enim sub modo relinquitur
 legatum, propter onus injunctum relictum
 censerì, eoque sublato legatum quoque tolli
 æquum esse, non idem in conditione obtine-
 re. Ita ille. Ipsas autem glossas, si tanti
 est, adire quis potest, ubi isthæc plenius.

CAPUT UNDECIMUM.

Ad L. Qui totam 45. D. ad
SCtum Trebellianum.

MODESTINUS Libro Singulari
de EUREMATICIS.

Qui totam hereditatem restituere rogatus, quartam retinere non vult, fidumque obsequium defuncti precibus præbere desiderat, sua sponte adire debet hereditatem, quasi ex Trebelliano eam restitutus. Suaserim tamen suspectam potius dicat hereditatem, coactusque à Prætore restituat: hoc enim casu ex [ipso] Trebelliano restituere videtur; expositoque hereditario metu universas actiones in eum transferri, qui recipit hereditatem.

S U M M A R I A.

I. Suprema Modestini cautio in quo versetur.

216 *Henrici Brenkman, J.Cti,*

1. Historiam Juris summi hic momenti esse
& quam diligenter eam Imperator ob-
servarit.

II. Fideicommissi etymon, natura
& origo.

1. Etymologia quanam maximè notabi-
lis.
2. Fideicommissa verbis precariis relinqui,
nec ab initio obligatoria fuisse.
3. Utilitas fideicommissorum, & ob eam
Augusti providentia.
4. Accuratum Justiniani testimonium.
5. Cujacii observatio de necessitate præstan-
dorum certo in casu fideicommissi, etiam
ante D. Augustum.
6. Exemplum ex Cicerone.
7. Mutatâ re nomen nihilominus reman-
sisse.

III. Incommoda ex fideicommissorum
præstatione.

1. Qui semel heres est factus Jure Civili,
semper eo nomine conveniri posse.
2. Derelictiones inde ac repudiationes ulti-
marum voluntatum.
3. Locus Senecæ.
4. Adversus regularum Juris.

IV. SCtum Trebellianum, prius re-
medium adjuvanda fideicommissi-
forum

de EUREMATIC. Diatr. C. XI. 217

forum præstationi.

1. *Contentum illius.*
2. *Transitus utilium actionum ex jurisdictione Prætoris.*
3. *Senatus imbecillitas.*

V. *Aliud SCtum insequutum esse, referente Pegaso.*

1. *Utilitas norma plerorumque actuum humanorum.*
2. *Defectus SCti Trebelliani.*
3. *Contentum Pegasiani.*
4. *Falcidiam per Senatum in hanc restitutionem inductam esse.*
5. *Insolenter eam vulgo quartam Trebellianicam dici.*

VI. *Effectus SCti Pegasiani.*

1. *Heredem fideicommissarium ex hoc SCto tantum Legatarii partiarii loco haberi.*
2. *Quid proprie sit partitio, sive partitionis legatum.*
3. *Stipulationes partis & pro parte, earumque usus in fideicommissis.*
4. *Natura harum stipulationum;*
5. *Eaque plenius demonstrata ex similitudine coloni partiarii.*

VII. *Formulæ partitionis; ut & stipulationum partis & pro parte.*

O 5

I. *Due*

1. *Due hujus legati, altera ex Paulo, altera ex Ulpiano formulæ.*
2. *In legato partitionis haud semper dimidiam partem intelligi.*
3. *Exempla partitionum ex Cicerone.*
4. *Vetus Eurenaticum hac in specie sacrorum interimendorum gratia.*
5. *Alia observatio in hoc legato circa onera hereditatis.*
6. *Scopus stipulationum partis & pro parte.*
7. *Formulæ earum tam heredis, quam legatarii intuitu.*
8. *Alia ex Theophilo, sed recentioris inventi.*

VIII. *Novum Pegasiani SCTi caput.*

1. *Invidiæ malitiæve aut etiam timiditati heredis fiduciarii hoc cap. occurri.*
2. *Summa ejus.*
3. *Non everti hic SCTum Trebellianum; quin potius in quibusdam diserte confirmari:*
4. *Idque duplici exemplo comprobatur.*

IX. *Differentia utriusque SCTi, & Trebelliani, & Pegasiani.*

X. *Casus Legis Modestini.*

1. *Cur hic ex Trebelliano SCTo restitutio fieri nequeat.*
2. *In-*

2. Incommodum *quod ea in specie ex Pegafiano oritur.*
3. *Non posse fiduciarium, qui sponte totam hereditatem cessit, indebitum allegare.*
4. *Uti nec stipulationes partis & pro parte ab eo exigere,*
5. *Periclitari hic undique pium consilium gratuitam & abstinentem omni lucro fidem præstare gestientis.*
6. *Et tamen vix esse, ut Senatui imputetur.*
7. *Sed nec Pegasum ea de re cogitare potuisse.*

XI. *Remedium emptæ venditæ hereditatis stipulationum.*

1. *Imaginariam propterea emptionem venditionem à Jurisconsultis adhibitam videri.*
2. *Stipulationes illas nihil aliud esse, quam Eurematica veterum Jurisconsultorum.*
3. *Quod vel ex natura stipulationum apparet.*
4. *Item ex originatione quoque.*
5. *Denique & ex earum conceptione.*
6. *Formulæ emptæ venditæ hereditatis stipulationum; tum à parte fideicommissarii,*

7. *Tum*

7. *Tum etiam fiduciarii heredis*
8. *Theophili formulæ merito suspecta.*

XII. Effectus utriusque stipulationis ad facti speciem admotus.

1. *Eâ adhibitâ perinde esse, acsi ex Trebelliano restitutio fieret.*
2. *Verba Modestini, quibus hoc innuit.*
3. *Locutionem sua sponte hic duplicem εμφασιν habere.*

XIII. Ad Eurematicum Modestini transitus.

1. *Memoratas stipulationes ipsi quoque antiquitati displicuisse.*
2. *Studium Modestini ad fallendam hic alia ratione Juris Civilis subtilitatem.*
3. *Contentum Eurematici.*
4. *Dotes ejus.*
5. *Utrumque SCtum in eo concurrere, & quatenus.*
6. *Fiduciarium heredem prorsus exonerari actionibus hereditariis.*
7. *Erronea Accursii circa scopum Modestini sententia.*
8. *Causa erroris.*
9. *Frigida obsequii commendatio.*

XIV. Modestinum hoc Eurematico mendacium commendare.

1. *Ad eam objectionem responsio.*

2. *Men-*

de EUREMATIC. Diatr. C. XI. 221

2. Mentiendi licentia *ex doctrina* Stoicorum.
3. *Quid hic operetur* mendacium.
4. Mendacium officiosum *an & quatenus* licitum sit.
5. *Occurritur* religioni eorum, qui hoc remedium *aversantur*.
6. *Singularis Ulpiani locus.*

XV. Eurematici hujus jure novo usus superfluous.

1. *Huic rei causam dedisse consolidationem* SCti Pegaso-Trebellianici.
2. *Suspicio de interpolatione* l. 68. pr. ff. h. t. *contra* nobiliss. Cujacium.
3. *Ratio illius suspicionis.*

XVI. Commentarii nostri in Modestini Eurematica conclusio.

1. *Transitus ad aliorum Jurisconsultorum* Cautiones.

SUPrema Modestini Cautela, quam in I. Pandectis superstitem habemus, circa Fideicommissa eorumque restitutionem occupata est. Est vero & ille casus elegantis admodum inspectionis, intellectusque ejus ab historia Juris unice dependet. Quum autem Imperator Justinianus in Institutionibus suis ortum & progressum juris fideicommissarii, I.

rii exactissimè exsequatur, nos tantummodo summa eorum, quæ istic fuse tradit, capita quasi digito indicabimus. Videamus.

- II. *Fideicommissum*, ut apparet, à *fide* & *committere* denominatum est; *fides* rursus, teste
1. Cicerone, quasi fiat, *quod dictum est*. Hæc autem etymologia eò mihi notabilior occurrit, quod naturam rei atque indolem aliquatenus adumbrat. Quemadmodum enim *fideicommissum* verbis precariis relinquitur, adeoque *non proficiscitur ex rigore Juris Civilis*, sed *ex voluntate datur relinquentis*, Ulpianus in *Fragm. tit. XXV. §. 1.* ita etiam primitùs *nullo vinculo juris*, sed *tantum pudore illius*, qui rogatus erat, *continebatur*. Quia tamen ingens fideicommissorum utilitas apparebat, tum in peregrinationibus, tum etiam propter incapaces, *D. Augustus* postea, vel personarum gratiâ motus, aut ob insignem quorundam perfidiam, *Consulibus auctoritatem suam interponere jussit*: quod quia justum videbatur & populare erat paulatim *conversum est in assiduam jurisdictionem*, adeo, ut extraordinarius Prætor crearetur, qui de fideicommissis jus redderet §. 1. *Instit. h. t.*
 4. Totum hoc pulchrè & breviter observatum in §. *ult. eod.* cum ibi Imperator dicit, *Et quia prima Fideicommissorum cunabula à fide heredum pendent, & tam nomen, quam substan-*

stantiam acceperunt, ideo D. Augustus ad necessitatem juris ea retraxit. Notat tamen coruscum illud Jurisprudentiæ nostræ jubar, Jacobus Cujacius, fideicommissa ante Augustum tum demum infirma fuisse, cum heres in testamento rogatus esset restituere, nec fidem ipse suam adstrinxisset: at si fidem restituendæ hereditatis testatori dedisset, heredem à fideicommissario etiam tunc rectè conventum fuisse; atque huic rei probandæ adducit, quod Cicero *Lib. II. de Finib.* de Sextilio Rufo & Sexto Peducæo refert, vide *Paratitula* ipsius ad hunc tit. Cæterum etsi post Augustum non amplius ex fide eorum, qui rogabantur, penderent fideicommissa, mutatâ re, nomen nihilominus retinere: ut sæpe alias in Jure contigit.

Postquam autem sic moribus recepta erant, magnum incommodum ex eorum præstatione oboriebatur. Quum enim, aditâ hereditate, fiduciarius seu scriptus heres in solidum obligaretur creditoribus hereditariis legatariisque, etiam restitutis bonis (nam qui semel heres est factus Jure Civili, nulla ratione efficere potest, ne in posterum heres sit, aut pro herede conveniatur c. *Ei, qui 88. in fin. ff. d. Hered. Instit. §. Restituta Instit. h. t.*) eveniebat, ut quis pro servata diligenter fide, nihil aliud, quam onus ac damnum reportar-

- portaret, commodis hereditatis ad fideicommissarium transeuntibus. Plerumque igitur, qui hereditatem alteri restituere rogatus erat, adire eam detrectabat, atque ita vulgo coruebant fideicommissa & morientium voluntates evanescebant. Unde Seneca *de Tranquill. animi cap. II. Religiosus homo*, inquit, *sanctusque solet tueri fideicommissa*. Ut adeo tandem de remediis cogitari cœperit. Eo magis, quod vel ipsæ regulæ Juris eam rem diserte damnent, *Iniquum esse* clamitantes, ut cuique officium suum damnosum existat; *l. Sed si quis 7. ff. Testam. quemadm. aper. & l. Si servus 61. §. in med. π. de Furt.* Quin potius *Religiosa sollicitudo ad augendam promovendamque fidei observationem Juris premio adfici debet*, æquissime in *l. 1. C. Pro quib. caus. servi &c.* Diocletianus & Maximianus decernunt.

- IV. Quapropter, ne cui amplius periculosum esset obsequium suum, Annæo Seneca & Trebellio Maximo Consulibus, Senatusconsultum factum est, quo cautum, ut si hereditas ex Fideicommissi causa restituta esset, omnes actiones, quæ Jure Civili heredi & in heredem competere, ei & in eum darentur, cui ex fideicommissio restituta esset hereditas:
1. non quod directæ & subtiles actiones transferrentur; quippe quæ Jure Civili omnibus heredis

heredis infixæ manent; sed utiles ex jurisdictione Prætoris, §. *Et Neronis* 4. *Inst. l. 1. §. 2. ff. h. t.* Senatus enim, ut jam *Cap. III.* 3. observavi, non habet jus improbandi actiones Juris Civilis, ac proinde Prætor auctoritati ejus succurrit, dando exceptionem *restituta hereditatis*, vel *doli mali*, quâ oppositâ perinde est, acsi nulla Jure Civili nata esset actio, *l. Nihil interest* 112. *ff. d. R. J.*

Sed nondum res expedita fuit, aut omnis V. difficultas superata. nam periculi metu amoto, demptisque oneribus, nihil tamen erat, quod heredem invitaret ad adeundum. Scilicet ita à naturâ comparati sumus, ut raro I. aliquid sine lucri spe agamus, & utilitas norma sit ac finis plerorumque actuum humanorum. Atque adeo etiamnum heredes scripti, quia aut totam hereditatem, aut pœnè 2. totam plerumque restituere rogabantur, adire eam ob nullum vel minimum lucrum recusabant. Quamobrem deinceps, Pegaso & 3. Pusione Consulibus, Senatus denuo censuit, ut ei, qui rogatus esset hereditatem restituere perinde liceret quartam partem retinere, atque ex *L. Falcidia* de legatis conceditur. Et sic 4. Lex Falcidia per Senatusconsultum in hanc restitutionem inducta est *l. Si ei, qui §. ult. ff. d. Jure Codicill.* Ulpianus in *Fragm. tit. XXV. §. 14.* & ipsa Pegasianica in Jure semper

per quarta Falcidia appellatur, l. Coheredi 41. §. 3. ad fin. ff. d. Vulg. & pupill. substit. l. Si patroni 55. §. 2. ff. h. t. item commodum Legis Falcidia l. Ita tamen 27. §. 10.

5. ff. cod. nunquam vero quarta Trebellianica, ut ab Interpretibus vocari solet. hi enim ex consolidatione utriusque Senatusconsulti per Imperatorem, de qua §. Sed quia 7. Inst. h. t. illud ipsi nomen imposuere. Hoc in transitu.

VI. Cæterum, restitutâ ex Pegasiano Senatusconsulto hereditate, ipse heres pro quarta, quam retinet, onera hereditaria solus sustinere debet, exercendo excipiendoque actiones :

1. is vero, qui ex fideicommissio recipit partem hereditatis, legatarii partiaris loco habetur, id est, ejus legatarii, cui pars bonorum legatur. nam ut singulæ res legari possunt, ita & universarum summa; quæ species legati *partitio* vocatur : Ulpianus in *Fragm. tit. XXIV.* §. 25. Sed & quemadmodum inter heredem & legatarium partiarium stipulationes partis & pro parte interponuntur, sic etiam inter heredem & eum, cui ex fideicommissio dodrans restituitur, commoda & incommoda pro rato communicari cœpere, interpositis stipulationibus ad exemplum partis & pro parte stipulationum. Partis enim & pro parte stipulationes proprie dicuntur, quæ
de

de lucro & damno communicando solent interponi inter heredem & legatarium, cum quo *partitus* est heres. §. 5. *Instit. h. t.* Ulpianus in *Fragm. tit. XXV.* §. 14. & 15, ad eandem rationem, ad quam *Colonus partiaris*, quasi societatis jure, lucri & damni unà cum domino particeps est, *l. Si merces* 25. §. *Vis major* π. *Locati* & de tali Cato de *Re Rust.* c. 138. *Partiario* fœnum & pabulum, quod bubus satis fiet, qui illic fient: cetera omnia pro indiviso.

Est vero *Legati partitionis* formula ejusmodi, TE ROGO LUCI TITI, HEREDITATEM MEAM CUM ATTIO PARTIARIS Paulus *l. Ubi pure* 19. §. 1. ff. *h. t.* aut, MÆVIUS HERES MEUS CUM TITIO HEREDITATEM MEAM PARTITO DIVIDITO. Ulpianus in *Fragment. tit. XXIV.* §. 25. quo casu dimidia pars bonorum legata censetur. Potest autem & alia pars velut tertia, vel quarta legari. Ulpianus *ibidem.* atque huc procul omni dubio respicit idem ille Ulpianus in *l. Nomen* 164. §. *Partitionis* π. d. *Verb. Sign.* juncta *l. Qui concubinam* 29. §. 1. ff. de *Leg. Lib. III.* Exstat etiam apud Ciceronem antiquum exemplum *partitionis* in *Cluentiana*; sicut idem *pro Cæcin.* & alibi *partitionis* aliquoties meminit. Et sic inter alia *Lib. II. de Legib.*

4. c. 21. testatur *Legatarium partiarium sacris al-*
ligari ; nisi adjectum sit, **DEDUCTIS**
CENTUM NUMMIS, aut *si minus ceperit,*
quàm omnibus heredibus relinquitur. Quod
 5. & ipsum *Inventi Jurisconsultorum* est, ut *ibi-*
dem Cicero ait. Amplius, quod ad onera
 hereditaria, interest an pars hereditatis, an
 vero bonorum speciatim relicta sit. qua de
 re consule *l. Si quis servum* 8. §. ult. juncta
l. seq. π. d. Leg. II. & l. ult. ff. d. Usu &
 6. *usufr. leg.* Quatenus vero ad ipsam *stipula-*
tionem partis & pro parte attinet, interponi-
 tur illa, ut heredi instituto pro quarta actio-
 nes, pro cæteris vero portionibus fideicom-
 missario competant; *Paulus Recept. Sentent.*
 7. *Lib. IV. tit. 3. §. I.* eamque hunc fere in
 modum conceptam crediderim ; à legatario
 quidem, **SI QUID HEREDITATIS**
NOMINE EXEGERIS, EJUS PARTEM
MIHI DARI SPONDES? ab herede vero,
QUAM PECUNIAM HEREDITATIS
NOMINE EROGAVERO, EJUS MIHI
PARTEM RESTITUIRI SPONDES?
 Atque ita sibi alter ab altero cavet. Adi etiam
 Theophilum ad §. 5. *Instit. h. t.* ubi similiter
 formulæ sunt *partis & pro parte stipulatio-*
num, sed ab ipso, ut mihi quidem videtur,
 conceptæ, aut certe recentioris inventi. Sed
 pergamus.

Quid

Quid si vero quis commodis istis nondum adducatur ad adeundam hereditatem? puta, quod per invidiam malitiamque fideicommissario emolumentum omne intervertere studeat, aut etiam revera hereditas ipsi suspecta esse videatur? Utroque in casu idem Senatusconsultum æquissime prospexit, dum novo capite præcipit, ut si heres damnosam hereditatem dicat, & fideicommissarius tamen cum suo periculo adire, & sibi restituere postulet, per prætorem adire cogatur, & totam hereditatem restituere, ita, ut ei & in eum, qui recipit hereditatem actiones dentur: perinde atque si ex Trebelliano Senatusconsulto restituta fuisset §. Ergo 6. Instit. v. sed si recuset Instit. h. t. Ulpianus tit. XXV. §. 15. l. Quia poterat 4. π. h. t. Non enim Senatusconsultum illud, à Pegalo relatum, antè Trebellianum abrogat, aut evertit; minime vero, sed tantum corrigit, ubi opus videbatur; de cætero fere expresse confirmat. Patet hoc non tantum in dicto casu capitis secundi Pegasiani, quando fiduciarius hereditatem suspectam dicit, verum etiam, ubi non plus quam dodrantem scriptus heres rogatus est restituere; tum enim ex Trebelliano restituitur hereditas, & in utrumque actiones hereditariæ pro rato transferuntur, in heredem quidem Jure Civili, in fideicom-

I.

2.

3.

4.

missarium vero tanquam in heredem, hoc est, utiles ex Jure Prætorio *d. §. 6. in init. Instit. h. t.*

- IX. Differentia autem utriusque Senatusconsulti ex jam dictis in eo consistere apparet, quod, cum ex Trebelliano restitutio sit, fideicommissarius heredis loco est, cum autem ex Pegasiano, legatarii. vide *l. Si heres 68. pr. ad fin. ff. h. t.*
- X. Cæterum & de eo tractari belle potest, quid dicendum, si quis *totam hereditatem restituere rogatus quartam retinere non vult, fidumque obsequium defuncti precibus præbere desiderat?* Atque hæc proprie Jurisconsulti nostri in proposita lege disquisitio est, ad quam & Imperator in *d. §. 6. in med.* respicere videtur. Scio, dices ex Trebelliano eum restituere posse, idque sine ullo periculi metu. Sane ita esset, ni Senatusconsulto Pegasiano speciatim cautum foret, ut *si quis plus quam dodrantem vel etiam totam hereditatem restituere rogatus sit, ex eo facienda sit restitutio,*
1. & hac ratione heres, qui semel adiit, *sive retinuerit quartam, sive eam retinere noluerit,* ipse universa onera hereditaria sustinet. *d. §. 6. Instit. in med.* In tantum, ut si, non retentâ in restituendo Falcidiâ seu Pegasianicâ, eam dein legatorum, ærisve alieni nomine, repetere velit, non exaudiatur. *Nec enim*

enim indebitum solvisse videtur, qui plenam fidem defuncto prestare maluit Paulus Recept. Sentent. lib. IV. tit. III. §. 4. Sed neque, 4.
dum restituit, *stipulationes partis & pro parte* à fideicommissario exigere potest, quia nihil retinet, quod *partis* vicem gerat; Theophilus ad §. 6. Instit. h. t. Ut adeo tam 5.
pium consilium, fidem datam sanctissime servare volentis, ab omni parte periclitetur: quod durum oppido atque iniquum est. Licet autem Senatus, si à Pegaso ea de re 6.
consultus fuisset, procul omni dubio hic restitutionem ex Trebelliano non denegasset, tamen, quia id non fecit, privatorum non est hujusmodi interpretationem contra diserta Senatusconsulti verba inducere. Verum neque ea de re cogitare potuit Pegasus, cum 7.
vel contra hos ipsos, qui promissam fidem servare detrectabant, Senatusconsultum præcipue factum sit.

Itaque Jurisconsulti, ut solent, Remedia XI.
circumspexerunt, quibus hunc Senatusconsulti Pegasiani defectum corrigerent. Cæperunt 1.
igitur imaginariam quandam *venditionem* introducere, per quam heres fideicommissario totam *hereditatem*, dicis causâ, uno nummo venderet, atque ita *empta vendita hereditatis stipulationes* applicaverunt, quibus, quod intendebant, perficerent. Nam hæ stipulationes. 2.

- nes, item *partis & pro parte*, similesque alia profecto nihil aliud sunt, quam remedia & Eudemata, ab antiquis Jurisconsultis laudabiliter inventa, rei jurisque sui cuique
3. tuendi gratia. *Hoc enim agitur in stipulationibus*, inquit Ulpianus, *ut quis Cautior sit & securior*, *interpositâ stipulatione*, cap. 1.
 4. §. *Et sciendum est. ñ. d. Stipulat. Prætor. Et Paulus Recept. Sent. Lib. V. c. 7. Obligationum firmandarum gratia stipulationes inductæ sunt, - - - & appellatæ, quod per eas Firmitas obligationum constringitur. Stipulum enim Veteres Firmum appellaverunt. adde pr. Inst. d. Verb. oblig.* Quod autem ejusmodi stipulationes & restipulationes consilio & auctoritate priscorum Juris Auctorum fieri solerent, locuples testis est Cicero *pro Rosc. Comæd. c. 12. & Lib. II. d. Legib. d. c. 21.* Item
 6. in *Topicis*, &c. Ipsam vero formulam *Emptæ venditæ hereditatis stipulationum* quod attinet, concipiebatur fere hunc in modum; à parte fideicommissarii, QUANTA PECUNIA [EX HEREDITATE ILLA] AD TE PERVENERIT, DOLOVE MALO TUO FACTUM EST ERITVE, QUOMINUS PERVENIAT, l. *In illa stipulatione* 50. §. 1. ff. *d. Verb. obl. supple, TANTAM PRÆSTARI (sive DARI) SPONDES?* Ita autem semper incepisse, QUANTA PECUNIA

NIA AD TE PERVENERIT, docent l. Si creditor 37. ff. d. Pecul. l. Liber homo 20. §. Apud Labeonem ff. d. Stipul. serv. l. Cum stipulamur 97. ff. d. V. S. Contrariæ vero stipulationis, quam fideicommissarius invicem heredi præstare tenebatur, nullibi exemplum exstat. Non tamen improbabilis est Hottomanni conjectura, ejusmodi eam fuisse, QUANTAM PECUNIAM HEREDITATIS NOMINE PRÆSTITERO, TANTAM DARI SPONDES? Habet 8. quidem Theophilus ad §. 3. Instit. h. t. alias formulas, sed ab eo itidem compositas & fabricatas, saltem non antiquas.

Effectus utriusque stipulationis est, ut neque amplius neque minus Juris fideicommissarius habeat, quam apud heredem futurum esset: nam sic inter ementem & vendentem obtinet l. 2. pr. ff. de Heredit. vel act. vend. Atque adeo, licet ex Pegasiano fiat restitutio, effectu tamen perinde est, ac si ex Trebelliano fieret. unde etiam noster ait, Qui totam hereditatem restituere rogatus, quartam retinere non vult, fidumque obsequium defuncti precibus præbere desiderat, sua sponte adire debebit hereditatem, (nota) quasi ex Trebelliano eam restitutus. Quod autem ait, sua sponte, accommodatè dicit ad propositam Veterem fictionem, Stipulationesque emptæ venditæ hereditatis,

is, quæ ut interponerentur, sua sponte & voluntarie aditio facta esse debebat : quod & Imperator innuit in sæpius memorato §. 6. *Instit. h. t. circa med.* Amplius etiam vel maxime sic loquitur in oppositionem subjectæ Cautelæ, in qua coactionem prætoris desiderat.

XIII. Scilicet displicuerunt Modestino stipulationes

1. illæ ex Senatusconsulto Pegasiano descendentes, cum & ipsi antiquitati non satisfacerent, & excelsi ingenii homo Papinianus eas quibusdam in casibus captiosas judicaret §. *Sed quia* 7. *Instit. h. t.* Quare diligenter admodum circumspexit noster, num forte simpliciore aliquam tutioremque obsequii adimplendi viam sternere valeret, quæ similiter in ipsum Senatusconsultum non impingeret. Cum autem in priore ejus capite frustra id tentasset, tandem in secundo rationem invenit, qua tutissime, & sine ullo incommodo
3. fiduciarius hereditatem restituere possit. At nimirum, traditi in præcedentibus remediî corrigendi gratia, suaferim tamen suspectam potius dicat hereditatem, coactusque a prætore restituat : hoc enim casu ex [ipso] Trebelliano restituere videtur, expositoque hereditario metu, universas actiones in eum transferri, qui recipit hereditatem. Suadet igitur, ut coactam potius obedientiam simulet, ipsamque hereditatem
4. sus-

suspectam esse arguat : sic enim verè ex ipso
 Trebelliano Senatusconsulto restituere eum
 videri ; expositoque hereditario metu, id est,
 extra, procul posito, (pro latinitate sequio-
 ris ævi) universas actiones in eum transferri,
 qui recipit hereditatem. Quo casu nullis sti-
 pulationibus est opus, utroque Senatusconsulto
 in hac specie concurrente ; Pegasiano quidem,
 quatenus ex eo heres adire cogitur periculo
 fideicommissarii ; Trebelliano autem, ut om-
 nes omnino actiones, tam activæ, quam
 passivæ, in fideicommissarium transferantur
 per exceptionem *restituta hereditatis*. Ulpia-
 nus tit. XXV. §. 16. §. 6. *infin. Inst. h. t.*
 Secundum hæc itaque expeditum est, fiducia-
 rium nudum tantummodo adeundi ministe-
 rium præbere, nihil præterea *l. Ita tamen 27.*
 §. *Qui suspectam D. h. t.* Atque hic mihi pro-
 prius Modestini scopus est, hæc germana ip-
 sius intentio. Non enim accedo sententiæ
 Accursii, existimantis, ideo eum coactam ad-
 itionem suadere, quia, si scriptus heres sponte
 adiret, fideicommissarius fortè hereditatem
 nollit, & sic heres teneretur, implicitus cre-
 ditoribus legatariisque ; quod non potest re-
 cusari, ex quo coëgit. *l. Postulante 44. ff. h. t.*
 Videlicet ignorantia progressus & historiæ Ju-
 ris fideicommissarii lapsus mihi videtur summi
 acuminis. Interpret, quemadmodum non se-
 mel

9. mel defectu communium literarum politioris-
que eruditionis errasse deprehenditur. Fri-
gida enim & insulsa obsequii commendatio
foret, tum demum suadere ut quis pleniore
officio fidei præstandæ fungeretur, cum tam
onerosa est hereditas, ut vel ipse fideicommis-
sarius merito dubitet, conducaturne sibi eam sus-
cipere, nec ne. Sed, puto, quod dixi, ex
jam traditis manifestum esse.

- XIV. Unum illud ex ipsius Eurematici exposi-
tione superest; quod scilicet nonnullos offen-
dat, Modestinum in hac lege mendacium
commendare, dum vult, ut heres scriptus
suspectam dicat hereditatem, tantum, ut eo
tutius & commodius fidem præstet; nec licere
malum facere, ut inde bonum resultet; præ-
sertim, cum alia ratio sit expediendi sese, licet
1. difficilior. Hæc fere accusationis illius sum-
ma est: quam ut diluant varii varia commi-
niscuntur, mirasque excusationes & effugia
anxiè conquirunt. Ego vero, etsi summâ
erga nostrum existimatione ducar, non pos-
sum tamen iis assentiri. Sed nec hujusmodi
2. defensione opus esse reor, ubi considero ple-
rosque Juris Auctores dogmatibus Stoico-
rum imbutos haberi. de Stoicis autem Ci-
cero, Plutarchus & Quintilianus testantur,
quod inter sapientis dotes collocent, *mentiri*
3. *ubi & quomodo oportet.* Certè in proposito
calu

casu nullius interest, neminique nocet *mendacium*, sive, ut quidam non inepte distinguunt, *falsiloquium*. Immo vero interest utriusque, & heredis & fideicommissarii, ut intercedat; quo scilicet alter totam hereditatem accipere, alter secure tradere possit.

An autem *mendacium officiosum*, ut vocant, 4.
 seu *falsiloquium* licitum sit, tam latebrosa tractatio est, & inter doctos alternans disputatio, (ipsius Augustini verbis utor) ut huic oceano cymbam nostram committere non auferimus, & præterea ex Civili, non Gentium Jure disquisitionem instituimus. Ad Jus Civ. 5.
 vero quod attinet, vix est, ut improbari queat, cum revera omnes prope *fictiones coloresque Juris* nihil aliud sint, quam mera falsiloquia & mendacia officiosa, quæ alio nomine *pias fraudes* vocamus. Quod si tamen quis 6.
 hac in specie aliquanto scrupulosior existat, ejus religioni l. 4. *π h. t.* occurrit, dum per eam non requiritur, ut quis suspectam dicat hereditatem, aut causam alleget, cur nolit adire. Ait enim eleganter Jurisconsultus, 7.
Nec interest solvendo sit hereditas, nec ne: sufficit enim recusari ab herede instituto. neque illud requiritur, solvendo sit hereditas, an non sit: opinio enim, vel metus, vel color ejus, qui nolit adire hereditatem, inspicitur, non substantia hereditatis. nec immerito: non enim

enim præscribi heredi instituto debet, cur metuat hereditatem adire, vel cur nolit: cum varia sint hominum voluntates; quorundam negotia timentium; quorundam vexationem; quorundam aris alieni cumulum, tametsi locuples videatur hereditas; quorundam offensas vel invidiam; quorundam gratificari volentium his, quibus hereditas relicta est, sine onere tamen suo. adde *l. Sed etsi 9. §. quod si eod.* Itaque cum hoc temperamento cautelam Modestini non minus piè ac tutò licebit adhibere.

- XV. Cæterum quamvis usus Eurenaticus illius Jure II. & C. insignis fuerit, supervacuum tamen esse cœpit, ex quo Justinianus utrumque Senatusconsultum confudit. Nam & ipse τὰς τῆ Πηγασιᾶν περιόδους μισήσας ἔχων, ut loquitur in *Nov. I. c. I. §. I.* omnes Pegasiani vires in Trebellianum transfudit, explosis veterum stipulationum ambagibus; ut fusiùs videre est in *§. 7. Instit. h. t.*
1. Unde obiter monitos velim Viros doctos, inspiciant, si placet, *l. Si heres 68. pr. ff. h. t.* & judicent, an non a Triboniano interpolata haberi debeat. Licet enim satis acutè ingeniosissimus Cujacius adverbium *hodie*, quod ibi peculiarem quandam emphasim habere videtur, ad tempora post Senatusconsultum
 3. Pegasianum restringat, non tamen video, quemadmodum sequens periodus, *sed etsi sua sponte*

sponte adierit, ex eodem Senatusconsulto restitu-
turus est, cum iis, quæ hoc capite demonstra-
vimus, conciliari possit. confer omnino Theo-
phili paraphrasin ad §. 6. & 7. Instit. h. t.
Locus autem Cujacii, quem intendo, est Ob-
serv. Lib. VIII. c. 5.

Sic itaque hætenus, Deo dante, fragmen-
 ta Modestini, quæ ex naufragio Libri illius de
 Eurematicis enatârunt, pro virili explicuimus;
 quorum utinam plura superessent, magna
 pars Prudentiæ Veterum revivisceret, quæ nunc
 profundâ ignorantix & oblivionis nocte jacet
 sepulta; neque exigua lux antiquitati Juris
 affunderetur. Ne quis tamen existimet, hæc sola
 Eurematica esse, quæ in Pandectis occurrunt,
 sequenti capite aliorum quoque Cautiones &
 remedia, hoc est, Eurematica monstrabo, ut
 & aliis calcar addatur, diligentius omnia per-
 scrutandi.

XVI.

I.

CAPUT DUODECIMUM.

De variis Aliorum EUREMATICS.

SUMMARIA.

I. *Multa Eurematica, sed alio nomine, in ff. occurrere.*

1. *Absolutam eorum collectionem difficillimam esse.*

2. *Ordo tractandi in hoc cap.*

II. *Q. Mucius Scævola primus in scenam prodit.*

1. *Cautio Muciana; in quo consistat, & de usu ejus.*

2. *Inveniendæ hujus Cautionis necessitas & scopus.*

3. *Cautio velut Muciana.*

4. *Formula Jurisjurandi in adrogationibus ex A. Gellio.*

5. *Cur hanc Scævola ut Pontifex M. præverit.*

6. *Prisca solemnitatis vestigia.*

III. *Q. Mucium C. Gallus Aquilius excipit.*

1. Sti-

de EUREMATIC. Diatr. C. XII. 241

1. Stipulatio Aquiliana, ejusque occasio & contentum.
2. Progressus illius, inque eo Pauli consilium.
3. Sed & Ulpianum hic aliquid præstitisse.
4. Aquilii in quæstionibus testamentariis dexteritas.
5. Postumos alienos, itemque nepotes postumos institui cæpisse ex illius formula.
6. Institutio ex re certa per interpretationem ejus inducta.
7. Formula de dolo malo. remiss.

IV. Post hunc Antistius Labeo familiam ducit.

1. Præstatio usurarum in judiciis b. f. sub colore ejus, quod interest.
2. Similis in Jure Canonico observatio.
3. Præceptum Labeonis de præscriptis verbis actione.

V. Neratii Prisci admonitio una aut altera circa possessionem.

1. Quid Judici in restituendo, cum plures rem petunt, observare conducat.
2. De curatore bonis distrahendis.

VI. Juventii Celsi duo itidem circa possessionem Eurematica.

1. De dolo & mendacio possidentis.
2. Probabilis conjectura de clausula in Libro Hadriani.

Q Con-

242 *Henrici Brenkman, J.Cti.*

2. *Consultatio de creditore absente.*

4. *Aliud esse in latitante.*

VII. *Salvii Juliani cautelas rariores esse.*

VIII. *Sexti Cæcilii Africani haud spernenda cautio.*

1. *Alia ejusdem.*

IX. *Sexti Pomponii circa servitutes accuratio.*

1. *Elegantissimum de usufr. alienando Eurenematicum.*

2. *Cessionis remedium hic frustra interponi.*

3. *Ablegatio ad Cl. Viri Ger. Noodt opus anecdotum de usufructu.*

4. *Aliud εὐρημα in servitutibus prædiorum alienandis.*

5. 6. *Duo alia ipsius remedia.*

X. *Gaii Eurenematica.*

1. *Prius in adipiscenda possessione versari.*

2. *Alteram de Falcidix detractio in legatis, qua divisionem non recipiunt.*

3. *Tertium de inspiciendis in transigendo verbis testamenti.*

4. *Non potest & commodè non potest in Eurenematicis nullo discrimine haberi.*

5. *Quartum circa conditionalem oppignorationem.*

XI. *Prudens Terentii Clementis consilium.*

XII.

XII. Ulpii Marcelli remedia.

1. *Quemadmodum dominus, quod servus sibi debet, actione de peculio consequatur.*
2. *Salutaris ipsius circa interpretationem regula.*

XIII. Cautelæ Q. Cervidii Scævolaë.

1. *De restituendo minore per contractum curatoris lasso.*
2. *Iusta tabernæ interpretatio.*
3. *Consilium in Mucianæ cautionis & L. Velleiæ defectum.*

XIV. L. Æmilius Papinianus multiplici prudentia celebris.

1. *Eurematicum ipsius in substitutionibus adversus querelam inofficiosi.*
2. *Aliud de conveniendo patre ex delicto filii.*
3. *Tertium de deposito: idemque duplici paradoxo nobile;*
4. *Primo, ut conveniatur tantundem restitui;*
5. *Secundo, ut usuræ præstentur.*
6. *Aliud ἐὶς ἑκείνην ad indemnitatem minorum curatorumque.*
7. *Duo circa restitutionem hereditatis ex causa fideicommissi.*

XV. Claud. Triphoninus & Ælius Mar-

Marcianus cōætanei.

1. *Prioris remedium circa detractionem L. Falcidiae in codicillis militaribus post missionem factis.*
2. *Aliud de usufr. in dotem dato &c.*
3. *Posterioris circa pignoris distractionem.*

XVI. *Egregia quaedam Ulpiani & Pauli Eurenematica.*

7. *Delectus eorum ac dispositio ob frequentiam difficilis.*
2. *Prius Eurenematicum ad Procos. ne uxorem secum ducat.*
3. *Flagitia & rapacitas harum mulierum in Provinciis.*
4. *Alia proconsuli cautio de ipsius jurisdictione.*
5. *Monitum de condemnatione absentis iudicio criminali.*
6. *In pignoris remissione per pactum conventum quid observandum.*
7. *Marciani l. 5. π. Quib. mod. pign. vel hypoth.*
8. *Res commodata furto subrepta quemadmodum tuto repetatur.*
9. *Cautela in compromisso faciendo.*
10. *Duplex circa querelam inofficiosi cautio.*
11. *Alia de probanda rei fructuariæ deterioratione.*
12. *Qua*

de EUREMATIC. Diatr. C. XII. 245

12. *Qua eadem tamen cautiore remedio corrigitur.*

13. *Duo peculiaria Eurematica ; alterum de dissolvendo matrimonio filix :*

14. *Alterum de vino vendito, eoque ne post denunciationem quidem effundendo.*

15. *Quomodo pupillis adversus falsum tutorem tutissime prospiciatur.*

16. *Quomodo item tutori cautum sit, ne in alimentis decernendis reputationes patiatur.*

17. *De distractione pignoris pupillaris.*

18. *Varia cautio heredi in legato statuliberi.*

19. *Ufus stipulationis pœnalis in fraudem l. Nec paciscendo, nec &c.*

20. *Cautela in denunciatione damni infecti.*

21. *Prudens consilium adrogato adversus patrem adrogatorem.*

22. *Silva Eurematicorum Ulpiani & Pauli.*

XVII. Agmen 7 Ctorum claudit Venulejus Saturninus.

1. *Cautio utilissima ad evitandam probationem ejus, quod interest.*

XVIII. Eurematica incertorum Auctorum.

1. *Non omnia unum videre.*

2. *Testandi ratio per æs & libram.*

3. *Providentia in substituendo adversus infidias proximorum.*

Q 3 4. Clau-

4. *Clausula codicillaris.*5. *Varia fictiones coloresque adversus subtilitatem Juris Civ.*6. *Dextera & ingeniosa J.Ctorum interpretationes.*7. *Pedii locus notabilis.*8. *Theophili νομοθεσία πολιτική.*9. *Eurematicorum in Jure publico usus.*

XIX. *Conclusio per VII. Sapientum* *εὐρημα, templo Delphico præfixum.*

- I. **S**Unt, ut dixi, innumera aliorum quoque Jurisconsultorum *Eurematica* in Pandectis, quæ terè *cautionis*, *prudentiæ* aut *remedii* similive solertiæ nomine occurrunt, & quorum jam quædam in præcedentibus inter explicandum tetigimus. Quum autem adeo copiosa hæc, & per universum Juris campum longè lateque diffusa materia sit, difficile est aut modum, aut ordinem tenere. Certè omnia ad amissim recensere velle, ut operosæ indaginis esset, ita etiam, quia multa obscura & latentia sunt, dubiæ res foret asseverationis. Sed & immane quantum a scopo nostro deviare, dum saltem præcipua quædam & maxime obvia *Eurematica* delibare, ac non nisi demonstrandi causa ipsos quasi fontes ostendere proposuerimus. Ordinem vero quod spec-
- 1.
- 2.

ſpectat, is mihi ſumme naturalis & appoſitus videtur, quem ipſa ſingulorum Jctorum ætas præſcribit, ut ita ſimul ſeriem aliquam & nexum quodammodo historicum habeamus; qui ſicut paſſim in Jure, ita in hoc præſertim ſcribendi genere maximi uſus eſt.

Primus itaque hic in ſcenam prodeat clarifſimus Legum vates Q. MUCIUS P. F. P. N. SCAEVOLA, cujus in Jurisprudentiâ merita ſingularia ſunt. Profecta ab eo eſt cautio *Muciana*, tam celebre in Jure tamque illuſtre Eurematicum, ut vel eo nomine principem ſibi locum vindicet. Hujus vero *inventorem* auctoremque Q. Mucium exiſtiſſe, Juſtinianus quoque adfirmat *Nov. XXII. cap. 43.* occasione L. *Julia Miscellæ*, in qua & ea cautio recepta erat, ſuper conditionibus ad nuptias ſpectantibus. Conſiſtit autem Mucianæ cautionis utilitas ἐπι πάντων τῶν ἐξηρμένων εἰς τὰς τῶν πραγμάτων κωλύσεις, ut iſtic ait Imperator ſive, ut Ulpianus loquitur, *in conditionibus, quæ in non faciendo ſunt conceptæ*, Verbi gratia, SI CAPITOLIUM NON ADSCENDERIT; & hoc tum in *legatis*, tum etiam in *heredum institutionibus* l. *Muciana* 7. pr. ff. d. *Condit. & Demonſtr.* Abſque enim hac Cautione hereditates & legata, quæ ſub conditione de

II.

I.

2.

non faciendo erant relicta, inutilia prorsus erant, propter regulam Juris, *quod neque ab herede, neque contra heredem ulla actio inchōari posset* §. *post mortem* Instit. d. *Inutil. Stipul.* perinde nimirum atque si ita legatum esset, **PRIDIE QUAM HERES AUT LEGATARIUS MORIETUR** §. 35. Instit. d. *Legat.* neutrum enim, nisi post mortem, sciri poterat; & sic incidebat in prædictam regulam. Ut adeo recte omnino Papinianus in *l. Titio 73. §. d. Condit. & demonstr.* dicat *in omnibus conditionibus, qua morte legatariorum finiuntur receptum esse, ut Muciana cautio interponatur.* confer *l. Servo 65. §. Si testator ff. ad SCt. Trebell.* Videlicet remedium a Q. Mucio inventum eò tendit, ut legatarius caveat, *se nunquam facturum, quod testamento facere prohibitus est;* & tum legatum protinus consequitur, ac si conditio jam exstisset. Hujus vero remedii sive Cautionis elegans Interpres est Æmilius Papinianus, qui explicatione ejus mirifice delectatus videtur. vide *ll. 72. 73. 77. §. 1. & 2., 79. §. 2. & 3., 101. §. 3. §. d. Condit. & Demonstr.* item *l. 76. §. 3. ff. d. Leg.*

3. *II.* Denique ejusdem tam prægnans utilitas apparuit, ut in cæteris quoque conditionibus, in quibus ipsa cautio Muciana interponi non poterat, similem quandam Imperatores introduxerint, quam *velut Mucianam* vocant

in

in d. l. 72. π d. Condit. & Demonstr.

Ab eodem hocce Q. Mucio, dum Pontifex
 Maximus esset, prodita est formula *Jurisjuran-* 4.
di in Adrogationibus adhibendi, ut ex A.
 Gellio discimus: nam in Pandectis nec vola
 nec vestigium ejus superest; quippe in cu-
 jus locum cautio sive satisdatio quam l. 18.
 19. & 20. π d. *Adopt.* continet, surrogata
 esse videtur. Ait autem Gellius *Lib. V. c.*
 19. *Ætas ejus, qui arrogare vult, an liberis*
potius gignundis idonea sit; bonaque ejus, qui
arrogatur, ne insidiosè appetita sint, conside-
ratur: Jusquejurandum a Q. Mucio Pontifice
Maximo conceptum dicitur quod in arrogando
juraretur. Ideo vero Pontifex Maximus esse 5.
 debebat, cum hanc formulam præiret, quo-
 niam tota arrogationis ratio Pontificiæ erat
 cognitionis. qua de re consule Ciceronem in
Orat. pro domo. Cæterum & ipsius *rogatio-* 6.
nis, quæ in comitiis Curiatis hac de re ad
 populum ferebatur, solennia verba exstant
 apud eundem Gell. *loc. cit.* videturque ad
 eam l. *Si is, qui 44. ff. d. Adopt.* respicere.

Q. Mucium proximè excipit C. AQUI- III.
 LIUS GALLUS, qui ab eo Jus Civile
 didicit. Ut autem Q. Mucius per memora-
 tam Cautionem suam inclaruit, ita non mi-
 nus in Jure nostro *Aquiliana* percrebuit sti-

1. *pulatio.* Videlicet cum per simplicem acceptilationem tolli non posset obligatio, nisi verbis inita, *l. An inutilis §. 5. Acceptum ff. d. Acceptil.* juxta regulam vulgatam in *l. 35. §. de R. J.* Aquilius formulam invenit, quâ & illa, quæ re aut litteris inita est, per stipulationem novata, atque ita transfusa in verborum obligationem, acceptilatione similiter perimi possit. Formulæ speciem exhibet Florentinus in *l. Et, uno 18. §. 1. ff. d. Acceptil.*
2. *ceptil.* Porro etiam legata sub conditione relicta in stipulationem Aquilianam deduci cœpere *l. Aquiliana 4. D. d. Transact.* eademque hæc stipulatio pactis conventis adponi consuevit. Quamvis hac in specie Paulus consultius ducat, pœnalem stipulationem subjicere, quia, *rescisso forte pacto, pœna ex stipulatu peti potest l. Pacto convento 15. eod. d.*
3. *Transact.* Denique & Ulpianus hîc aliquid præstitit. Nam, quia acceptilatio est actus legitimus, atque adeo inter absentes aut per alterum celebrari nequit, *l. Actus legitimi 77. juncta l. Nemo 133. §. de R. J.* ostendit quo remedio hoc quoque incommodum superetur in *l. Et per jusjur. §. antepen. ff. de Acceptil.*
4. Idem Aquilius valde versatus fuit in questionibus testamentariis. Vehemens autem inter priscos Juris Auctores altercatio erat de
juri-

juribus *postumorum* an & quatenus institui possent; quia nimirum nisi cum certis personis testamenti factio non est. Ulpianus in *Fragm. tit. XXII. §. 3.* Itaque disputatione de *postumis alienis* ortâ obtinuit Galli sententia, alienos quoque *postumos legitimos nobis heredes fieri*, inquit *l. A fratris 127. D. de Leg. Lib. I.* erat enim maximæ in foro auctoritatis, *l. 2. §. Mucii 42. ff. d. Orig. Jur.* Hoc vero postquam obtinuisset, etiam *postumi nepotes* institui illo jure potuerunt. Atqui obstabat pater eorum! Sic est; sed hanc difficultatem conceptâ formulâ superavit, ostenditque, quemadmodum ea institutio sine Juris Civilis offensione fieri posset. Hæc autem ejus cautio L. Velleiâ confirmata est, *l. Moribus 2. pr. ff. d. Vulg. & pupill. substit.* & utraque à Scævola diligenter exposita in *l. Gallus 29. π. d. Lib. & posthum. her. inst.*, sed quæ tam difficilis & intricata visa est Interpretibus, ut eam damnatis Pandectarum legibus annumerent.

Est & alter casus circa institutiones, in quo dexteritas Aquilii, itemque auctoritas in disputando elucet. Quum enim ante ipsum, si quis *ex re certa* esset institutus, non valeret institutio (quoniam tantum in universitate, non item in *re certa* jus adcrescendi locum habet; ac proinde eo in casu paterfa-

terfamilias pro parte intestatus decederet contra *l. 7. ff. d. R. J.*) interpretatione mentionem rei detrahendam censuit, quasi per errorem adjectæ, *l. Si ita quis 74. π. d. Hered. Instit.* atque ita deinceps pro certo jure obtinuit, *ex fundo*, verbi gratia, rectè aliquem institui posse. *l. 1. §. Si ex fundo l. 10. ff. eod.*

7. Cæterum formulam ejus *de dolo malo*, elegantissimam licet, quamque Cicero *everriculum omnium malitiarum* vocat, sciens prætereò, quia hanc ut Prætor concepit; atque ita ad Prætorum cautelas fictionesque dilaberer, ex quibus fere universum Jus honorarium conflatum est. Quodnam autem ejus rei initium, quis exitus foret?

- IV. Post *Gallum Aquilium* ANTISTIIUS LABEO familiam ducit, tenacissimus ille avitæ libertatis vindex. Hujus autem fictioni debetur, quod *usura* in judiciis bonæ fidei ex mora adjudicari cœperint, renitente *l. Usura pecunia 121. ff. d. V. S.* Motus enim consideratione fraternitatis, quæ inter socios obtinet, speciatim eas in actione *pro socio* ex mora admittendas esse putavit: quod cum directo facere non posset, usus est colore ejus, quod interest, scilicet moram illam intervenisse. amplius ipsis quidem sociis hoc con-

concessit, non item heredibus eorum, *l. Socium 60. D. pro Socio.* Confirmavit hanc Labeonis sententiam Pomponius in *d. l. 60.* & nec ille ultra societatem id porrigere ausus est. Postea vero Principum Constitutionibus, in primis Divi Pii, placuit usuras palam & indistinctè in omnibus bonæ fidei iudiciis deberi officio Judicis. Primus omnium hoc pro miro ingenii acumine vidit & observavit Clariss. Gerardus Noodt in absolutissimo tractatu de *Fæn. & Usur. Lib. III. c. 6.* Cæterum simili plane modo Juris Canonici Interpretes, postquam abusus usuras Pontificio Juri invisas reddidisset, Decretis fraudem fecere. Nam inter alias artes dissimulandarum usurarum, hac præsertim usi sunt, quod itidem sub specie *ejus, quod interest,* accessionem sortis admitterent. unde vel apud nostros hodieum usuræ eâ appellatione veniunt. Vide laudatum Cl. Viri opus *Lib. I. cap. 12.* Verum redeo ad *Labeonem.*

2.

3.

Est & alterius generis Eurematicum de eo proditum in *l. 19. ff. de Prascr. verb. act.* ubi talis casus proponitur; *Rogasti me, ut tibi nummos mutuos darem; ego, cum non haberem, dedi tibi rem vendendam, ut pretio uteris;* quæstio est, quinam hic contractus esse censeatur, ut de actione, qua experiendum sit, certo constet. Putat Ulpianus mutuam

tuam pecuniam factam esse, *l. Rogasti me*
11. ff. d. Reb. Cred. Et tamen idem in *d. l.*
19. probat Labeonis sententiam, monentis
tutius esse, ea in specie præscriptis verbis agere,
ut in omnem eventum prospectum sit.

- V. NERATII quoque PRISCI admoni-
 1. tionem unam atque alteram notabo. Prior,
 quæ Judicibus inservit, exstat in *l. Cum idem*
eandem 57. D. d. Heredit. petit. Quæritur
 ibi, quid dicendum, si is, qui hereditatem
 possidet, à duobus simul convenitur, & post-
 quam alteri eorum jussu Judicis illam resti-
 tuit, dein secundum alterum petitem res
 judicatur? Respondet quidem Alfenus oportere
 Judicem ita priori petitori rem restituere
 jubere, ut possessori caveat de evictione *l. Is,*
à quo 57. ff. d. R. V. Verum quid si hoc
 interim & Judex & ipse possessor neglexe-
 rint, hiccine propterea duplici damno macla-
 bitur? *Sed melius est,* inquit Neratius in *d.*
l. 57. ff. d. Hered. petit., officio judicis cau-
sione vel satisfactione victo mederi. neque enim
 possidet amplius, neque dolo fecit, quomi-
 nus possideret, quod judicio revictus resti-
 tuerit: cum & res salva sit ei, qui in exe-
 cutione tardior venit, adversus priorem victo-
 rem. Sic ibi Jurisconsultus eleganter ratio-
 cinatur.

Altera ejus cautio est in *l. Cujus bonis* 9. 2. *π. d. Curat. furios.* si postquam bonis distrahendis Curatores facere Senatus permisit, *Curator* à creditoribus electus est, sed qui nondum explicato negotio decessit. Certe ipsi creditores distrahere bona non possunt, quia curatorem petendo propriæ distractioni renunciarunt. Restat ergo ut vel novus fiat Curator, vel defuncti heres auctionem habere compellatur. Sed accidere potest, ut heres prioris Curatoris negotio isti vel propter sexus, vel propter ætatis rationem, vel propter dignitatem majorem minoremve habilis non sit; possunt etiam plures heredes existere, neque per omnes id negotium administrari expediat, nec quicquam dici possit, cur unus aliquis ex his potissimum sic onerandus. Prudenter itaque creditoribus Jurisconsultus suadet, *ut tum potius ex integro alium curatorem faciant.*

Venio ad Q. JUVENTIUM CEL- VI.
SUM, cujus duo singularia circa *possessionem* Eurematica repperi. Prius est in *l. Qui se liti* 45. ff. *d. Heredit. petit.* Nimirum cum in hereditatis petitione requiratur, ut possideat, qui convenitur *l. Regulariter* 9. *π. eod.* Valde hæsitatum fuit, quid juris esset, si quis per mendacium possessioni se obtulisset, 1.

set, aut dolo fecisset, quo minus possideret. In posteriore sane casu vix dubium erat, quin reus, etiamsi quidem ut possessor conveniri nondum posset (nam hoc Senatusconsulto demum effectum est) ex *doli* tamen *clausula* teneretur ad interesse. Immo & in priore idem non dubitat Celsus affirmare, *d. l. 45.* quia licet dolo non fecit, quo minus possideret, dolo tamen facit, qui petitioni se offert. ita enim ipsum ratiocinatum esse, liquet ex Ulpiano in *l. Nec ullam 13. §. 13. ff. eod.* ubi Celsum *Lib. IV. Digestorum*, ex quo & *d. l. 45.* desumpta est, citat. Cæterum cum mox Senatusconsultum fieret, ut illi, qui dolo malo fecissent, quominus possiderent perinde condemnarentur, quasi possiderent. *l. Item veniunt 20. §. 6. ff. eod.* id est, ut dolus pro possessione cederet, *l. Sed etsi 25. §. 8. ff. eod.* (quod & postea axiomatis vice obtinuit, ut in *l. 131. l. 150. l. 157. §. 1. D. de R. J.*) deinceps Marcellus apud Julianum Celsi sententiam generaliter extendit, omnem videlicet, qui se offert petitioni quasi possidentem teneri. *d. l. 13. §. 13. eod.*

2. *l. Is, qui se obtulit 25. D. de R. V.* Imo non sine ratione suspicor totam illam clausulam *de dolo possessoris* libello Hadriani, & consequenter Senatusconsulto quoque, ad suggestionem Celsi nostri insertam fuisse;

tum

tum, quia hujus ipsius Imperatoris consiliarius fuit, Spartian. in *vita Hadriani*, c. 18. tum etiam, quia eo tempore Consul ordinarius erat, unà cum Q. Julio Balbo. Vide initium Senatusconsulti in *d. l. 20. §. 6. π. h. t.* Sed in viam.

Posterius, quod promissum, ejusdem Celsi 3.
Eurematicum videre est in *l. Fulcinius 7. §. 17. & 18. D. quib. ex cāis in possess. eat.* Consultus istuc à Sexto quodam, cum is fundum peteret, & adversarius absens non defenderetur, respondet, *commodius se existimare, in fundum possessione mittendum, quam omnia ejus bona possideri.* Sed bene observandum est, Celsum consultum non *de latitante*, sed *de absente*. nam idem existimat; 4.
si is, à quo hereditatem petere velim, latitat, bona ejus ex Neratii sententia possideri & venundari posse §. 16. ff. *ejusd. l.* Sed tamen, *commodissime fieri, ut tantum in possessionem mittat rerum, quas pro herede vel possessore possidet.* Plane si dolo fecit, quominus possideret, bona ejus possidenda & vendenda esse. Sic ille: & hoc postremum apprimè convenienter iis, quæ mox de eodem hoc Jurisconsulto dicebamus. Sed ad alios propero.

De SALVIO JULIANO, famoso VII.
R illo

illo Edicti Perpetui Ordinatore, miror vix occurrisse quicquam, quod cautelam sapiat. Nisi tamen quod circa *stipulationis conceptionem* utilissime commendat in *l. Stipulationes* 53. *π. d. Verb. obl.* & de servo apud consilium manumittendo in *l. An apud se* 5. *π. d. Manum. Vind.*

- VIII. Exstat & SEXTI CÆCILII AFRICANI, qui Juliano *ὁμολογῶν* fuit ac successor, haud spernenda cautio in *l. Titius Sempronio* 24. *π. d. Praescr. verb. &c.* Sed quia enarratio casus istius aliquanto longior est,
1. studiosum Lectorem eò remittimus. Quod si autem ejus prudentiâ delectetur, poterit *l. Si mater* 33. *D. d. Vulg. & Pupill. Substit.* addere.

- IX. Post *Africanum* SEXTUS POMPONIUS memorandus est, qui nobis duo exquisita & celebria circa servitutes Eurenematica sistit. Sic in *l. Si usufr. 6. ff. d. Jure Dot.* longe elegantissimum casum de usufructu alienando proponit: ex quo simul apparet, quid de cessione usufructus Pandectarum tempore habendum sit. Poni autem fundi usufructum dotis nomine marito constitutum fuisse ab eo, qui fundi dominus erat, cum is, fundus uxoris non esset; & inquit, quem-

quemadmodum ususfructus iste post divor-
tium uxori restituendus sit. Certe cedi ipsi
non potest. Est enim jus personæ inhærens,
quodque adeo extra personam usufructuarii
considerari nequit, aut sine interitu ab eo re-
cedere. hinc regula vetus *Usumfr. à fructuario*
cedi non posse, nisi domino proprietatis, & si
extraneo cedatur, nihil ad eum transire, sed
ad dominum proprietatis reversionem usumfruc-
tum. Quum enim cedenti sua voluntate ab-
judicetur ususfructus, neque is actus tertio
præjudicet, consequens est, ut servitus, si-
ne persona consistere non valens, sponte eva-
nescat. Itaque hoc in casu Pomponius,
exemplo aliorum, *remedii loco* recte putavit
introducendam, ut vel *tocet hunc fructum mu-*
lieri maritus, vel vendat nummo uno; ut ip-
sum quidem jus remaneat penes maritum,
perceptio vero fructuum ad mulierem perti-
neat. Sed quid si proprietarius contendat,
non esse ei jus uti frui invito se? Tunc Prætor
mulierem data exceptione tuetur. Atque
hoc ut in emptione & locatione procedit, ita
etiam ad pignus porrectum est; referente
Marciano in l. 11. §. *Usumfr. ff. d. Pignor.*
& Hypoth. Cæterum in hac observatione
nihil mihi vindico, verum si quid egregii in
eo est, totum debeo Clar. Viro G. Noodt;
qui hæc ipse pluribus expositurus est in desi-

26

34

deratissimo illo *de Usufructu* commentario, quem haud ita pridem publici juris facturum se pollicetur.

4. Porro in *l. Sed an via* 12. *D. d. Pignor. & Hypoth.* similem fere difficultatem idem eximit JCTus circa servitutes prædiorum, quas itidem constat per se alienari aut oppignorari non posse. Itaque ea in specie videndum Pomponius ait, ut talis pactio fiat, *quamdiu pecunia soluta non sit, eis servitutibus creditor utatur.* Sed hoc tum demum, si vicinum fundum habeat; & si intra diem certum pecunia soluta non sit, vendere eas vicino liceat. nam & hanc sententiam utilitas contrahentium expressit.
5. Tertium hujus Jurisconsulti Eurenaticum, idemque non inelegans, in *l. Quod si servus* 3. §. *Idem Labeo* 5. ff. *d. In rem verso.* videri potest: ubi Labeonem, sed modestè admodum reprehendit. hac enim reverentia erga Veteres vulgo usus est. conf. *l. Q. Mucius* 10. π. *d. aur. arg. mand.*
6. Denique ejusdem cautela de postumo instituendo unâ cum formula exstat in *l. Commodissime* 10. π. *d. Lib. & posthum. her. instit.*

X. Pomponio nescio quem oportunius subjiciam, quam **GAJUM**, qui æqualis ipsi

ac familiaris fuit. nam & hujus egregia quædam Eurematica supersunt.

Ita in *l. Is, qui destinavit* 24. ff. d. R. V. 1. monet, si quis destinavit rem petere, animadvertere eum debere, an aliquo interdicto possit nancisci possessionem, quia longe commodius est ipsum possidere & adversarium ad onera petitoris compellere, quam alio possidente petere. Gaudent enim possidentes, & intentans petitorium non renunciat possessorio, cum nihil commune habeat proprietas cum possessione *l. Naturaliter* 12. §. 1. ff. d. acquir. v. omitt. possess. confer §. 4. vers. Commodum Inst. d. Interd.

Idem in *l. Si is, qui* 80. §. ult. ff. ad L. 2. Falcid. bellissime definit, quo remedio cohæres ad præstandum legatum, quod divisionem non recipit, conventus, puta viæ, itineris actusve aut operis faciendi, quo, inquam, remedio ipsi succurratur circa detractionem Falcidiæ nam in hujusmodi Legatis singuli heredes in solidum conveniri possunt. hic & *l. ult. ff. d. Servit. Leg.* Ait autem Jurisconsultus ita ei posse succurri, ut estimatione facta legati denunciaret legatario, ut partem estimationis inferat, si non inferat, utatur adversus eum exceptione doli mali. confer *l. Lege Falcidia* 7. §. 1. ad L. Falcid. & *l. Pueri mihi* 5. §. 1. ff. d. Doli Excep. Illud ne 3.

omiserim *legem* 6. *π. d. Transact.* quæ ejusdem Gaji est, omnino pro Eurematico & consilio accipiendam esse. Nihil enim vetat, quominus quis de controversia ex testamento proficiscente, non inspectis ante verbis testamenti, transigere possit, si velit, per *l. Quod quis* 203. *ff. d. R. 7.* Certe per *d. l. 6.* non prohibetur. Etenim si quis ad inscriptionem attendit, præcipue vero ad *l. 1. §. 1. ff. Testam. quemadm. aper.* unde *d. l. 6.* verbotenus descripta est, tam certum erit locum fugitivum esse, & solam Edicti prætorii *de tabulis testamenti exhibendis* commendationem continere, quam id, quod certissimum.

Itaque quod dicit Gajus *non potest*, interpretandum est, *commode vel utiliter non potest*: quemadmodum ita Paulus quoque hoc verbo utitur in *l. Decreto Prætoris* 24. *§. 1. ff. d. admin. & peric. tut.* nam quod dicitur, *quia duo (tutores) simul agere non possunt*, idem est, ac si diceretur, quia *commode & sine damno pupillis non possunt*. Ipsam questionem videbis in mellitissimo tractatu Cl. G. Noodt, qui *Julius Paulus* inscribitur. c. 7.

De Gajo inspicere præterea *l. Potior est* 11. *§. Si colonus ff. qui pot. in pign.*, ubi axioma, quod *existentia conditionis negotium retrahitur ad initium contractus*, eleganter applicat in conditionali oppignoratione. Sed & in *l.*

Ali-

Aliquando etiam 11. ff. d. Tribut. act. officiose monet aliquando expedire de pecunia agere quam tributaria, & quibus in casibus. Cujus consilii tam ferax & perspicua utilitas est, ut stultissimum vocet Imperator, qui eo non utatur. §. 5. Instit. quod cum eo, qui in al. pot.

Jam series successionis ad TERENCEM nos deduxit. XI. Exstat hujus quoque prudens consilium in *l. Sive generalis 61. ff. d. Jur. dot.* in casu quo Curator dotis nomine plus promisit, quam facultates mulieris valent sustinere. Quærit autem, quoniam lege rata non habetur auctoritas dolo male facta, utrum tamen tota obligatio infirmetur, an quod amplius, quam oportuit, promissum est? & concludit, utilis esse, id, quod superfluum est, tantummodo infirmare.

Eadem tempora attigit ULPIUS MARCELLUS, sed famæ aliquanto celebrioris. XII. Exstat Eurematicum ejus & cautionis formula in *l. Sed si damnum 9. §. ult. ff. d. Pecul.* si quid servo creditum sit jussu domini, aut dominus pro eo fidejusserit. Utrumque Julianus *Lib. XII. Digestorum* deducendum opinatur. Sed priorem casum Ulpianus distin-

guendo limitat, & mox Marcelli de utroque sententiam subjicit: quamdiu videlicet nondum quicquam domino abest, *melius esse, prestare creditori, ut ille caveat, REFUSURUM SE, SI QUID PRÆSTITERIT DOMINUS, HOC NOMINE CONVENTUS, quam ab initio deduci: ut medii temporis interusurium magis creditor consequatur.* Et hoc remedium Paulus itidem probat in *l. Quod servus meus 57. D. eod.*

2. Venuſta quoque & ſalutaris Marcelli hujus circa interpretationem commendatio eſt, in *l. Ea, quæ 192. §. 1. D. d. R. J. In re dubia benigniorem interpretationem ſequi, non minus juſtus eſſe, quam tutius*: eaque deſumpta eſt ex *l. Proximè 3. ff. d. his, quæ in teſtam. del.* ubi regulam hanc ad facti ſpeciem applicat. Eſt vero ea ſententia tam æqua tamque humana, ut fere omnes Jurisconſulti in eam certatim conſpirent. Sic in *l. 41. §. 1. l. 85. l. 155. §. Ult. l. 168. l. 200. ff. eod. d. R. J. l. 18. & 19. D. d. Legib.* item *l. 10. in fine ff. d. Reb. Cred. & l. 10. §. Ult. ff. d. Reb. Dub.*

- XIII. Eſt & Q. CERVIDIUS SCÆVOLLA, quem Modestiſtus noſter inter Prudentum coryphæos collocat) dignus, qui hic re-
 • I. cenſeatur. Ait ille, ad quæſtionem, an
 pu-

pupillus aut minor ; quando per contractum tutoris aut curatoris læsus est , restitui possit , in l. 41. ff. d. Minor. Si quidem strictam juris rationem respicimus , non posse ; quia nimirum major natus est , qui contraxit : sed tamen justum videri , ut eo casu cum ipso minore aut pupillo potius contractum videatur , atque eo nomine restitutio in integrum competat. Quod & Ulpianus probat in l. 49. cod. & propter favorem minorennium invaluit.

Idem in l. Cum tabernam 34. ff. d. Pign. & 2. Hypot. cum tabernam creditor debitori pignori dedisset , quæsitum esse refert , utrum eo facto nihil egerit , an taberna appellatione merces , quæ in ea erant , obligasse videatur ? Respondit , neutrum sibi placere ; sed ea , quæ mortis tempore debitoris in taberna inventa sunt , pignori obligata esse videri. Atque hæc ejus interpretatio similiter recepta est.

Denique & ejusdem est consilium , quod 3. in l. Gallus 29. §. Quid si 6. ff. de Lib. & postum. hered. Instit. suppeditat in defectum ; cautionis Mucianæ , itemque Legis Vellejæ.

Sed vocat me L. ÆMILIUS PAPI- XIV.
NIANUS Scævola discipulus , qui ut Juris scientiæ palmam omnibus præripuit , ita etiam singularis prudentiæ laudem reportavit

nam Dioclet : eum in *l. Utera C. d. Præd. Minor. Prudentissimum virum* appellat. Non repetam nunc longe elegantissimum *Εὐπρεπὸς*, quod *cap. VII.* retuli ex *l. Papinianus 8. §. 5. D. d. Inoffic. Testam.* quemadmodum videlicet testamentum, in quo pupillaris substitutio est facta, nunc pro duplici testamento habendum sit, nunc pro uno duarum causarum. Alia de ipso exstant, æque memoratu digna.

2. Notum est, quod pater ex delicto filii conveniri non possit. non enim veri simile est, patrem in delicta filiorum consensisse, ut circa contractus præsumitur. Et tamen si Papinianum audies, pater etiam eo in casu de peculio convenitur recte, *l. Licet 3. §. Idem scribit 11. ff. d. Pecul.* Quæso, qua ratione ? Nimirum non origo iudicii, sed ipsa iudicati obligatio spectanda est, hoc est, etsi in delictis ipse tantum filius initio conveniri queat, post litem contestatam tamen pater actione rei iudicatæ itidem obligari incipit peculiotenus, dum ipsa litis contestatione novatio contingit, atque ita quasi contrahitur. Ergo ex quasi contractu incipit pater conveniri posse, qui ante ex delicto non poterat. Hocque tam æquum visum, ut etiam in dominis receptum sit circa delicta servorum.

3. Est & altera Papiniani disputatio pulcherrima in *l. Lucius Titius 24. D. Depositi*, eaque du-

duplici paradoxo nobilis. Primo enim asse-
 rit, depositum ita contrahi posse, ut *tantun-*
dem restituatur; dein ex tali deposito *usuras*
 deberi ex pacto adjecto aut mora. Quod ad 4.
 primum, explorati juris est, inter essentialia
 hujus contractus esse, ut res deposita in spe-
 cie, nec deteriorata restituatur; atque hinc
 vulgo in corporibus consistere. An ergo &
 quantitates ad hoc dari possunt? possunt;
 maxime, si obsignatæ sint. Verum quid si
 pactum interveniat, ut *tantundem* restituatur?
Egreditur ea res notissimos depositi terminos,
 adeoque hoc in casu *mutuum* appellare Veteres
 maluerunt, & tamen quia principalis scopus
 hic in custodia consistit, nec interest depo-
 nentis depositarium ejusmodi re fungibili abu-
 ti, dum non sola possessio, sed & ipsum do-
 minium tali pacto transit, innuit. Cuius etiam
 num depositi actionem locum habere. Et 5.
 quid si simul convenerit de *usuris*? Est
quidem constitutum, ait, in bona fidei Judi-
 ciis, ut *tantundem* possit, officium arbitri, quan-
 tum stipulatio: sed contra bonam fidem & de-
 positi naturam est, *usuras* ab eo desiderare tem-
 poris ante moram, qui beneficium in suscipien-
 da pecunia dedit: & nihilominus pro con-
 clusione in continenti addit, Si tamen ab ini-
 tio de *usuris* praestandis convenit, lex contractus
 servabitur. Idemque & de mora respondit in

l. 25. §. 1. eod. cui rei Paulus similiter adfentitur in l. Si sacculum 29. §. 1. ff. eod.

6. Porro est in *l. Si minoris 25. π d. Admin. & Peric. Tut.* ejusdem hujus J^Cti diligens inquisitio si adolescens cum consensu curatorum egerit contra eos, qui tutores fuerunt, & hi quidem condemnati sunt, sed in minorem quantitatem, quam oportebat, idque culpâ curatorum, quemadmodum & minor suum consequatur, & curatores quoque indemnes servantur, propositis ad hoc remediis. Sed instituti ratio non patitur singula accuratius indagare. Vide insuper *l. Si filius 12. D. d. Vulg. & Pupill. subst.* Ubi egregie Prætori consulit.

7. Denique adi *l. Cum pater 77. §. Titio 31. ff. d. Leg. lib. II.* quæ itidem elegans illius Eurenaticum continet, circa restitutionem hereditatis ex causâ fideicommissi. Aliud ejusdem circa hanc materiam delitescit in *l. Patrem 19. ff. Quæ in fraud. credit.*

XV. Cæterum hæud prætereundi nobis CLAUDIUSTRYPHONINUS & ÆLIUS MARCIANUS, quos eadem ætas tulit.

- I. Prioris est *l. Si vero 10. ff. d. Milit. testam.* ubi ad casum a Gajo in *l. Præced. 17.* propositum, de milite, qui testamentum fecit, dum

dum adhuc militabat, codicillos vero post militiam, & intra annum missionis mortuus est, rationem suppeditat, qua heres de legatis, in codicillis relictis, Falcidiam detrahat. in testamento enim militis ea Lex nihil juris habet. Idem Tryphoninus in *l. Cum in fundo* 2. 78. §. *Quod si mulier. D. d. Jure dot.* venuste ac eleganter philosophatur circa usumfr. dotis nomine marito constitutum, quemque is non utendo amisit, an, & quomodo hic mulieri prospiciatur, ne indotata sit. Itaque haud inutiliter *d. l. 78.* conferetur cum his, quæ supra ex Pomponii *l. 66. eod.* disputata sunt.

Posterioris Eurematicum est in *l. Sicut* 8. §. 3. *antepen. D. Quib. mod. pign. v. hyp.* in qua ostendit, si creditor distractionem pignoris permittere vult, quemadmodum id permitendum sit, ut jus suum conservet, nec obstat ei exceptio. Alia ejus cautio est in §. 10. *ejusdem l.*

Sequuntur tandem duo isti veterum Jurisconsultorum antesignani DOMITIUS ULPIANUS & JULIUS PAULUS, quorum scripta in Pandectis utramque paginam faciunt. ut proinde nemo mirari debeat, tot et tam varia ipsorum Eurematica cautionesque reperiri, ut non de initio minus, 1. quam

quam de fine sollicitus sim. Miscebo autem utriusque Cautelas, tum ordinis gratia, tum ut alter ab altero illustretur.

2. Primum, quod occurrit, Ulpiani Eurenaticum est sub *tit. de Offic. Procos. l. Obferuare* 4. §. 2. ubi reverenter admodum commonet acit Proconsulem, ne, in provinciam iturus, uxorem secum ducat. Ait enim; *Proficisci autem Proconsulem melius quidem est sine uxore, sed & cum uxore potest, dummodo sciat, Senatum, Cottam & Messalam Coss. censuisse, ut, si quid uxores eorum, qui ad officia proficiscuntur, deliquerint, ab ipsis ratio & vindicta exigatur.* Cum cæteroquin maritus pro uxore non teneatur, *l. Cum te* 3. *C. ne uxor &c.* Si
3. quis verò causam istius Patrum decreti cognoscere gestit, videat ille, quæ de rapacitate & flagitiis mulierum in Provinciis tradunt Cicero in *Verrinis*, Seneca, ubi de Flamini uxore agit, Tacitus *Ann. Lib. III. c. 33.* & A. Gellius *Noct. Att. Lib. III. c. 102.*
4. Similis verecundiæ erga Procos. exemplum de eodem Ulpiano exstat in *l. Nec quicquam* 9. *pr. D. eod. d. offic. Procos.* ubi, post quam *l. 8. preced.* dixerat, Proconsulem in sua provincia majus imperium habere omnibus post Principem, subjicit in *b. l. Nec quicquam est in provincia, quod non per eum expediatur: Sane, si fiscalis pecuniaria causa sit, quæ ad*
Pro-

Procuratorem Principis respicit : melius fecerit si abstineat. Confer. l. 9. C. ubi caus. Fisc.

Immo in publicis quoque causis Ulpiani 5.
monitum exstat singulare, circa condemnationem absentis, in *l. Absentem* §. ff. d. Pæn. Cum scilicet D. Trajanus Julio Frontoni rescripsisset, *absentem in criminibus damnari non debere*, putabant nonnulli, adversus contumaces, qui neque denunciationibus, neque edictis Præsidum obtemperassent, etiam absentes condemnationem decerni oportere. ad quæ cautè Ulpianus, *Potest quis defendere, hæc non esse contraria. Quid igitur est? melius statuetur, in absentes pecuniarias quidem pœnas, vel eas, quæ existimationem contingunt, si sapius admoniti per contumaciam desint, statui posse, & usque ad relegationem procedi: Verum si quid gravius irrogandum fuisset, puta in metallo vel capitis pœnam, non esse absentibus irrogandam* vide & *l. seq. de eo, qui, ne supplicio afficiatur, dicit, se habere, quod Principi referat, salutis ipsius causa.* Sed ad privatorum commoda me converto.

Illustris hac in specie est Pauli Cautio in 6.
l. Si tibi decem 17. §. *De pignore D. d. Pact.* circa remissionem pignoris per pactum conventum. Illud certum est, pignus sicut pacto constituitur, ita & pacto tolli ipso jure; si quidem pactum conventum sit, NE

PIGNUS PETATUR. Sed quid si convenit, **NE PECUNIA**, hoc est, ne debitum **PETATUR**, an adhuc idem dicendum? Hoc certè non æque expeditum est. Constat quidem, tolli pignus hoc in casu tanquam accessorium principalis debiti, sine quo non consistit: verum, quia non principaliter, sed per consequentiam tollitur, per exceptionem quoque, non vero ipso jure, tolli videtur. Rursum æquum est, adhuc ipso jure liberari pignus, quia, sublato debito, pignus quoque simul sublatum intelligitur. Quid dicemus? Postremum verius est, & à Marciano quoque defenditur in *l. Solvitur §. π. quib. mod. pign. v. hypoth.* Paulus tamen tutius existimat, per exceptionem pignus liberare, *d. l. 17. §. 2. ff. d. Pact.* nimirum conventio **NE PETAM** notat, ne debitum petam; cum, si de pignore non petendo intelligatur, nulla dubietas sit, per *l. Major annis 23. C. d. Pign. & hyp.* Quod si pactum intervenit, **NE A PERSONA PETATUR**, id est, à persona principali seu debitore, putat Marcianus adhuc exceptionem perpetuam dari, ut à pignore seu hypotheca discedatur. *d. l. §. π. Quib. mod. pign. v. hypoth.* Hæc omnia plene & absolute tractata videbis in *Cl. G. Noodt Probabb. Lib. II. c. 8. & Lib. IV. c. 10.* ubi leges allegatas, quæ valde vitiosæ

tiosæ sunt, solerter industrièque emaculavit.

Similis huic ejusdem Pauli cautio exhibetur in *l. Qui servum* 34. §. 1. *D. d. Obl. & act.* in casu, quo commodatarius rem commodatam subripuerat. Dicit autem & commodati actionem eo in casu competere, & condictiorem; sed ita, ut altera alteram perimat: quia videlicet utraque rei persecutoria est, §. 2. *h. l. in med.* Quid igitur? institutâ alterâ, alterane ipso jure cessabit, an per exceptionem? *Et hoc quidem tutius existimat.* adde *pr. d. l. 34.* ubi itidem Eurematicum est de concursu actionum injuriarum & Aquiliæ.

De compromisso faciendo, ubi tantum una aliqua res sive negotium in quæstionem venit, prudens Ulpiani admonitio est in *l. Quid tamen* 21. §. 6. *D. d. Recept. qui arbit. recep.* Licet enim in pleno & generali compromisso id tantum veniat, de quo actum est; ut veniret, cautius tamen esse dicit, si quis de certa re compromissum facturum est, de ea sola exprimi re in compromisso. confer *l. Quicum* 9. *pr. & §. 1. ff. d. Transf. act.* item *l. Si de certare* 31. *C. eod.* circa clausulam, **NIHIL AMPLIUS PETI.**

Denuo utile Pauli consilium exstat in *l. ult. §. 1. ff. d. Inoff. Testam.* si legatario he-

8.

9.

10.

res exstiterit exheredatus, petieritque legatum, an ob id à querela removendus sit. Ait autem Jurisconsultus, certum quidem esse iudicium defuncti, itemque quod nihil ei in testamento relictum sit: *tutius tamen cum acturum, si se abstineat a petitione legati.* Sed & Ulpianus cognatos ultra fratres inofficiosi querelam intentantes monet, *melius ipsos facturos, si se sumptibus inanibus non vexarent, cum obtinere spem non haberent.* l. 1. ff. eod.

II.

Præterea circa difficultatem probationis in usufructu, si quis forte re fructuaria male utatur, ejusdem Ulpiani providentia laudanda est. Quum enim difficillimum probatu sit, utrum quis usus fuerit arbitrio boni viri, nec ne l. *Si fructuarius.* ff. *Usufructuar. quemad. cav. in l. 1. §. recte eod.* remedium præscribit. Recte, inquit, facient & heres & legatarius, id est usufructuarius, qualis res sit, cum frui incipit legatarius, si in testatum redegerint: ut inde possit apparere, an & quatenus rem pejorem legatarius fecerit. Perinde ac Imperator, ubi quis factum stipulatus est, pœnalem stipulationem subjici suadet, cum id, quod interest, in factis gravatè probari queat. §. ult. *Inst. d. Verb. Obl.* Cæterum Ulpianus, post memoratum consilium suum, majoris cautelæ gratia in §. *seq. d. l. 1.* subjicit, *utilius sibi visum, stipulatione de hoc caveri, ut*
si

12.

si quis non viri boni arbitrato utatur, committatur stipulatio statim, nec expectetur, donec ususfructus amittatur. Unde simul (ut hoc in transcurso notem) manifestissime evincitur, ususfructum solo non usu non amitti, sed demum non utendo per modum & tempus.

Amplius habeo duo Ulpiani Eurematica, 13.
peculiaris prorsus inspectionis & humanitatis pietatisque plena. Prius est in l. 1. §. ult. collata cum l. 2. seq. D. d. Lib. exhib. Nimirum ubi Jure Gentium matrimonium contractum esset, cum ea, quæ sui juris non erat, poterat pater ex plenitudine potestatis dissolvere id matrimonium, etiamsi concordans & liberis subnixum: Ita fuit ex regulis Juris. Sed cum hoc durum oppido & crudele esset, D. Pius, religiosissimus Imperator, sancivit, ne ulterius liceret matrimonium filie dissolvere, nisi ex magna & probabili causa l. Dissentientis §. C. d. Repud. Idem vero pie & sancte temperavit Ulpianus, volens, ut prius patri persuaderetur, ne acerbe patriam potestatem exerceat. Hoc autem, cum non bene animadversum sit, multis iisdemque præclaris Interpretibus fraudi fuit. Alterum ejus, quod ad humanitatem ac societatem pertinet, præceptum est in l. 1. §. Licet. D. d. Comm. & peric. rei vend. ubi enim tradidit, licere venditori vel effundere

vinum, si diem ad metiendum praeiit, nec intra diem admensum est, facta videlicet denunciatione emptori, ut aut tollat vinum; aut sciat futurum, ut effundatur: dein subicit; Si tamen, cum posset effundere, non effundit, laudandus est potius. Denique etiam argumento ab utili cum invitat, dum addit; eapropter mercedem quoque doliorum potest exigere. quod scilicet non posset, ubi vinum effudisset. Sed ad alia.

15. Est & Pauli solers Eurenaticum in *l. Pupilli 6. D. Quod falso tut. auct.* in quaestione, si falsus tutor negotia pupillaria gessit, an scientia pupilli computanda sit, an solius falsi tutoris. & quid si pupillo à tutore isthoc cautum fuerit? Sed prudenter ait, *Utique & si pupillo cautum sit, melius tamen dicitur, rem suam restitui pupillo, quam incertum cautionis eventum eum spectare.* Quod & Julianus, si aliter circumventus sit pupillus, respondit. Et in hanc sententiam quadrat, quod ait Imperator in *l. fin. C. In quib. caus. in integr. Melius est intacta eorum jura servare, quam post vulneratam causam remedium querere.* Scitè etiam Ulpianus in *l. Suspectus 5. D. d. Susp. tutor. expedire pupillo, rem suam salvam fore, quam tabulas REM SALVAM fore cautionis habere.* adde *l. Qui ita 66. D. ad SCtum Trebell.* quæ itidem Pauli est.

Sed

Sed vicissim quoque tutori cavet Ulpianus, quemadmodum tutè alimenta pupillo subministret, in *l. 2. & 3. D. Ubi pup. educ. vel mor. deb.* Innuit enim utile esse tutori, ut curet ad Prætorem convocari agnatos cognatosque próximos, & ex consilio ipsorum ipse Prætor alimenta decernat, quoniam alioquin tutor facile reputationes patitur. 16.

Porro etiam creditori prospicit circa distractionem pignoris, quod à pupillo ex permisso Prætoris accepit. Licet enim nonnulla dubitatio sit, an alienatio possit impediri, dicendum tamen est, creditorem jus suum exsequi posse; cum ne pacto convento quidem pignoris distractio prohiberi queat *l. 1. C. d. Pact. pign.* Et tamen, ait Ulpianus *tutius fecerit, si prius adierit Prætorem, l. Si pupillorum 7. §. 1. D. d. Reb. eor. qui subint.* 17.

Præterea circa legatum statuliberi pulcherrimum ejusdem Eurematicum invenio in *l. Servum filii 44. §. 8. D. d. Leg. lib. 1. Si statuliberum heres legaverit, expediet heredi ipsum statuliberum præstare magis, quam estimationem. etenim estimationem veram præstabit: ipsum vero si dederit, existente conditione nullum sentiet damnum; jam enim estimatio postea non petitur ab eo hominis liberi.* Confer omnino *§. Si res aliena 6. §. Hac ratio-* 18.

ne Inst. d. Legat. Similiter, quod in *l. 3. §.* *Inde quaritur π. d. Statulib.* remedii loco præscribitur, heredi prospicit, ne duplici damno mactetur. Disputatio legis subtilis & elegans est; sed ipsam adi eique *l. Si peculium 20. ff. cod.* quæ Pauli est, jungas.

19. Idem denuo Ulpianus in *l. Stipulatio ista 38. § Alteri stipulare 17. D. d. Verb. oblig.* utiliter non minus quam solerter fraudem facit regulæ receptissimæ, *Nec paciscendo, nec legem dicendo, nec stipulando quisquam alteri cavere potest, l. 73. §. ult. D. d. R. J.* nimirum per *stipulationem pœnalem*, quam & in aliis rebus usu venire supra notavimus.

20. Rursum sub tit. *de Damno infecto* occurrit *l. Dies 4. §. Totiens 6.*, quæ itidem præclaram Ulpiani cautionem continet. Edixerat Prætor, DUM EI, QUI AB ERIT, PRIUS DOMUM DENUNCIARE JUBEAM, quod ita interpretatur Jurisconsultus, tum demum Prætozem exigere denunciationem, si sit, cui denunciatur. Cæterum si non sit, veluti quod hereditaria insula est, necdum aditâ hereditate; vel si heres non existet, nec inhabitetur; cessare hanc Edicti partem. *Est tamen*, subjicit, *tutius libellum ad ipsas aedes proponere: fieri enim potest, ut ita monitus defensor existat.*

21. Denique (nam omnia recensere longum foret)

foret) exstat & prudens Pauli cautela in *l. Quidam* 132. *D. d. Verb. oblig.* per quam egregie consulitur adrogato adversus patrem adrogatorem, ne impune ab eo aut emancipetur, aut exheredetur; idque remedio stipulationis. Sed disputatio legis prolixior est, quam ut hic commode inseratur.

Qui autem plura hujus farinæ de Ulpiano & Paulo inquirere satagit, videat inter alia *l. Atquin* 19. §. *Cum me* 3. *D. d. Negot. gest. l. Sin autem* 29. §. *ult. D. d. R. V. l. 1. §. Cum servus D. d. His, qui dej. vel effud. l. Sed commodius* 4. *D. d. Serv. Corrupt. junct. l. 3. §. 1. ff. eod. l. Si laborante* 2. *pr. D. d. L. Rhod. de iact. l. Si quis pro eo* 46. *ff. Mand. l. Actione* 65. §. 3. 4. 5. *D. pro Soc. l. Si gratuitam* 17. *pr. cum l. seq. ff. d. Prascr. Verb. l. Adoptivus* 14. §. *Idem tamen* π. *d. Rit. nupt. l. 1. §. Quasitum est ff. Quod Legat. l. De pupillo* 5. §. *Si is, cui* 17. *D. d. Nov. oper. nunc. l. Prator ait* 9. §. *His verb. D. d. Reb. auct. Jud. possid. l. Pure* 5. *pr. ff. d. Dol. mal. & met. except. &c.*

Agmen ICTORUM claudit VENULE. XVII. IUS SATURNINUS, cujus ætas circiter in Modestini nostri tempora incidit. Cautio ejus est utilissima in *l. ult. D. d. Praetor. Stipulat.* dum ait, *In ejusmodi stipulationibus,*

nibus, quæ, quanti res est, promissionem habent, commodius est, certam summam comprehendere: quoniam plerumque difficilis probatio est, quanti cujusque intersit, & ad exiguam summam deducitur. Confer citatum supra §. ult. *Instit. d. V. Obl.*

- XVIII. Cæterum præter enumerata Eurenematica, & quæ occasione præcedentium capitum addidimus, quædam occurrunt, quæ incerti auctoris sunt, & forte pluribus substantiam suam debent. Nam paulatim jura incrementum, &, ut bene Euripides, *Εἷς δ' ἀνὴρ ἔ πανθ' ὥρα*, *Non unus omnia videt.* Et sic plurium, qui diserte enumerantur, consilium proponitur in *l. Cum ex filio 39. D. de Vulg. & Pupill. Substit.* Videamus autem illustriora quædam, & vel digito indicemus.
1. Huc omnino pertinere videtur vetus illa *testandi ratio per as & libram*, adhibito, præter libripendem & quinque testes, familiæ emptore: cujusmodi testamentum Ulpiani sæculo adhuc in usu erat; Ulpianus in illo suo *epitome tit. xx. §. 2.* Testamentorum vero curam Jurisconsultis propriam fuisse, in initio hujus operis jam est observatum.
 2. Est & elegans Veterum providentia circa substitutionem pupilli, tradita in §. *Sin autem*
 3. *Instit.*

3. *Instit. d. Pupill. Substit.*, ne tenera ætas post obitum parentis periculo insidiarum sub-
jaceat. hancque & donis applicari Gajus tra-
dit *Instit. Lib. II. tit. 6. §. 3. ad fin.* Qua
autem in re consistat ea cautio, vide locis al-
legatis.

Præterea hisdem annumerârim *clausulam* 4.
codicillarem, sustentandæ supremæ volunta-
tis inventum. Formula ejus græcanica ex-
primitur in *l. Ex ea scriptura 29. pr. & §.*
1. D. Qui testam. fac. poss. cum qua conferri
potest *l. 1. & ult. ff. d. Jure codicill.* Est-
que ea in praxi frequentissimi usus, ut vel
amanuensibus notum est.

Eodem, ni fallor, pertinent fictiones *Le-* 5.
gis Cornelia & juris postliminii. Item *consti-*
tutum possessorium aliæque fictæ traditiones.
Adde *cessionem in jure* & omnes imaginarias
& umbraticas emptiones venditiones, alios-
que actus solennes ac legitimos : & in his
coëmptiones sacrorum interimendorum gratia ;
item quæ in nuptiis usu veniebant, &c. De-
nique omnia, quæ *dicis causa*, seu, ut Græ-
ci ajunt, *προφάσεως ἕνεκα* *prætextus gratia*
aut νόμος sive (ut Modestinus loquitur in *l.*
2. §. 1. ff. Qui pet. tut.) *ὁσίας χάριν*, id est,
legis seu religionis solennitatisque satisfacienda
causa à Jurisconsultis excogitata sunt.

Mitto nunc dexteras & ingeniosas Juris- 6.

consultorum *interpretationes*, quibus Legum Constitutionumque æquitatem ad similia porrexerunt; quemadmodum Prætor remedio utilis actionis. Utrumque mihi Pedius innuere videtur in l. 13. D. d. LL. Quotiens,

7. inquit, lege aliquid unum vel alterum introductum est, bona occasio est, cetera, quæ tendant ad eandem utilitatem, vel interpretatione (nota) vel certe jurisdictione supplere. adde l. Nominis 6. §. 1. ff. d. V. S. Item l. De ætate 11. §. 8. §. 8. & ita Celsus D. d. Interrog. in jur. fac. Eodemque referenda sunt illa, quæ cum directe obtinere nequeant, per consequentiam sustinentur: item plurimæ aliæ salutare regulæ sub tit. d. R. 7.
8. Ut adeo haud incongruè Theophilus hanc Jurisconsultorum provinciam, quæ jus constitutum per interpretationem ad novos casus producendo Legum Jurisque lationem imitatur, νομοθεσίαν πολιτικὴν vocat; nam & Jurisconsulti *Auctores Juris* dicuntur, l. Divi Fratres 17. in fine D. d. Jure Patron. ut & Juris Conditores in l. 1. C. Theod. d. Cognitor.
9. Quin & in jure publico Eurenematica usum invenere. Quid enim aquæ & ignis interdictio, quid pœne servitus, quid denique addictio in servitutem, si quis ad nomen non respondisset, aliud sunt, quam mera commenta in fraudem Legis Porcie & Sempronie?

Sed ne in hoc de EUREMATICIS tractatu XIX.
nimis sim, monet pulcherrimum illud septem
Sapientum εὐρημα, quod ob excellentiam
suam templo Apollineo præfigi meruit, ΜΗ-
ΔΕΝ ΑΓΑΝ, *Nihil nimis*; idemque mihi
hîc dissertationis finem ac terminum consti-
tuat.

EXPLICIT. DIATRIBA
DE EUREMATICIS.



Ε Π Ι Κ Ρ Ι Σ Ι Σ.

A Ntequam te missum facio, est quod moneam, quicumque hanc meam lucubrationem legere dignatus es. Ubi primum ad hanc materiam animum appulissē, diligenter, ut fit, inquisivi, num forte aliquis Modestini illa de Eurenaticis legatim pertractasset. Sed cum percunctando inquirendoque neminem invenire, cap. I. §. 1. n. 2. liquido adseverari, fragmenta Modestini de Eurenaticis à nemine hactenus, quod scirem, ex professo tradita esse. Sed vix dum opus absolveram, quin forte fortuna incidi in Joh. Schilteri HERENNIIUM MODESTINUM, sive fragmenta Libri singularis, quem *περὶ εὐρηματικῶν*, id est, de Cautelis inscripserat Modestinus, Commentario illustrata, &c. Initio, fateor, pœnitebat insumpti laboris, quem à celeberrimo inter Germanos Antecessore occupatum cernebam. Sed continuo cogitabam, non omnia sic
cum

cum ipso mihi communia fore, quin aliquid fortasse majoris momenti nondum ab eo animadversum proferrem. Quod si vero etiam præcipua conspirarent, melius quidem esse, inchoatam editionem suppressere, sed tamen interim, amissâ hac gloriolâ, solatii loco cessurum, si mihi cum tanto Viro omnimodè convenire deprehenderem. Ast legendo cognovi, tantopere inter se discrepare hanc illius & meam expositionem, ut haud multum luminibus nostris officere videatur. Nec enim potest aliter. Nam cum Vir Clarissimus, ut in ipso tractatus limine indicat, hæc MODESTINI fragmenta non tantum commentario illustrare, verum etiam ad usum fori hodierni redigere constituerit, ego vero necessitatem Eurenaticorum usumque in Jure nostro ostendere, & non extra Civilis Prudentiæ metas exorbitare voluerim, non potest, quin pro diverso hoc scopo diversa etiam ratione eandem materiam tractemus. Sed nec in iis in quibus convenire poteramus, hoc est, in
ipsis

ipsis legibus explicandis, undequaque congruimus; quamvis interim nonnihil sit, in quo me eandem cum Cl. Schiltero, aut similem quandam interpretationem gloriari possum assequutum esse. Accedit, quod Vir Celeberrimus ea, quæ ad introductionem in hanc materiam spectant, brevissime defungatur, quæ cum ego aliquanto accuratius enarrare vellem, præcipua præfationis istius, à nemine hæctenus, &c. causa fuit. Verum, si videtur, politum huncce nec inelegantem tractatum perfunctoria inspectione percurramus.

Capite II. §. III. objectionem Accursii contra posteriorem Eurenaticum, in l. 65. π. d. Procur. propositi, clausulam adducit Auctor, eamque efficaciter diluit. Eodem cap. §. VI. ad l. 21. ff. Rem rat. hab. Dion. Gothofredi criticism adfert, eamque rejectâ, aliam substituit. Sed utraque recipi posse videtur. Porro §. seq. l. unic. C. d. Satisfdat. latè explicat. Denique §. ult. praxin subjicit, ut solet ad calcem cujusque capituli. Ca-

Capite III. illud præcipuum habet, quod §. III. legem 2. ff. d. Donat. exponit, in qua iustus & fidejussio confundi videntur.

Capite IV. fuse agit de matrimonii apud varias gentes instauratione, Hebræos nimirum, Atticos, Romanos, Saracenos ac nostrates. In specie autem §. I. Legem Edmundi Regis Anglo-Saxonum circa dotem vetusto ac patrio idiomate repræsentat. Paragrapho X. locum Pauli in l. 30. ff. d. Jure Dot. egregie explicat, in quo eum Bussius à cæteris Jctis dissentire credidit. Lex vero 27. D. d. Pact. dotal. quam §. IV. per oportune adfert, à me quoque observata est, sed quia quandoque Mantissam de abusu Eurenaticorum edere paro, in adversaria, quæ hac de re collegi, relata. Denique §. XI. ingenti apparatu quæstionem de dissolutione matrimonii adornat, quam deinde in Historia dogmatis Ecclesiæ Christianæ, ad finem hujus Commentarii adjecta, porro exsequitur.

Cap.

Cap. V. §. V. annotat Clariss. Antecessor Argentoratensis, legem 58. D. Solut. Matrim. quam ibi exponit, in quibusdam codicibus inscribi, **MODESTINUS** Libro singulari de Dotis differentia; sed merito vulgatam inscriptionem vindicat.

Cap. VI. §. VI. citat etiam §. 2. Instit. d. Susp. Tut. Sed vix est, ut periodum, quid si patronus? &c. probe intellexisse videatur.

Ad l. 4. π. d. Vulg. & Pup. Subst. quam Cap. VII. explicat, videtur quidem aliquid suboluisse Viro Clariss. circa constitutionem Divi Pii, & quod illa præmissam Divi Marci & Veri constitutionem præcesserit, quin hac in parte etiam celeberrimi Duareni ἀντιστοιχίαν notat, sed tamen ipse nihil adfert, quod hanc difficultatem expediat. Certe, quid proprie velit, mihi non liquet. Præterea etiam in explicatione §. 2. hujus Legis parum sapit ultra communem DD. opinionem, quam pluribus refutavi.

In aditu Capitis VIII. sistit solennem hereditatis aditionem ex Jure Attico, quam ἐπίδικον vocant; item ex Jure Civ., quæ cretio dicitur, ejusdemque formulam. Pulchra quoque & elegans observatio est, quam §. III. ex Duareno adfert Schilterus, cur nempe ratihabitio in bonorum possessione locum habet, in hereditate non habet. Feliciter quoque §. seq. pro subscriptam epistolam, scriptam restituit. nam ita Russardus & Charondas in margine confirmant, ut notavi.

In cap. IX. video eum adhærere distinctioni ususfructus in causalem & formalem. Amplius §. IX. Joanni, Azoni & Hugolino resistit in eo, in quo illos Cujacii & Groenerwegii verbis tuiti sumus. De formula UTI OPTIMUS MAXIMUSQUE in fundo legando quædam habet §. XI. in med. In fine autem ejusdem §. Haloandri & Cujacii emendationem in L. 66. §. pen. ff. d. Leg. II. rejicit; sed quam bene, alius viderit.

Capite ultimo §. VIII. *crisin* tentat in *Modestini* l. 45. D. ad S^Ctum Trebell. quæ quidem minus absurda est, sed tamen, quoniam constantem ubivis lectionem mea explicatione servari posse autumo, nihil temerè adsentior. Quod vero §. seq. de directis actionibus ex secundo *Pegasiani* capite in fideicommissarium transferendis proponit nescio, an æque tolerari possit. Profecto impugnat fundamentalem *Juris Civilis* regulam, quam ipse *Vir Clariss.* §. I. & II. egregie asseruit, eum videlicet, qui semel heres exstitit, nunquam desinere heredem esse. Amplius casum desidero, quo *Prætor* ullusve alius *Pop. Romani* magistratus actiones *Jure Civili* competentes, transtulerit unquam.

Hæc erant, quæ mihi ad *Clariss. Schilteri* commentarium annotanda videbantur.

F I N I S.

ERRA.

E R R A T A


qua lectionem turbant.


Pag. 10. lin. 17. pro *insidentur*, lege *insidentur*. pag. 11. lin. 16. pro *Lib. IV.* lege *Lib. VI.* pag. 13. lin. 18. ad *Jurifconsultos*, adde *quoque*. pag. 23. lin. antep. pro §. *Nec enim* restitue §. 1. *vers. Nec enim*. pag. 33. lin. 2. pro *induxit*, lege *induxi*. pag. 43. lin. 13. *Legi XII.* adde *Tabb.* pag. 55. lin. 10. pro *stipulatori*, lege *stipulatore*. pag. 59. lin. pen. pro *eandem* repone *amplius eandem*. pag. 60. lin. 5. pro §. *Accedit fin.* lege §. *Accedit in fin.* & lin. 24. pro §. *C.* lege §. *ult. C.* pag. 78. lin. 23. pro *l. Si fundum* 12. restitue *l. Fructus* 7. §. *Si fundum* 12. pag. 86. lin. 2. pro *fraus sit*, lege *fraus fit*. pag. 92. lin. 19. pro *tutionem* lege *tuitionem*. pag. 94. lin. 2. pro *proprius*, lege *propius*. pag. 96. lin. 11. pro *considerante*, lege *consideranti*. pag. 115. lin. 5. pro *voluntate*, lege *voluntati*. pag. 136. lin. 13. & pag. 137. lin. 22. loco *Proculeianorum* substitue *Proculeianorum*. pag. 140. lin. ult. pro *aquabili*, lege *aquabili*. pag. 144. lin. 5. pro *sui*, lege *seu*. pag. 150. lin. 1. pro *disce*, repone *disces*. pag. 160. lin. 7. pro *substitutum*, lege *substituto*. pag. 181. lin. 11. pro *debeat*, lege *debet*. pag. 202. lin. 6. pro *hemicyli*, lege *hemicyclis*.

*clis. pag. 205. lin. 23. pro nostri, lege nos-
tra. pag. 221. lin. 12. pro Trebellianici, le-
ge Trebelliani. pag. 233. lin. pen. pro Vete-
rem, lege Veterum. pag. 265. lin. 12. pro
creditor debitori, lege creditori debitor.*









005651657

